



ԳՐԱԿԱՆ, ՔԱՂԱՔԱԿԱՆ, ՊԱՏՄԱԿԱՆ ԵՒ ՀԱՆՐԱՅԻՆ

ԱՄՍԱԳԻՐ

ՏԱՍՆԵՒՅԻՆ ԳԵՐՈՐԴ ՏԱՐԻ

1910

№ 5—6


ՄԱՅԻՍ—ՅՈՒՆԻՍ

Թ Ի Յ Լ Ի Ս

ԵՆԵՔՐԱԶԱՐԺ ՏՊ. ՕՐ. Ն. ԱԳԱՆԵԱՆՅԻ, ՊՈՒԼՏ. 7.
1910

ԲՈՎԱՆԴԱԼՈՒԹԻՒՆ

Կար. Վ. Շահնազարեանց. պատկեր.	
Կարապետ վարդ. Շահնազարեանց. կենսագրական տխարի.	
Կ. Կոստանեան	3
Դարդ ու վարդ } բանաս. Յար. Պետրոսեան	39
* * *	
Պատմութիւն Սասանեանց. պրօֆ. Կրիմսկու. Մ. Շովրեան	40
Մի օր. վէպ. Արսէն	46
Տ. Կոստանդին Զ. Վահկացի. Մաղափա արեւայս. Օր- մանեան	61
էղգար Ալլէն Պօ. Մարգօ	70
Նորադոյն պատմագիտութիւն, Կարլ Լամպոեխսի. գերմ. քարգմ. Pessimist	77
Աքսորականները. մի պատկեր. Բօժժօր	87
ԳԻՏՈՒԹԻՒՆ ԵՒ ԱՐՈՒԵՍՏ	
1. 606 կամ հատա. 2. դր. Դուպլէնի հրաշագործ էլիքսիրը: Օր. Նուարդ Աղանեան	94
Ստացուած դրքեր	96
ԱՄՍՈՒԱՅ ՏԵՍՈՒԹԻՒՆ	
Ուսուցչական խնդիր:—Հայոց եկեղեցին թիւրքիպուժ և միտոլինդներ:—Դարձեալ Օրմանեան սրբազան:—Լուրեր.	97
ՅԱՅՏԱՐԱՐՈՒԹԻՒՆՆԵՐ	



ԳՐԱԿԱՆ, ՔԱՂԱՔԱԿԱՆ, ՊԱՏՄԱԿԱՆ ԵՒ ՀԱՆՐԱՅԻՆ

ԱՄՍԱԳԻՐ

ՏԱՍՆԵՒՅԻՆ ԳԵՐՈՐԴ ՏԱՐԻ

1910

№ 5-6

ՄԱՅԻՍ-ՅՈՒՆԻՍ

Թ Ի Ֆ Լ Ի Ս

ԵԼԵԲՏՐԱԶԱՐԺ ՏՊ. ՕՐ. Ն. ԱՂԱՆԵԱՆՅԻ, ՊՕԼԻՑ. 7.
1910



ԿԱՐԱՊԵՏ Վ. ՋԱՆՍԵԱՐԵԱՆՑ



WILLIAM A. SHAW

ԿԱՐԱՊԵՏ ՎԱՐԴԱՊԵՏ ՇԱՅՆՍԶԱՐԵԱՆՑ

(ԿԵՆՍԱԳՐԱԿԱՆ ԱԿՆԱՐԿ)

Ա.

Մեր հոյակապ հայրապետներից մէկը, տ. Ներսէս Աշտարակեցին, սովոր էր միշտ գանգատել, թէ վանական դասի մէջ մարդ չունի եկեղեցու վարչական պաշտօնների համար:

Ասենք այդ սովորութիւնը գրէթէ ժԹ. դարու բոլոր կաթողիկոսներին էր յատուկ, որոնք այդ անուամ էին մեծ մասով իրենց անգործութիւնը վարագուրելու համար:

Սակայն տ. Ներսէս Ե. իւր տրտունջներն յայտնելու ժամանակ, անշուշտ, ուզում էր իւր նախորդի, տ. Յովհանէս Ը. Կարբեցու հայրապետութեան ապարդիւն լինելն ապացուցանել:

Փայլուն չէր արդարև Կարբեցու հայրապետութիւնը և նայելով այն պայմաններին, որոնց մէջ նա ժառանգեց հայրապետական աթոռը, չէր էլ կարող փայլուն լինել: Սակայն մի բան հաւաստի է, որ տ. Յովհանէս Ը. հետամուտ եղաւ վանական դասի հեղինակութիւնը բարձր պահելու, և այդ նպատակի համար բարեկարգելով Մայր աթոռի ժառանգաւորաց դպրոցը, տպարանն ու գրանոցը, սկիզբն դրեց վանական նոր սերունդ պատրաստելու գործին: Այդ գիտենք մենք նորա սկզբնական գործունէութիւնից, որին նա ձեռնարկեց գրէթէ իւր օծումից անմիջապէս յետոյ (օծուեցաւ 1831 նոյ. 8 ին):

Այսպէս, օրինակ, 1832 փետր. 6-ին նա գրում է

Տփխիս Մինաս եպիսկոպոսին, որ «Հաւաքարցի տպագործ Յովակիմին» որն յառաջ Ներսիսեան դպրոցի տպարանումն էր ծառայում, վարձէ և ուղարկէ Էջմիածին, որովհետեւ արդէն տպարանի պիտոյքները պատրաստել է և կարելի է գործն սկսել: Նոյն փետր. 27-ին կաթողիկոսը գրում է Մոսկով Սալլանթեան Միքայէլ վարդապետին (յետոյ արքեպիսկոպոս) որ ս. Էջմիածնի և Վաղարշապատի ուսումնարաններում հայկաբանութեան ուսուցիչ է կարգել Թաղիադեան Մեսրոպին, որն ասում է, ընդունակութիւն ունի և տպարանի գործադրութեան, և նորա միջոցով ինքը բերել է տուել Հնդկաստանից նոր պարագաներ: միևնոյն ժամանակ կաթողիկոսը պատուիրում է Սալլանթեանին իրեն հետ Մոսկովից բերել «երկու լաւագոյն ձուլիչ»: Նոյն տարուայ մարտ ամսին կաթողիկոսը գրում է Ս. Պետերբուրգ Լազարեան իշխաններին, թէ արդէն չորս ամիս է ինչ սկսուել է ուսումը վանքի և գիւղի ուսումնարաններում, իսկ յունիսի 29-ին նշանակելով Շահխաթունեան Յովհաննէս վարդապետին (յետոյ եպիսկոպոս) Մինոգի անդամ, կաթողիկոսը միևնոյն ժամանակ կարգում է նորան «առանձին վերահայեաց հոգաբարձու ի վերայ գործարանի տպագրութեան, եւ գրանոցի Մայր Աթոռոյս» և այդ պարտաւորութիւնների համար յանձնում է Շահխաթունեանին յատուկ գրաւոր հրահանգներ: Այդ իսկ ժամանակներում տ. Յովհաննէս Ը. ունեցաւ յատուկ թղթակցութիւն Լազարեան Խաչատուր աղայի հետ, որը խոստացաւ ուղարկել Մոսկովից տպարանի համար լաւ վարպետներ, դպրոցի համար մատնացոյց արաւ ձեռնհաս ուսուցիչների, և յանձն առաւ երեք աշակերտ ընդունել Լազարեան Ճեմարանն ըստ ընտրութեան կաթողիկոսի:

1832 յունիսի 23-ին տ. Յովհաննէս Ը. պատուիրում է Յովսէփ արքեպիսկոպոսին ամէն միջոց գործ դնել գնելու կամ մի կերպ ձեռք բերելու Ալլահիշիբեան Մարտիրոսից այն հագուազիւտ ձեռագիրը, որ «Յայսմաուրբից էլ ա-

ւելի մեծ» դիրք ունի: Տեղը չէ Կարբեցու այսպիսի ձեռնարկութիւնները միառմի թուել և բացատրել նոցա ընթացքը. այսքանն յիշելն էլ կարևոր էր ցոյց տալու համար, թէ տ. Յովհաննէս Ը. իւր հայրապետութեան սկզբիցս. էջմիածնի անշքութիւնը փարատելու համար դպրոց, տպարան, գրանոց բարեկարգելու հետեցեալ և իւր վանականներին այդ հաստատութիւնների շուրջը ժողովելու և զարգացնելու մեծ հակումներ ցոյց տուեց: Թէպէտև խիստ անյաջող պայմանների մէջ գոյով, նա հետզհետէ աւելի ևս շփոթուեցաւ նոր աննպաստ հոսանքների մէջ, սակայն իւր ձգտումներից չշեղուեցաւ երբէք: Սորա պերճախօս յայտարարն է Շահխաթունեան Յովհաննէս եպիսկոպոսի նման միաբանի ներկայութիւնն և նորա կրկնահատոր պատկառելի հրատարակութիւնն «Ստորագրութիւն կաթողիկէ էջմիածնի» որինմանը Մայր Աթոռի միաբանութիւնն ու մամուլն այլևս պատեհութիւն ունեցած չեն լոյս ընծայելու:

Տ. Ներսէս Ե, որ յաջորդեց Կարբեցի հայրապետին, եկաւ սակայն երկաթէ գաւազանով ուղղութեան բերելու իրեն աչքին անպէտք երևցած միաբանութիւնն և վանելու ցրուելու առհասարակ վանական դասը: Այդ և եղաւ պատճառ, որ նորա օրով վանքերն սկսեցին անշքանալ և վանականներն, ով ինչպէս կարողացաւ, թողին հեռացան և փախան դէպի Տաճկաստան և այլ տեղեր¹: Այդպիսի փախստականներից մէկն էր և հռչակաւոր Կարապետ վարդապետն Շահնազարեանց:

Տեսնենք նախ թէ ինչպէս անցաւ այս վարդապետի կեանքը մինչև այդ պատահմունքը: Եթէ կան ժամանակակիցների յիշատակաբաններ և պաշտօնական թղթեր, որոնք տալիս են մանրամասն տեղեկութիւններ նորա

1. Ծանօթ են Մխիթարեան Աբէլ, Արշարունի Յովհաննէս, Օձնեցի Վարդան, Մժէժեան Մարտիրոս, Արարատեան Սերովբէ վարդապետները, որոնք տ. Ներսէսի մահից յետոյ վերադարձան Մայր աթոռ և շատերն հասան արքեպիսկոպոսական պատուի:

կեանքի և գործունէութեան մասին, զժբաղտաբար, որքան մեզ յայտնի է, նորա հրատարակութեան տրուած չեն: Մեզ մնում է միայն համախմբել և զասաւորել այստեղ այն ինչոր յայտնի է մեզ մինչ ցայս լոյս տեսած հրատարակութիւններէց ¹:

Բ.

Կարապետ վարդապետ Շահնազարեանց ծնաւ 1814 թուին մայիսի 14-ին ². Պարսկաստանի Համադան քաղաքում: Նա, անշուշտ, սերուած է ազնուական տանից, որովհետեւ ինքն իւր պապին անուանում է ³. Մելիք Շահնազար: Նորա հայրը, Մելքում, վաճառականութիւն էր անում Պարսկաստանում: Թէ ինչ հանգամանքների մէջ անցաւ նորա սկզբնական դաստիարակութիւնը, մեզ անյայտ է: Արարատեան երկրի Ռուսաց տիրապետութեան տակ անցնելուց յետոյ, թուի թէ նորա ծնողք նախադասեցին զէթ իրենց զաւակին քրիստոնեայաշխարհում կրթութել: 1828 թուին մենք տեսնում ենք Շահնազարեանցին Մայր Աթոռում իբրեւ ժառանգաւորաց դպրոցի աշակերտ: Նա ինքը գրում է ⁴ իւր մասին թէ «յամի 1834 ի վարդապետարանին սրբոյ էջմիածնի ի մարգս դեգերէի հոտորական և աստուածաբանական ուսմանց»:

1. Արեւելեան Մամուլ 1875. Արաքս, Բ. տարի:

2. Արաքս, Բ. տարի, եր. 71. Արեւել. Մամուլ 1875 Սեպտ.— Ոմանք Շահնազարեանի ծնունդը դնում են 1810-ին (տ. Ընդարձ. Օրացոյց ազգ. Հիւանդանոցի 1901, եր. 61.—Այս թուականին է յարմարւում և այն տեղեկութիւնը թէ Շ. վախճ. 54 տարեկան հասակում (տ. Արաքս, Բ. տ. 60):

3. «Ի յիշատակ հոգևոր ծնողին իմոյ և բարերարի Յովսէփայ արքեպիսկոպոսի Վեհապետեան, հաւուն իմոյ, Մելիք Շահնազարի, հօրս, Մելքումի, մօրս, Սանամի, եղբօրս, Ղազարու, և քեռս, Նապաթի, ի Գրիստոս ննջեցելոց». տ. Մովս. Կաղանկատուացի, հատոր Բ. Փարիզ, 1860.

4. Ղևոնդ պատմագիր, Փարիզ, 1857, Ազգ:

Ժառանգաւորաց դպրոցի աշակերտութիւնն այսպիսով տեւց 5—6 տարի և նորա կրթութիւնն այն էր, ինչոր յատուկ էր այն ժամանակուայ վանականներին, ուսանում էին գլխաւորապէս Ս. Գիրք, հայկաբանութիւն, ճարտասանութիւն, եկեղեցական պաշտամունք և վայելչագրութիւն: Սակայն դպրոցական այդ շրջանում արդէն ձևակերպուում էր Շահնազարեանի բուն հակումը նախնեաց յիշատակարաններն ուսումնասիրելու. «ի փառս գրէի անձինս, ասում է՝, եթէ հնարէի զկենդանագործութիւն կիսամեռ յիշատակարանաց իմոց նախնեաց, զորս տգիտութիւն և անփութութիւն թողին ցարդ ՚ի խաւարի անտես ի ժողովրդենէ»:

Նորա այդ հակումը դեռ դպրոցի մէջ արտայայտութիւն գտաւ այն եռանդուն ընդօրինակութիւնների մէջ, որ կատարում էր հնադարեան վանքի գրանոցի գրչեայ մատենաներից, որոնցից հանում էր գլխաւորապէս նախնի հայ պատմիչների գործերը:

Որքան և հաւաստին չգիտենք, իրերի ընթացքից երևում է սակայն, որ Շահնազարեանի այդ հայկական պարզամունքներին ուղղութիւն տուողն եղած պէտք է լինի յաւէրժացեալն Յովհաննէս եպիսկոպոս Շահխաթունեան, ս. էջմիածնի այն ժամանակուայ լուրջ հայկաբանն և հնագէտը, որ դեռ նոր էր սկսել իւր ուսումնասիրական գործունէութիւնը Մ. Աթոռի միաբանութեան մէջ²:

1. տ. Ղևոնդ պատմ. Ազգ.

2. Շահխաթունեան ծն. 1799 մայ. 20-ին. յանձնուեցաւ Մ. Աթոռի դպրոցն 1814 թ. երկու տարի յետոյ Աստուածատուր արքեպիսկոպոսը նուիրակութեան գնալիս ուրիշների հետ միասին Շահխաթունեանին էլ տարաւ հետը Կ. Պօլիս, ուր և յանձնեց նորան հմուտ ուսուցիչների դաստիարակութեանը: Աստուածատուր առանձին իմն խնամք ունեցաւ իւր սաների վերայ և յատուկ ծախքեր արաւ նոցա համար ուսուցիչներ վարձելու. բացի հայերէնից Շահխաթունեան ուսաւ նաև յունարէն ու թուրքերէն: 1820 մարտի 25-ին Աստուածատուր ա. եպիսկ. ձեռնադրեց Շահխաթունեանին սարկաւազ Փիլիպպոսյանի եկեղեցում. հինգ

Շահխաթունեանից զատ կային Մ. Աթոռում և ուրիշ գիտուններ, որոնք ժամանակի սովորութեան համեմատ իրենց սեպուն պարտականութիւն էին համարում վանքի համար ժառանգաւորներ պատրաստել դպրոցի ընդունակ աշակերտներին: Անձնական զրկանքների գնով նոքա ոչ միայն պահպանում էին վանքն իբրեւ իրենց հարազատ տուն և օթեան, գերազանց քան իրենց բուն ծննդավայրը, այլև ոգևորուած էին անհուն սիրով դէպի ազգային նուիրական աւանդները, սիրում էին գիր գրականութիւն, պատմական հնութիւններ, լեզուի մշակութիւն և այլն: Ինչ և լինէր այդ մարտիկների բարոյական նկարագիրը, նոցա ոգին և ուղղութիւնը, մի բան հաւաստի է, որ Մայր Աթոռի այդ հին միաբանները ջերմագինս փարած էին հոգևորականի բուն կոչման յատուկ գործունէութեան, ընդգրկած էին ազգի վշտերն իբրեւ իրենց անձնական վիշտ և գործում էին ամենայն անկեղծութեամբ և անձնուրութեամբ: Նոցա այդպիսի տրամադրութեամբ միայն կարելի է բացատրել այն, որ չնայելով Դաւիթ-Դանիէլեան ժամանակի վշտալի տնաւեր դէպքերին, այնուամենայնիւ Աթոռի մէջ չպակասեցան Շահխաթունեանի նը-

տարի յետոյ նա իւր սարկաւագի հետ միասին վերադարձաւ Մ. Աթոռ և 1826 մարտի 21-ին ձեռնադրեց նորան արեղայ, շուտով նա վախճանեցաւ և նորա թողած ժառանգութեան մասին Շահխաթունեան բաւականին հաւածանք կրեց, մինչև որ 1828 փետր. 18-ին տ. Եփրեմ կաթողիկոս նորան մխիթարելու համար հրամայեց տալ նորան վարդապետական գաւազան: Այդ ժամանակից սկսուեցաւ նորա բեղմնաւոր գործունէութիւնը Մ. Աթոռի դպրոցի, գրանոցի և այլ հաստատութիւնների օգտին: 1841 յունիսի 22 տ. Յովհաննէս Ը. ձեռնադրեց նորան եպիսկոպոս, 1846-ին տ. Ներսէս Ե. նշանակեց նորան ժառանգաւորաց դպրոցի տեսուչ. վախճ. 1849 թուին և թաղուեցաւ իւր հայրենական Շահրիար գիւղում: Շահխ. ուրիշ ընկերների հետ միասին միտք ունէր Սեւանայ վանքում մի ուսումնական միաբանութիւն հաստատել. այդ բարի խորհուրդը չիրագործուեցաւ իրենից անկախ պատճառներով: Ար. եպ. Սեդրակեան Յովհ. եպ. Շահխաթունեանի կենսագրութիւնը, Ս. Պետերբ. 1898.

ման գիտուն, ուսումնասէր և աւանդապահ միաբաններ, որոնք իրենց ոգին հաղորդեցին և նոր ժառանգաւորներին: Այդպիսի գիտուն միաբաններից են Գուլասպեանց Ջաքարիա վարդապետ «վարժապետն ճարտասանութեան», Ղրիմեցի Յովհաննէս վարդապետ ընտիր գրիչն, հմուտ դիւանական գործերի և քաջ ուսսագէտ, Գրիգոր վարդապետ Աշտարակեցի «շարադիրն կոնդակաց» և այլն:

Գ.

Ս. Էջմիածնում Շահնազարեանին յատկապէս հովանաւորում էր Յովսէփ արքեպիսկոպոս Վեհապետեան, որին նա անուանում է հոգեւոր ծնող և քարոքար: Բարձր նշակարագրի տէր մարդ չէր Յովսէփ, սակայն ժամանակի միաբանութեան մէջ ամենից ճարպիկ, ժիր և գործունեայ վանականն էր, իսկապէս ասպարէզի մարդ, փառասէր, և ոչ գերծ շահասիրութիւնից: Տ. Յովհաննէս Ը. Կարբեցու ազգականն ու որդէգիրն էր նա, ինքն էլ Կարբեցի, տէր Մարուգեանց Մատթէոսի որդի, որ սկզբում տ. Եփրեմ Ա. կաթողիկոսի սպասաւորն էր և Աշտարակեցի Ներսէս արքեպիսկոպոսի մտերիմն և անձնուէր բարեկամը. վերջինիս Բեսարաբիա հեռանալուց յետոյ տ. Եփրեմ նշանակեց Յովսէփին Սինոգի անդամ և Մայր Աթոռի կառավարիչ. գրաւելով Աթոռում Աշտարակեցու տեղը, նա այդ ժամանակ և երևի յորջորջուեցաւ «պատլիկ Ներսէս» անանց ունենալու նորա բարեմասնութիւնները: Քաջ բնորոշել է Յովսէփին Սերովբէ եպիսկոպոսը, որ 1830-ին գրում է¹ կոմս Պասկևիչին «Յովսէփ վարդապետը... Ներսէս արքեպիսկոպոսից աւելի խորամանկ է և խաբեբայ, բայց չունի, ասում է, ոչ նորա միջոցներն և ոչ նորա կրթութիւնը»:

Իբրև պատլիկ Ներսէս Յովսէփ ազդեցիկ տեղ ունէր վանքում Աշտարակեցու կուսակցութեան մէջ, որն այն

1. Երեցեան Ա. Ամ. Հ. կաթ. և Կովկասի Հայք, Ա. 380.

ժամանակ կոմս Պասկևիչին հաճոյական չէր. այդ պատճառով կառավարութիւնն ուշադրութիւն դարձուց Յովսէփի ընթացքի վերայ. իշխան Վ. Բէհրուզեանը, որ այն միջոցին կառավարում էր Հայկական Աշխարհը, հրահանգ ստացաւ հեռացնել ասպարէզից Յովսէփին, եթէ վերջինս չուրանայ իւր բարեկամ և բարերար Ներսէսին. 1830 մայիսի 24-ին իշխանն հաղորդում է Պասկևիչին, որ իրեն յաջողել է բոլորովին պրաւել Յովսէփին և հեռացնել Ներսէսից, միևնոյն ժամանակ նա վկայում է, որ Մայր Աթոռում «խեղացի և ճարպիկ» Յովսէփը մեծ ազդեցութիւն ունի կաթողիկոսի, սինոդականների և միաբանութեան վերայ: Իշխանն Յովսէփի հաղորդած տեղեկութիւններով և համոզուեցաւ, որ տ. Եփրեմ կաթողիկոսի «իշխանութեան գրէթէ բոլորովին ոչնչանալու» և Հայոց եկեղեցական գործերի անկարգութեան պատճառը Ներսէս Աշտարակեցու կամքն ու կարգադրութիւններն են¹: Յայտնի է, որ այնուհետև շատ չքաշեց և տ. Եփրեմի հրաժարականն ընդունուեցաւ ու տ. Յովհաննէս Ը. գրաւեց հայրապետական աթոռն 1831 նոյ. 8-ին: Այդ ժամանակից տ. Յովհաննէսի հայրապետութեան գորեղ նեցուկներէց մէկն եղաւ Յովսէփ, որին վեհն 1832 մայիսի 12-ին եպիսկոպոս ձեռնադրեց: Տեղը չէ տալ Յովսէփի լիակատար նկարագիրը, որին արժէ նուիրել մի առանձին բնութագրութիւն:

Պէտք է ասենք սակայն, որ այդ արհին տ. Յովհաննէս Ը. կաթողիկոսի մշտական և անփոփոխ գործատարն էր ամեն բանի մէջ և իբրև հայրապետական սուրհանդակ նորան յաճախ կարելի էր տեսնել և ս. Էջմիածնի պատերից դուրս ևս այնպիսի տեղերում, ուր հարկ էր կամ մի խռովութիւն դադարեցնել, կամ անհրապարակելի մի գործ ծածկել քողարկել, կամ վերջապէս դրամական հաշիւներ մաքրել և կաթողիկոսի գանձը զօրացնել և այլն: Եւ պէտք է իրաւունք տալ այդ արքեպիսկոպոսին, որ ինչ-

1. Երից. Ա. անդ, 581 և 586:

պէս նորա անթիւ նամակագրութիւններէց¹ երևում է, ամեն տեղէլ յաջողում էր նրան միջին ճանապարհը գտնել:

Դ.

Յովսէփ արքեպիսկոպոս առանձին իմն խնամք ունէր իւր սանի ուսման և դաստիարակութեան վերայ: Նա իւր կողմից աշխատում էր նորան տալ գործնական ուղղու-

1. Թէպէտ և անկիրթ մարդ չէր Յովսէփը, նորա նամակներէց երևում է սակայն, որ նա իւր ժամանակի այլ վանականների չափ հմուտ չէր շարադրութեան, և տառասխալներով զրելը նորան սովորական էր և գրում էր գրաբառ ու աշխարհաբառ խառն: Իբրև նմուշ նոյնութեամբ դնում ենք այստեղ մի հատուած այն նամակից, որ գրում է նա կաթողիկոսին 1836 մարտի 24 Գանձակից, — «Ամենայն կերպ վերջացուցի Գանձակու խոռովութիւնն և լաւ եղանակաւ խաղաղացուցի, և տեսի գ. եկեղեցւոյ հաշիւսն և տիրեցի ամենեցունց արդիւնքն նաղտ ինչ որ գոյեացաւ. եղեալ տումարաւ մի սանտկի մէջ կնքեցի և անցնեցի հայր Յարութիւն վարդապետ յաջորդին պահէ մինչև վերադառնալս և այնժամ արարից դասաւորութիւն որն թողից և որքանն առից յանուն Աթոռոյ: Կարգադրեցի ամենայն եկեղեցիս նոր ի նորոյ ամենայն անօթքսն տումար արարել երկու. մի օրինակ մինն մնասցէ իւրեանց մօտ և միուսն մնասցէ առ Սինօթոսն մեր. հրաժարեցուցի ամենայն իշխանքն միուսանգամ չի խառնին ի գործս եկեղեցայց որպէս մինչև ցայսօր արարեալ են և փողերն եկեղեցայց ընդ իշխանութեամբ իւրեանց, որպէս կամեցեալ են արարեալ են այնպէս. այսուհետև մնայ ի ձեռս երեցփոխանին և ընդ իշխանութեամբ յաջորդ վարդապետին: Ի 22 ամսոյս օր ծաղկազարդի ձեռնադրեցաք քահանայք ըստ հրաժանի վեհապատիւ Տեառնդ և ամենայն աշխատութեանս ստացայ կնքեցի և պահեալ յաջորդին մինչև ցվերադարձն մեր. իսկ եթէ մահ պատահի պատուիրեալ եմ իմով գրով որ կա ղութու մէջն թէ իմ անձնական քանի մի մանկթ թէ անուն տէրութեանդ և թէ դրամք եկեղեցայց յղեսցէ տէրութեանդ որպէս կարգադրեալ եմ. պատճառ այս կողմի ճանապարհն կարի վտանկաւորք են. աստուած ողորմի. ես այնպէս աւարտեցի գործս որ աւագ ուրբաթ օրն այդր ՚ի սպաս տեառնդ լինէի. բայց էհօս կրկին հրամանագիրն վասնորոյ ուղղեցի գնալն այնկոյս. աղօթք տեառնդ լիցի ինձ զօրաւիք»:

թիւն, իւր հետ տանում էր հեռաւոր տեղեր, դիւրութիւններ էր տալիս նորան ճառեր և քարոզներ ասելու: Դեռ 1830-ին մարտ ամսի 9-ին, 22-ին և 26-ին Շահնազարեան, թէև տակաւին համբակ, քարոզներ է ասում Քիշնեւում. 1835-ին յունուարին կաթողիկոսի տօնի առթիւ կարդում է ճառ միաբանութեան առաջ, ինչպէս սովորական է Ս. Էջմիածնում, և այլն:

1835 հոկտեմբերին տ. Յովհաննէս Ը. առաջին անգամ իբրև կաթողիկոս ուղևորուեցաւ Ս. Էջմիածնից Թիֆլիս, ուր շատ շքեղ ընդունելութիւն գտաւ: Նորա շքամբի անհրաժեշտ անդամներից մէկն էր Յովսէփ արքեպիսկոպոսը, որ իրեն հետ տարաւ և իւր սանին, Շահնազարեանին: Այստեղ վերջինս յանձնուեցաւ Յ և Դ. Արզանեանների մասնաւոր վարժարանն ուսներէնի և թուաբանութեան գիտութիւնը կատարելագործելու: Արզանեաններից մէկն, Յակոբ, որ 1832 թուին վարեց Ներսիսեան դպրոցում տեսչի և բարձր դասարանների ուսներէնի ուսուցչութեան պաշտօնները, ժամանակի ձեռնհաս ուսումնականներից մէկն էր. նա ուսումնաւ առել էր Լազարեան ձեմարանում և ապա, Մոսկովի համալսարանում կատարելագործուելով, աւարտել էր կանդիդատի աստիճանով: Արզանեաններն իրենց ժամանակին արել են օգտակար ծառայութիւններ. նոքա Թիֆլիսում ունէին հայերէն տըպարան, որտեղ իթիւս այլոց 1840 թուին հրատարակեցին Գաբրիէլ Աբէլեան Շաղինեանցի ծախքով մի «Քերականութիւն հայոց»: Շաղինեանցն այդ գիրքն ընծայեաց արքունի դպրոցաց Վրաստանի վասն ձրիաբար բաժանելոյ տնանկ համբակաց պարապելոց յուսումն մերս բարբառոյ»: մի բարի գործ, որի նմանը մեր օրերում դժուար է տեսնել:

Արզանեանների գովելի յիշատակներից մէկն է Հայոց պատմութեան ուսումը տարածելու նպատակով հին իշխանների և թագաւորների նկարներն ստեղծելն և հրատարակելը. երկար ժամանակ այդ պատկերները զարդա-

ընդ էին Հայոց տներն ու ժողովարանները. այժմ նորա
այլ ևս սպառուած են. տպած և ձիթաներկ օրինակներից
կան Մայր Աթոռի թանգարանում:

Շահնազարեանի վերայ Արզանեաններն և նոցա վար-
ժարանն, անշուշտ, ունեցանբարերար ազգեցութիւն. այն
ուսումից զատ, որնանոցա մօտ ստացաւ, նորա գաղափար-
ներն աւելի ևս ձևակերպութիւն առան ազգային պատմու-
թեան և գրականութեան շրջանակի մէջ: Կենսագրներից
մէկն¹ հաղորդում է, որ Շահնազարեան մնաց նոյն վար-
ժարանում 1835—1837 թ. իսկ միւսի² ասելով նա մնաց
այնտեղ միայն մի տարի, որից յետոյ 1836-ին տ. Յով-
հաննէս Ը. ուղարկեց նորան Մոսկով Լազարեան ճեմա-
րանը: Այս վերջին տեղեկութիւնն աւելի մօտ է երևում
ճշմարտութեան, քանի որ Շահնազարեանն 1836-ին ար-
դարեւ գտնուել է Մոսկովում և Ս. Խաչի տօնին ասել է
այնտեղ իւր ճառերից մէկը: Ինչպէս տեսանք, տ. Յով-
հաննէս Ը. արդէն բանակցել էր Քաջատուլ աղա Լազա-
րեանի հետ, որն իւր նամակներից մէկում խոստացաւ կա-
թողիկոսի ընտրութեամբ ընդունել ճեմարան երեք աշա-
կերտ: Անշուշտ, Շահնազարեանին վիճակուեցաւ լինել
այդ երեքից մէկը: Գուցէ այս խնդրի վերայ որքան և իցէ
լոյս սփռեն Կարապետ վարդապետ Շահնազարեանի նամակ-
ները³, որոնք պահւում են Լազարեան ճեմարանում: Այդ
միջոցին ճեմարանի տեսուչն էր Միքայէլ արքեպիսկոպոս-
Սալանթեանց, որ կաթոլիկութիւնից անցել էր Հայոց
եկեղեցու ծոցը տ. Յփրեմ Ա. կաթողիկոսի ժամանակ և
եպիսկոպոսական ձեռնադրութիւնն ընդունեց տ. Յովհան-
նէս Ը. Կարբեցուց 1834 թուին Լազարեան իշխանների
միջնորդութեամբ: Նա միևնոյն ժամանակ աւանդում էր
այնտեղ հայկաբանութիւն, աստուածաբանութիւն և փի-

1. տ. Արաքս, Բ. տարի, գիրք Ա. 60—68.

2. տ. Արեւիկան Մամուլ, 1875, Սեպտ.

3. տ. Լազ. ճեմ. մատենադարանի հաւաքածուների մէջ

լիսոփայութիւն: Այսպէս թէ այնպէս՝ Շահնազարեան իւր հոգեւոր ծնողի և բարերարի հովանաւորութեան տակ կարողացաւ ուսում առնել նաև Մայր Աթոռի պարիսպներից դուրս հեռաւոր տեղերում: Այդ ուսման շրջանը տևեց մինչև 1839 թ. այդ տարին նա ձեռնադրուեցաւ սարկաւազ և սեպտեմբերի 22-ին նշանակուեցաւ Մայր Աթոռի ժառանգաւորաց դպրոցի տեսուչ և ուսուցիչ. նա ուսուցանում էր հայերէն, ռուսերէն, թուաբանութիւն և վայելչագրութիւն. յիշեալ պաշտօնների մէջ ֆնաց նա մինչև 1842 թ. թուի թէ նոյն այդ ժամանակամիջոցում զբաղուեցաւ նա դպրոցական ձեռնարկներ պատրաստելով, որոնք մեծ մասով թարգմանութիւններ են ռուսերէնից. նոցա մէջ կան թուաբանութեան, աշխարհագրութեան, եկեղեցական պատմութեան և կրօնագիտութեան ձեռնարկներ, որոնցից ոմանք յետոյ լոյս տեսան Ս. Էջմիածնի տպարանից¹:

Մայր Աթոռում Շահնազարեանցի ընկեր կարգակիցներն էին թեղուտցի Մակար տէր Պետրոսեան, Առնշեցի Եղիազար տէր Կարապետեան, Վաղարշապատցի՝ Յովհաննէս Ասլանեան մականուանեալ Քիշի և Ստեփան Բաղալեան սարկաւազները. սոցանից առաջինն յետոյ ամենայն Հայոց կաթողիկոս եղաւ, երկրորդն էր Բեսարաբիոյ և Նոր Նախիջևանու թեմի կառավարիչ Եղիազար արքեպիսկոպոսը, որ զանազան ժամանակ վարել է Սինօզի անդամութեան

1. — «Թուաբանութեան արհեստ, աշխատասիրեալ ի Կարապետաւազ սարկաւազէ Շահնազարեանց, յուսուցչէ թուաբանութեան ի Ճեմարանի սրբոյ Էջմիածնի, բովանդակեալ յերկուս մասունս. Վաղարշապատ ի տպ. ս. Էջմիածնի 1849»:

— «Տիեզերական աշխարհագրութիւն Արսենի Կոստանտեայ, Թարգմ. ի ռուսէ ի հայ»:

— «Գծագրութիւն ընդհանուր պատմութեան հկեղեցւոյ արարեալ Իննովկենտեայ վարդապետի, Թարգմ. ի ռուսէ ի հայ»:

— «Ընդարձակ բրիստոնէական կրօնագիտութիւն. հեղինակութիւն»:

Սոցանից զատ Շահնազարեան Թարգմանել է հայերէնից ռուսերէն «Պատմութիւն Վրաց»:

և Երևանու փոխ-թեմակալի պաշտօն. երրորդը տ. Մատթէոս Ա. կաթողիկոսի ժամանակ Սինօղի անդամ էր. սա է և նորա մահից յետոյ Մայր Աթոռի տեղապահ¹ Յովհաննէս արքեպիսկոպոսը, իսկ չորրորդն Երևանու փոխ-թեմակալ Ստեփան արքեպիսկոպոսն է, որ մի ժամանակ վարեց և Արցախու առաջնորդութիւնը: Սոցա հետ միասին Շահնազարեան ձեռնադրուեցաւ արեղայ 1842 նոյեմբերի մէկին. մի կենսագրի ասելով², ձեռնադրօղն էր Բարսեղ արքեպիսկոպոս Կեսարացին, որ տեղապահ էր այն ժամանակ, իսկ միւսի ասելով³ Յովսէփ արքեպիսկոպոս Վեհապետեան: Աչքի առաջ ունենալով, որ Շահնազարեան վերջինիս անուանում է հոգեւոր ծնօղ, հաւանական է որ նորան ձեռնադրօղն է Վեհապետեանն և այն ոչ 1842 նոյ. 22 ին, այլ նոյն տարուոյ մարտի 15-ին, երբ տակաւին կենդանի էր տ. Յովհաննէս Ը:

Ե.

1843 դեկտեմբերին Շահնազարեանց նշանակուեցաւ Տաթևու վիճակին յաջորդ և այդ առթիւ Յովսէփ արքեպիսկոպոս 19-ին դեկտեմբերի տուեց նորան մասնաւոր իշխանութիւն վարդապետութեան: Յաջորդութեան պաշ-

1. Քիշի տեղապահութեան է վերաբերում հետեւալ զրոյցը. Ստեփան եպիսկոպոս Բաղախանը վախճանում է Երևանում. Փէշտիմալճեան Յովհանէս վարդապետը, որ մի տգէտ, բայց զուարճաբան մարդ էր, գալիս է տեղակալի մօտ և հապճեպով հրաման է խնդրում Երևան գնալու: Ի՞նչ բան ունիս Երևան, հարցնում է տեղակալը: Երկու խօսք ունիմ ասելու Ստեփան եպիսկոպոսի աւանջից, պատասխանում է վարդապետը: Երբ տեղակալն հետաքրքիր է լինում իմանալու, թէ ի՞նչ էր նորա ասելիքը, պատասխանում է. «Պիտի ասեմ, որ եթէ ներսէս կաթողիկոսն էն աշխարհում հարցնելու լինի թէ ի՞նչ դրութեան է էջմիածինը, ասան, որ Քիշին տեղակալ է, Փէշտիմալճեանն էլ ղպրոցի տեսուչ. նա ամեն բան կը հասկանայ»:

2. տ. Արաքս, Բ, տ.

3. տ. Արեւելեան Մամուլ, 1875 սեպտ.

տօնի մէջ մնաց նա մինչև 1846 թուականը: Պաշտօնին յատուկ գործերից զատ, որոնք վարեց նա աչալըջութեամբ և սրանց համար նա ժառանգեց ընդհանուր պոհունակութիւն, Շահնազարեան հետամուտ եղաւ իւր վիճակի վանքերի և հնութիւնների ուսումնասիրութեան, առաւելապէս հետամուտ էր գրչեայ մատեաններ ժողովելուն և ընդօրինակելուն. նա ինքն այսպէս է գրում իւր այդ պարպմունքների մասին. «ձեռնարկեալ էի յօրինակութիւն ընտիր պատմագրաց մերոց ի հոչակաւոր գրանոցի տեղւոյն (Ս. էջմիածնի), յորս յաւելի ապա և զտեղագրութիւն պատմութեամբ և աշխարհագրութեամբ հանդերձ Սիւնեաց աշխարհին ի ժամանակին յորում կացի տեսուչ յիշեալ վիճակին»: Նորա այդ բովանդակ աշխատութիւնը սակայն, որ կատարել էր 1834—1844 թուերին, կորստի մատնուեցաւ: Այդ մասին ինքը վշտացած սրտով գրում է նոյն տեղում¹: «Այլ զայս ամենայն արդիւնս տասնամեայ երկանց իմ սրբապիղծ ձեռն մի տնանուն յափշտակեաց ի միում վայրկենի, և եթող զիս ի խոր տխրութեան»:

Իւր զրավաստակ լինելու վերայ Շահնազարեան լիակատար իրաւունք ունէր խորին վիշտ զգալու, քանի որ այն ամէնն, ինչոր ինքն իւր անձնական դիտողութեամբ կատարել էր 1844—1845 թուերին, այլ ևս ձեռք ընկնել չէր կարող, զոհ գնալով քայքայիչ ժամանակին և խորին տգիտութեանը: Ինչպէս նորա բացատրութիւնից երևում է, նորա կատարած գործն էր Սիւնեաց աշխարհի բովանդակ նկարագիրը: «Բազում խնամօք, գրում է², հոգացայ հեղինակել զճիշտ ստորագրութիւն այնորիկ (աշխարհին Սիւնեաց), բաժանեալ ՚ի զանազան գլուխս ըստ զանազանութեան նիւթոցն, շնչագրութիւն, տեղագրութիւն, հանքաքանութիւն, երկրաքանութիւն, բուսաքանութիւն, պատմութիւն, տրճանագրութիւնք, ասանդութիւնք աշխարհին այ-

1. տ. Ղևոնդ վարդապետ, և այլն Ազգ.

2. Պատմ. նահ, Սիսական արարեալ Ստեփ. Օրպէլեան, 1889 Փարիզ, եր. 7.

լովք հանդերձ պարունակէին ի նմա: Այս ամէն աշխատութիւնների հետ միասին նա ժողովեց ամեն տեսակ զրոյց ու աւանդութիւն Դաւիթ բէկի գործերի և ժամանակի մասին, խօսեցնելով Դաւիթ բէկի ընկերներից մէկի, Պալի Թոռին, որ էր Պեխ գիւղացի հարիւրամեայ ծերունի Ստեփաննոս աւագ քահանայն: Վերջինս և ընծեռեց Շահնազարեանին մի թանգագին ձեռագիր Դաւիթ բէկի պատմութեան, որը նա յետոյ դրեց մայր Աթոռի մատենադարանը Շահխաթունեան Յովհաննէս եպիսկոպոսի ձեռքով: Այդ գործը Շահնազարեանի ասելով մեծ լոյս պիտի սփռէր Սիւնեաց աշխարհի վերայ և իւր շատ մասերով կարող էր լուսաբանել և շատ հին մատենագրութիւնների էջեր: Այդպիսի նշանաւոր գիւտի համար, անշուշտ, նա պիտի մեծ հոգեկան բաւականութիւն գգար, եթէ «ահագին գերոյ մի» ինչպէս ինքն ասում է, «կուլ չտար և չանհետացնէր նորան ընդ միշտ»: Մեզ համար մութն է այժմ, թէ ո՞վ է այդ անագորոյն հալածիչը, որ Շահնազարեանի այդ վաստակները ջնջում ոչնչացնում է. այդ «ահագին գէրօն», այդ «սրբապիղծ անանուն ձեռքը», որ մի վայրկենում կորցնում է հայրենասէր հնախոյզի երկար տքնութեան տրդիւնքները, անկասկած, մի անձնաւորութիւն է. ափսոս որ ոչ անուան յիշատակութիւն կայ և ոչ էլ պարզ հանգամանքի բացատրութիւն: Շահնազարեանի լուութիւնն աւելի ևս աչքի է ընկնում այն պատճառով, որ 1843—1845 թուերին կատարուած չարագործութեան մասին դեռ 1859 թուին անգամ բացարձակ խօսել կարող չէ: Չունենալով հնար այժմ էլ ճանաչել այդ «ահագին գէրօն» այդ «անանուն սրբապիղծ ձեռքը», մենք ստիպուած ենք խոյս տալ ձրի ենթադրութիւններից: Սակայն մի բան հաւաստի է, որ այդ ամէնը յիշելու ժամանակ Շահնազարեանի մէջ խօսում է հայրենասիրական ոգին: Նորա կորուստն անդառնալի էր. հնար չկար նոյնութեամբ վերականգնելու այն՝ ինչոր նա կատարել էր. և նա ստիպուեցաւ Սիւնեաց նկարագրութիւնը յիշողութեան ուժով միայն

վերականգնել, ինչպէս և այդ արել է Օրպէլեանի պատմութեան հրատարակութեան սկզբում, թէպէտ անտարակոյս այդ միայն աղօտ ստուերն է այն ամէնի, ինչորնազրի էր առել տեղն ու տեղն այն օրերում, երբ ինքը շնչել ու ապրել էր երկրի բնական պատկերների, տեսարանների, իրականութեան կենդանի ոգւով: Հայրենասէր վարդապետի սիրտը առանձնապէս վառուել բորբոքուել էր Դաւիթ բէկի յիշատակների հաճոյական կրակով: «Սւես հէզ պանդուխտս, գրում է՝ իւր մասին Շահնազարեանը, որի ժամանակին յայնկի կոխէ զերկրին ոռոգել արեամբ քաջ արանց եւ յանդիման աշացս ունէի զաւերակս Հալիձորոյ, Կապանի, Բաղաբերդի իբրեւ ցաւագին յիշատակարանս աշխարհաշէն փութոյ մերոց նախնեաց և շիջեալ փառաց նոցա, սիրէի, ասում է, նստել քաղում՝ անգամ՝ ընդ հովանեաւ ալետոր քեւեկնեաց Պեխ գեղջ եւ լսել զվէպս հարիւրամեայ Ստեփանոս աւագ քահանային»: Այս տողերը մերկացնում են մեր առջև մի ոսկի սիրտ, տարբեր այն բիւրաւոր սրտերից, որոնք բաբախում էին գուցէ շատ ուրիշ բարիքների համար, բայց ոչ այն բանի, ինչորն հնախոյզ վարդապետի համար իսկական մշակութիւնն էր, և արտայայտութիւնն հայրենասիրական ոգու: Նորան ժամանակակից էին աւելի գիտուն հոգևորականներ, օժտուած եւրոպական լեզուների գիտութեամբ և բարձր կրթութեամբ. ինչպէս օրինակ Կարենցի Սերովբէ և Սալլանթեան Միքայէլ արքեպիսկոպոսները. բայց նոքա երեցան և անցան ինչպէս այն ամպերը, որ զալիս գնում են երկնակամարի երեսով առանց ցօղելու խոպան դաշտերին զովարար ցօղը. մի երևոյթ, որ ինչքան և անհաճոյ, նոյնքան և բնական է, քանի որ նոքա չշնչեցին և չապրեցան հայրենական հողի ու ջրի կենդանի ոգւով:

2.

Թէ ի՞նչ պատճառով և ի՞նչ հանգամանքների մէջ Շահնազարեանց հեռացաւ Տաթևու յաջորդութիւնից, յայտնի

չէ: Հաւանական է, որ տ. Ներսէս Ե. նորընտիր կաթողիկոսը, որ եկաւ ս. Էջմիածին և օծուեցաւ 1846 յունիսի 9-ին, Տաթևու նման վիճակներն աշխարհականների կառավարութեանն յանձնելու համար պէտք համարեց Շահնազարեանցին պահել միշտ Աթոռում: Կաթողիկոսի օժմանը ներկայ էր և Կարապետ վարդապետը, որ հանդիսին վայել ոգևորութեամբ և եռանդով ռսերէն մի «սրտառու ճառ» արտասանեց, որը մեծ տպաւորութիւն թողեց հանդիսական օտարազգի և հայ երեւելիքների վերայ¹: Կաթողիկոսը գրաւուեցաւ շնորհալի վարդապետի բարեմասնութիւններով և հակառակ թշնամիների աննպաստ շշուռններին, որոնք ս. Էջմիածնի պատերում միշտ կանու անպակաս են, իւր շքախմբի մէջ առաւ նորան և հետը տարաւ Թիֆլիս: Այստեղ Շահնազարեան նշանակուեցաւ թեմական ատենի (կոնսիստորի) նախանգամ այն ժամանակ, երբ Թիֆլիսի Հայոց վիճակաւոր առաջնորդ և կոնսիստորի ատենապետն էր հռչակաւոր Կարապետ արքեպիսկոպոսը: Թէպէտ և այստեղ էլ իւր բնածին հակումներն էին նորան զբաղեցնում Կարապետ եպիսկոպոսի «հռչակաւոր մատենադարանի» ձեռագրներով, որոնցից նա նոր ի նորոյ ընդօրինակութիւններ էր անում, բաղդատութիւններ էր կոտարում և նոցա լուսաբանութիւններն էր պատրաստում², սակայն աւելի ճնշուեցաւ նա կաթողիկոսի պաշտօնական յանձնարարութիւններով, որոնք Կարծես ակամայ յետ մղեցին նորան իւր սիրելի պարամունքներից: Մինչև 1850 թուի ամառը մնալով Թիֆլիսում, Շահնազարեան 1847-ին ապրիլ ամսին նշանակուեցաւ Ներսիսեան դպրոցի տպարանի տեսուչ, 1848-ին յունիսի 14-ին թ. 164 կոնդակով կաթողիկոսն հաստատեց նորան Ներսիսեան դպրոցի խորհրդարանի անդամ³ և յատկապէս

1. Արաքս բ. տ. և Արեւիկ. մամուլ. 1875 սեպ.

2. Ղևոնդ վարդ. եր. 6.

3. Երիցեան Աղ. Պատմ. 75 ամեայ գոյութեան Ներս. դպ. 439.

նորա վերայ էր գրուած ծախսարարութիւնն և զրամական հաշիւների պահպանութիւնը¹։ Շահնազարեան իւր այդ պարտականութիւնների մէջ թերացած չէր, սակայն չկարողացաւ հաճոյանալ կաթողիկոսին, Տ. Ներսէս Ե. 1848-ին ս. էջմիածնում եղած ժամանակ լուր առաւ թէ իւր զբարոցում ուսուցիչ են նշանակուած Պատկանեան տէր Գաբրիէլ և Մանգինեան տէր Ստեփան քահանաները, որոնք նորան հաճելի չէին. այդ առթիւ նա կոնդակ գրեց Կարապետ վարդապետին և, իւր ղժժոհութիւնն յայտնելով, խորհրդարանից բացատրութիւն պահանջեց. խորհրդարանը 1848 օգոստոսի 27 ին գրով բացատրութիւն տուեց կաթողիկոսին թէ Մանգինեանն ուսուցիչ չէ, իսկ Պատկանեանին ստիպուած են եղել նշանակել, որովհետև Հայոց լեզուի դասերի համար աւելի ձեռնհաս մարդ չկայ²։ Այդ օրերում սեպտեմբերի 5-ին տեղի ունեցաւ Ներսիսեան դպրոցի հանդիսաւոր վերաբացումը. կաթողիկոսի, գույցէ և առաջնորդի բացակայութեան պատճառով հանդէսը կատարեց Շահնազարեան Կարապետ վարդապետն իբրև կոնսիստորի նախանգամ և իբրև խորհրդարանի անդամ. այդ առթիւ նա կարդաց մի ընդարձակ ճառ³՝ գրոց բարբառով, որի մէջ նա գրուատում է ուսման և լուսաւորութեան բարիքները։ Շուտով Կարապետ վարդապետին վիճակուեցաւ լինել վերատեսուչ Ներսիսեան դպրոցի։ Յայտնի չէ թէ ինչպէս տարաւ նա իւր այդ պաշտօնը. յայտնի է միայն որ 1849 թուին յառաջագէմ և գործունեայ վարդապետի դէմ, որ ունէր անշուշտ նախանձուտ թրշնամիներ, տեղացին կաթողիկոսի ատեանն ամբաստանութիւններ, թէ ի՞նչ բովանդակութեամբ, նոյնպէս ծանօթ

1. ա. անդ. 442 և 445; 2. տ. անդ. 443:

3. «Բան յաւուր հանդիսաւոր բացման Ներսիսեան ուսումնարանի Հայոց Թիֆլիզոյ ի սեպտ. 1848 ամի, ասացեալ Կարապետ վարդապետի Շահնազարեանց առաջին անգամոյ կոնսիստորիային Հայոց Վրաստանի և Իմերէթի». տ. Երիցեան Ա. պատմ. 75 ամիայ գոյ. Ներս. դպր. 449—452.

չէ մեզ, և Շահնազարեան յանկարծ փոխանակ քաջալեքութեան ժառանգեց իւր հոգևոր պետից զժգոհութիւն և տհաճութիւն: Երիցեանի ասելով¹, կաթողիկոսը նորա վերայ քննութիւն նշանակեց. այդ հանգամանքը մտատանջութեան մէջ դրեց Շահնազարեանին, որն իւր սրտի վշտից հիւանդացաւ, 1850 յուլիսի 3-ին, երբ կաթողիկոսը Թիֆլիսից վերադառնալու էր ս. էջմիածին, իրաւունք շնորհեց Կաթապետ վարդապետին գնալ Հաղբատ օգափոխութեան: Այդ արտօնութիւնից օգտուելով, Շահնազարեան նոյն յուլիսի 14-ին իւր ճանապարհը փոխելով փախաւ Ռուսաստանից և անցաւ դէպի Կ. Պոլիս²:

Այս տեղից սկսուում է Շահնազարեանի կեանքի և գործունէութեան երկրորդ արկածալից շրջանը, որ քաջիկ պատկերացնում է նորան իբրև անյողդյողդ կամքի տէր, գործունեայ և ուսումնասէր անձն:

Այս շրջանին անցնելուց առաջ մենք կարևոր ենք համարում, իհարկէ, վերապահութեամբ յառաջ բերել այստեղ այն տեղեկութիւնները, որոնք հաղորդուել են Շահնազարեանի փախուստի մասին: Թէ այդ տեղեկութիւններից որն է աւելի մօտ ճշմարտութեան, այդ չենք կարող ասել: Կենսագրներից մէկը պատմում է, որ 1847 թուին, երբ կարիք է եղել միաբաններից մէկին Հոլանդիա ուղարկելու, որպէսզի նա այնտեղի բանքից ստանայ Մայր-Աթոռին հասանելի տոկոսները, աւելի յարմար է դատուել Շահնազարեանցին ուղարկելու. նորա հակառակորդները կաթողիկոսի միտքը փոխում են և արգելք են լինում նորա ճանապարհորդութեանն Եւրոպա: Վերաւորուած Կաթապետ վարդապետը Թիֆլիսի կոնսիստորիայի անդամ եղած ժամանակ իբր թէ իւրացնում է ութն հազար ռուբլի վիճակային գումար և հիւանդ ձեւանալով կա-

1. տ. Երիցեան Ա. Պատմ. Ներս. դպր. 456.

2. տ. Արևել. Մամ. 1875 սեպ.

Թողիկոսի թոյլտուութեամբ գնում է Բօրժօմ բժշկուելու և այնտեղից փախչում է Կ. Պօլիս¹:

Միևս կենսագիրն, ինչպէս տեսանք, պատմում է որ Կարապետ վարդապետը քննութիւնից է փախել. հիւանդութիւնից բժշկուելու համար նա սկզբում տեղաւորուել է Նաւթլուղի զինուորական հիւանդանոցում, և այն տեղից խոյս տալով դէպի Հաղբատ, ճանապարհը փոխել է դէպի Կ. Պօլիս²:

Երրորդ կենսագիրը³ որ և է յանցանքի կամ փախուստի մասին խօսք չի անում, այլ պատմում է, որ երբ 1850 յուլ. 3-ին տ. Ներսէս Ե. գնաց ս. Էջմիածին, Կարապետ վարդապետը գլխացաւի պատճառով կաթողիկոսից հրաման առաւ Հաղբատ օդափոխութեան գնալու, բայց յետոյ միտքը փոխեց և օդափոխութեան տեղ ընտրեց Կ. Պօլիսը:

Կայ սակայն և մի ուրիշ բացատրութիւն Շահնազարեանի անակնկալ հեռանալու մասին: Պ. Յ. Գ. Մրմրեան⁴ պատմում է, որ երբ տ. Ներսէս Ե. քննիչ յանձնաժողովի նշանակեց Թիֆլիսի առաջնորդ Կարապետ արքեպիսկոպոսի հաշիւներին վերայ, յանձնաժողովի նախագահութիւնն յանձնեց Կարապետ վարդապետին, իբրև թէ վերջինս Կարապետ ա. եպիսկոպոսից երեք հազար ռուբլի կաշառք առաւ, որպէսզի հաշիւներին մէջնորան մաքուր հանէ. կաթողիկոսն այդ իմանալով, միտքը դրեց պատժել վարդապետին, որն իրագեկ լինելով փախաւ Կ. Պօլիս:

Այսպէս, թէպէտ հաւաստին մեզ յայտնի չէ, սակայն այդ պատմութեանց երևում է, որ Կարապետ վարդապետն ունեցել է պաշտօնական զանցառութիւն Թիֆլիսի իւր գործողութիւնների մէջ, որնա զրգուել է կաթողիկոսին իւր դէմ, որնա Կ. Պօլիս անցնելով, հետը տարել է մի պատկառելի:

1. տ. Արաքս. Բ. տ. 2. տ. Երեցեան Ա. Պատմ. Ներս. դպ. 456.

3. տ. Արևելեան Մամուլ 1875 Սեպ.

4. Տասնեկիներորդ դար և Յովհ. Պրուս. Տէրոյենց, Կ. Պօլիս. 1908, եր. 98.

գումար, կաշառք թէ գաղած փող, յայտնի չէ, որ վերջապէս նա այդ ամէնն արել է ծածուկ, երկիւղ ունենալով կաթողիկոսի հալածանքից:

է.

Կ. Պօլսում կարապետ վարդապետ նախ ապաստան գտաւ Տատեան Յովհաննէս պէյի տանն Իւսկիւտարում, ապա սեպտեմբերի 28-ին ներկայացաւ Յակոբոս պատրիարքին, որն հայրական սիրով ընդունեց նորան. մի օր յետոյ իւր թղթերն ու կոնդակները հոգեւոր ժողովին ներկայացուց. նոցա մէջ չնկատուեցաւ վարդապետի վարքին և համբաւին արատ բերող բան, ուստի և պատրիարքը թոյլ տուեց նորան մնալու պատրիարքարանում և Ղալաթիոյ քարոզիչ նշանակեց:

Թաղեցիք սիրով լսում էին նոր մարդու քարոզներն, որոնք նոցա վերայ մեծ տպաւորութիւն էին թողնում. շուտով նա լաւ քարոզչի հռչակ ստացաւ. ս. Էջմիածնից եկած վարդապետը, որ ուսումով ու կրթութեամբ տարբեր դպրոց էր անցել, գիտէր Ռուսաստանն և ռուսերէնը, հայեացքներով ու խօսելու ձևով աւելի թարմ ու նորանշան էր երևում, անտարակոյս, Պօլսի ազգայինների մէջ պէտք է գտնէր և բազմաթիւ համակրողներ, որոնց հանդէպ կային սակայն նեղսիրտ քննադատողներ ու թշնամաբար հակառակողներ: Նոր մարդու դէմ խուլ դժգոհութեան կայծը բորբոքելու հասաւ տ. Ներսէս Ե. կաթողիկոսի կոնդակը, որ պատուիրում էր պատրիարքին չճանաչել Շահնազարեանցին վարդապետ, և գրում էր ս. Էջմիածնից փախած Օձնեցի Վարդան և Յովհաննէս վարդապետների համար «աղուեսունը փոքունը ապականիչք այգւոյն Քրիստոսի», իսկ կարապետ վարդապետին անուանում էր¹ «բարապան դժոխոց»:

Այն ժամանակի Պօլսեցւոց համար բաւական էր, որ կաթողիկոսն այդքան առիթ տուած լինէր դատելու և դա-

1. տ. Արևել. Մամուլ 1875 ապրիլ:

տապարտելու մի վարդապետի, որն արդէն իրենց մէջ քարոզիչ էր, բաւական ճարտար, կտրուկ և մինչև անգամ, ժամանակին նայելով, և ազատամիտ:

Թէ ի՞նչ էր այն ժամանակ Պօլսեցի ասածդ, դժուար չէ իմանալ: Ամեն մարդ, որ Պօլիս էր բնակւում, իհարկէ, Պօլսեցի չէր համարւում: Առաջաւորներն և ամիրաներն էին, որ իրենց մէջ ամփոփում էին հայկական Պօլիսը: Նոքա սովոր էին ամէն կոչման և աստիճանի եկեղեցականի զըլխին իշխան լինել. որքան և բարեպաշտ, սակայն չափազանց նեղօրէրտ, կամապաշտ և ինքնասէր մարդիկ էին, իրենց աշխարհային առաւելութիւնների գնով գնել էին կարծես ամէն ազատութիւն, նոյն իսկ կարծիքների և համոզմունքի, ոչ միայն քաղաքական ու հասարակական, այլ նաև կրօնական խնդիրներում: Եթէ ամիրայի մէկին հաճելի էր պնդել, զօրօրինակ, թէ Դաշանց թուղթը վաւերական է, ամէնքն էլ, նոցա կարծիքով, պարտաւոր էին այդ ընդունել: Պօլսի առաջաւորների շրջանում պատուաւոր տեղ ունէր և ժամանակի գիտնականն ու հրապարակականը, Տէրոյենց պատուելին (Չամուռճեան, կամ ըստ Շահնազարեանի Տղմապետեան), խիստ աւանդապահ ոգու տէր մի մարդ, բարեպաշտ, կրօնական հարցերում ներհուն, ազգային եկեղեցական պատմութեանը քաջահմուտ, և եկեղեցական ու աշխարհական դասերի մէջ այնպիսի ազդեցութիւն վայելօղ, որ մինչև անգամ յորջորջում էին նորան անվեղար կաթողիկոս: Նորան պակասում էր սակայն կրօնական ներողամտութիւնն և համբերատար ոգին, առանց որի նորա նման առաջաւորներին անհնարին էր դրական կամ տևողական ազդեցութիւն ձեռք բերել: Տէրոյենցի հայրենասիրութիւնն անկասկածելի է, սակայն նորա խորհուրդների և գործերի արտայայտութիւնն, եթէ կարելի է այսպէս ասել, կաշկանդեալ և անազատ էր, հիմնուած լոկ աւանդութեան կոյր հետևողութեան վերայ: Բողոքական եկեղեցու փնասակար ազդեցութիւնը չէզոքացնելու համար, օրինակ, նա իբրև դիմագիր ոյժ էր

ընդունում կաթոլիկ անդրլեռնական գաղափարները, և համոզուած էր թէ այդպէս աւելի զիւրին էր ապահովել Հայոց եկեղեցին վերահաս քայքայումից: Տէրոյենցի այդ կերպ մտածելու պատճառը թուի թէ այն մտաւոր խղճուկ վիճակն էր, որի մէջ էին այն ժամանակ հայ ժողովուրդն ու հոգեւորականը: Նոյն Տէրոյենցի ոգւով աւելի կամ պակաս բռնուած էին ժամանակի շատ առաջաւորները, որոնց մէջ յիշատակութեան արժանի են Մատթէոս արքեպիսկոպոս, նախկին պատրիարք Կ. Պօլսոյ, յետոյ կաթողիկոս, Պալեան Կարապետ ամիրայ և այլն:

Ը.

Շուտով առիթը ներկայացաւ, որ Տէրոյենց և Կարապետ վարդապետ ընդհարուէին, և Պօլսեցիք էլ այս կամայն կողմին յարէին: Ինչպէս միշտ, այս անգամ էլ վարդապետի ոսոխը մի վարդապետ հանդիսացաւ: Մի ընտանիքի մէջ 2—3 վարդապետի ներկայութեան, ուր հիւրերի մէջ կար և Տէրոյենց պատուելին, 1850 Հոկտ. 30-ին երեկոյին խօսք է լինում պատկերայարգութեան մասին: Բառերի և դարձուածների պատճառով Կարապետ վարդապետ և Տէրոյենց իրարու տարակարծիք են երևում: Պատուելին, յոռի տպաւորութիւն առնելով վարդապետի խօսքերից, հետեւալ իսկ օրը ծածուկ գրում է¹ Սէթեան Յովհաննէս վարդապետին, որ Գուգգունճուքի քարոզիչն էր, հետեւալ խօսքերը. «Կարապետ վարդապետին հետ տեսութիւն ընելով անհաւատութեան նշաններ տեսայ անոր վրայ, և բերանը հոտած ըլլալուն սրտին վէրքը կը գուշակուի, կը կարծենք, որ Կիլիկիայ եպիսկոպոս ըլլալ երթայ, և Պօլիս պատրիարք ըլլալու խորհուրդ ունենայ...»: Յովհաննէս վարդապետը Տէրոյենցի այս թուղթը տուեց և ուրիշներին կարդալու, և բնական կերպով կարծիք տարածուեցաւ Կարապետ վարդապետի վերայ իբր թէ վեր-

1) Արևել. Մամուլ 1875 Սեպ. եր. 372.

Ջինս անհաւատ և Հայոց եկեղեցուն հակառակ մէկն է։
Շահնազարեանց այս լսեց, բողոքեց և ժողով պահանջեց
զրպարտութիւնը քննելու և յանցաւորի դատակնիքը տա-
լու։ Կարապետ վարդապետ, թէև ունէր ազդեցիկ բարե-
կամներ և ջերմ համակրողներ, սակայն չէր կարող չզղալ
մտքերի գայթակղուած լինելու վատ հետեանքները։ Նախ
իւր վարկարեկումն և իւր գործունէութեան խոշնդոտներն
ելան աչքի առաջ։ Վաղուց չէր, որ Տատեան Յովհաննէս
պէյի տանը, ամիրաների առտնին ժողովում Կարապետ
վարդապետի ընդունակութիւնները գնահատելով, որոշուե-
լէր մի առանձին դպրոց բանալ և զնել նորա տրամադրու-
թեան տակ, մի գործ, որ շատ սիրելի էր նորան և փա-
փագելի։ Այն ինչ մի քանի տմսուայ մէջ նորա անուան
շուրջը կուտակուեցան շատ նպաստաւոր և աննպաստ
գրոյցներ, որոնք Պօլսի հայութեան մտքերն զբաղեցնում
էին լրջօրէն։ Մի կողմից ամենայն Հայոց կաթողիկոսը,
տ. Ներսէս Ե. պատուիրում էր չճանաչել նորան վարդա-
պետ և անուանում էր նորան «բարապան դժոխոց»։ միւս
կողմից Պօլսեցւոց «անվեղար կաթողիկոսը» հռչակում էր
նոյն վարդապետին անհաւատ և իւր անտեղի կասկածով
թունաւորում էր և հասարակաց միտքն իբր թէ նա գնա-
լու է Սիս, եպիսկոպոս լինելու, Կ. Պօլոյ պատրիարքու-
թիւնը գրաւելու և այլն։

Տեսնենք նախ թէ ինչ էին Շահնազարեանցի անհա-
ւատութեան նշանները, որ այնքան վախեցնում էին Պօլ-
սոյ առաջաւորներին։ Թողնենք, որ ինքը պատմէ մեզ այդ
մասին։

«1850 թուին, երբ Տատեան Յովհաննէս բէյի տունը
խորհուրդ կըլլայ, գրում է նա, մեր տեսչութեանը ս.ա.կ
Ազատը վարդապետարան մը հիմնել, քանի մը գրոյցնե-
րու վերայ մեր ու Կարապետ ամիրայի մէջ, չզիտեմ, ինչ
աներևոյթ դրդամբ առարկութիւններ եղան և առաջար-
կեալ գործոյն միանգամայն խուժան։ Մեր վիճոյ գլխաւոր
յօդուածներն էին՝ Սուրբ Լուսատւի եւ Սեղբեստրոսի մէջ

Քրիստոսի արևամբ գրուած դաշն ղնելու վաւերական ըլլալն կամ չըլլալը, Պետրոս առաքելոյ Հոռոմ նահատակութիւն կամ չնահատակութիւն, Իտալիա եղած 3—4 շինծու պատկերաց Քրիստոսի տեառն մերոյ առ Արգար ուղարկած ըլլալը կամ չըլլալը: Մեր ամիրայ հակառակորդը անդրլեռնեան ըմպելեօք զմայլեալ կըպնդէր որ անոնք ամենն ալ վաւեր են և իբրեւ Հաւատամքի հանգանակ ընդունելի. մեք անոր ներհակ, բանականութեան, Քրիստոսի եկեղեցւոյ ընդհանուր և մեր ազգային յատուկ պատմութեան վերայ յեցեալ՝ կ'սնդէինք թէ անոնք Միջին դարու անասացոյց գրոյցք են, թէ անոնք մեր հանգանակի ու կրօնագիտութեան մէջ չկան, եւ, հետեւաբար, ոչ անոնց ընդունողները սախարակելի են, ոչ չընդունողները սարսաւելի¹:

Ընթերցողին դիւրին է մակաբերել, թէ վիճաբանութեան նիւթի մէջ անհաւատութեան առարկայ չկայ: Եւ իրօք էլ, եթէ լինէր, Կարապետ վարդապետ դատապարտութիւնից գերծ մնալ չէր կարող: Այն ինչ, ինչպէս կըտեսնենք, Շահնազարեանի և Տէրոյենցի մէջ մէկին կամ միւսին պատիւ չբերող խօսքեր ու դատողութիւններ են եղել և նկատուել են լոկ իբրեւ թիւրիմացութիւն կամ կողմնակի մարտիկների կրքի արտայայտութիւն:

Թ.

Յատկապէս երկու անգամ ժողով եղաւ Կարապետ վարդապետի մտքերը քննութեան առնելու՝ առաջինն 1851 Վետրվարի 21-ին և երկրորդը նոյն տարուայ Ապրիլի 20-ին², Այն ժամանակ արծարծուած խնդիրներն այդպիսի ժողովի ձեռնհասութիւնից վեր էին և արժանի էին ճեմարանական կոչուելու. սակայն և այնպէս ամիրաներն

1). տ. Դաշանց թղթոյ քննութիւնն ու հերքումը, Փարիզ, 1862 եր. 7:

2). տ. Արեւի. Մամուլ 1875 Սեպտ. 369—380, Մայիս 218 և այլն «Միջնադարեան Ատեան մը»: Մասնակցում էին Յակոբոս պատրիարքի նախագահութեամբ Մատթէոս արքեպիսկոպոս, Յով-

ու աղաները ջերմաջերմ իրենց հարցափորձի առարկայ արին առանց կարենալու լուծել մի խնդիր: Կարապետ վարդապետի պատասխանները կտրուկ էին, նորա պաշտպանների հարցմունքներն ու բացատրութիւնները սրամիտ, Յակոբոս պատրիարքի մերթ ընդ մերթ նախագահական իրաւունքով արտասանած նկատողութիւններն զգուշալիկ և սթափեցուցիչ: Չնայելով այս ամենին, Կարապետ ամիրայ Պալեան (ճարտարապետ ամիրայ), որ Շահնազարեանի դէմ առանձնապէս գրգռուած էր և ինքն էլ մեծ ազդեցութիւն ունէր, պահանջ դրեց մեղաւոր ճանաչել վարդապետին և Կ. Պօլսից հեռացնել: Աւելորդ է յիշատակել առհասարակ արծարծուած մտքերի դեր և դէմ փոխանակութիւնը, որ ընթերցողը կարող է ընդարձակ կարդալ Արևելեան Մամուլի մեր նշանակած տեղերում: Բաւական է արձանագրել միայն այն, թէ Կարապետ վարդապետի վերայ մեղադրութիւն գտնել կարելի չեղաւ, և, ինչպէս իրերի ընթացքից երևում է, չնայելով կաթողիկոսի կոնդակին, Տէ-

հաննէս Վ. Սէթեան տէր, Յովհաննէս Իսկուտարի, տէր Զաքարիա Բերայի, տէր Երեմիա Սապիւղի, ձեղայրիւեան Մկրտիչ, Միսաքեան Միսաք, Ճարտարապետ Կարապետ (Պալեան), վառօդապետ Յովհաննէս (Տատեան) և Երամեան Գէորգ ամիրաները, Պօղոս աղա Ալթունեան, Պետրոս ա. Խորասաճեան, Յակոբջան ա. Միսաքեան, արքունի գրագիր Պօղոս ա. (Օտեան), Նիկողայոս ա. Հովուեան, Մկրտիչ ա. Մոմճեան, Գալուստ տ. Կոստանտեան, Յարութիւն ա. Հովուեան, Յակոբիկ ա. Մանուէլեան, պատուելի Յովհաննէս դպիր Զամուրճեանց, Գրիգոր վարժապետ տ. Յովհանեան, Յովսէփ վարժապետ ա. Սահակեան, Պ. Գալուստ տ. Պօղոսեան: Ժողովին մասնակցում էր և Կ. Վ. Շահնազարեանց: Պ. Յ. Մամբեան սոցանից զատ յիշատակում է և հետեւեալ մասնակցողների առնունները՝ Ճանիկ ամիրայ, Մագսուտ ամիրայ, Մարտիրոս ամիրայ Բարունակեան, Յակոբ Կոճիկեան, տէր Գէորգ Մ. Եկեղեցւոյ, Պուրունսուղեան Յակոբ աղա և տիրացու Արիստակէս. փոխանակ Պօղոս աղա Ալթունեան Արիստակէս. Ա. որ է Ալթուն Տիւրիւ, ըստ այսմ Պօղոս աղան Աշնանեանն է, որ նոյնպէս ներկայ էր ժողովին և Կ. վարդապետին պաշտպանողներից մէկն էր. ա. և Յ. Մամբեան, ԺԹ. զար և Տէրոյենց, եր. 101:

րոյենցի հեղինակութեանը և հակառակորդ ամիրաների բուռն պահանջկոտութեանը, Կարապետ վարդապետ Ֆնաց Կ. Պօլսում իբրև քարոզիչ երեք տարի, մի յաղթանակ, որ ցոյց է տալիս թէ ճարտար մարդու կեանքի և դատողութիւնների մէջ չգտնուեցաւ այնքան բժախնդիր¹ դատաւորների կողմից մի դատապարտելի ինչ: Ընդհակառակը՝ Շահնազարեանին ամբաստանողներն այն ժողովների արձանագրութիւնների մէջ հանդիսանում են նախ բաւական խակ և մեծամիտ, և ապա, որ աւելի ուշադրութեան արժանին է, շատ նեղախիտ, բժախնդիր և անհեռատես, միևնոյն ժամանակ գոեհկական ու անվայել ոճով վիճաբանող ու պաշտօնանուող Բացառութիւն է, անշուշտ, Տէրոյենց պատուելին, որ, հաստատուն իւր համոզմունքների վերայ, միշտ հետամուտ էր վիճաբանութեանն աւելի գիտական ուղղութիւն տալ, որը սակայն չյաջողուեցաւ նորան, իւր ընդդիմախօսի, Կարապետ վարդապետի, շիտակութիւնն ու ազատական արտայայտութեան ձևերը չունենալով: Այս և իրաւունք էր տալիս ճարտար վարդապետին նոյն ժողովներից տանակեց տարի յետոյ հետեւեալ հակիրճ և բընորոշ տողերի մէջ ամփոփելու իւր եռամեայ վիճակի նըկարագիրը²:

«Ի կոստանդնուպօլիս արեւմտեան յիսուսականութիւնն աջակցեալ ընդ ասիական բռնաւորութեան, շնտուն ինձ հանգիստ զամս երիս»...

Կարապետ վարդապետ իբրև մաքառող և ինքնուրոյն դէմք, կարելի է սսել, հակապատկերն էր Տէրոյենցի.

1. Կարապետ վարդապետին ամբաստանում էին, որ աւագ հինգշաբթի ոտնլուայի ժամանակ քահանաների ու դպիրների ոտքը համբուրում է եղիւ: Այդ գայթակղութիւն էր համարուել: Շահնազարեան ժողովի մէջ յայտնեց «Ներսէս սրբազան իմ ոտք լուացած ատեն համբուրեր է, այս բանիս համար ստորագրութիւն կուտամ, գրեցէք Ներսէս սրբազանին, նա սուտ չիօսիր, ու ստոյգ կիմացնէ»: տ. Արևել. Մամուլ:

2. տ. Ղևոնդ վարդ. Ազդ, 6.

ինչպէս ցոյց է տալիս վիճաբանութեան ընթացքը, բաւական է յիշել այն, որ նա անհաւատութիւն չէր համարում ասել թէ Պետրոս առաքեալ Հռոմ չէ գնացել, Դաշանց թուղթը շինծու է, Դաստառակի աւանդութիւնները միջնադարեան յերիւրանքներ են և այլն, մաքեր, որոնք Տէրոյենցին սարսափ էին ազդում. սակայն վիճաբանութեան մէջ մեր առջին են գալիս նորա նկարագրի պայծառ գծերն այսպիսի խօսքերի մէջ «Գիտցիր, պատուելի, ժողովի մէջ ասում է Տէրոյենցին Շահնազարեանց ¹⁾», ես իմ ազգս քեզ նման չեմ սիրեր, յօժար եմ իմ ազգիս մէջ անտրգ ըլլալ եւ մուրացիկ քան յօտար ազգս փառատը եւ հառաւ»։ Իրենց տարաձայնութեան բուն պատճառը նա պատկերայարգութեան խնդիրը չէ համարում, որն առիթ տուեց ընդհարման, այլ այն, որ Տէրոյենց իւր ընդդիմախօսի առաջ չարաչար պախարակում էր բողոքականներին և «լուելեայն գովում էր պապականներին»։ պատուելու այդպիսի արտայայտութիւնն էր, որ զրգոեց վարդապետի արդար զայրոյթը. «Ես ըսի, պատասխանում է ²⁾ Շահնազարեան, երկուքն ալ այսինքն նորադանցք եւ պապականք հակառակ եւ թշնամի են եկեղեցւոյ Հայոց եւ ազգութեան մերոյ»։ Տէրոյենց իւր Հայաստան թերթում էօժէն Բորէին, որ ճանապարհորդել էր մեր երկրում, կրօնասէր և հայասէր էր ներկայացնում, մինչդեռ գիտէր, որ Բորէն Հայերին հերետիկոս էր համարում և այդպէս էր ներկայանում աշխարհին իւր հրատարակութեան մէջ. «Միթէ՞ ազգիդ ասկէ աւելի խարդախութիւն կրնայ ըլլալ, հարցնում է վարդապետը ³⁾, որ թշնամին իբրեւ բարեկամ ճանչցնես»։

Այս օրինակները բերուեցան ցոյց տալու համար, որ կարապետ վարդապետ աւելի ազատ և ուղիղ էր նայում խնդրի վերայ։

1) տ. Արևել. մամ. 1875 սեպ. 337. 2) Անդ. 378. 3) Անդ. 379.

Ժ.

Չնայելով կրած հալածանքներին, Կարապետ վարդապետ Կ. Պօլսում չընդհատեց իւր աշխատութիւնն ընդօրինակելու հին հետաքրքիր ձեռագրներ. «շարունակ ի նոյն դեգերեցայ, գրում է, և գանձեցի զորս պակասէին ինձ ցայն վայր ազգային պատմագիրք»։ Աշխատութիւններն արդիւնաւորելու համար նա վերջապէս հեռանում է Կ. Պօլսից և 1855 թուին հաստատուում է Փարիզում։ Թէպէտև տակաւին կենդանի էր տ. Ներսէս Ե. Աշտարակեցին և ուժի մէջ էին Կ. Պօլսի իւր հակառակորդ ամիրաներն ու Տէրոյենց, որով Փարիզի «Արևմուտք» թերթում ևս գրեցին Շահնազարեանցին հակառակ, այնուամենայնիւ նա իւր անընկճելի տոկունութեամբ դիմեց գործի։ Բարեկամների միջոցով գտաւ իրեն օժանդակ բարերարներ և նոցա նպաստներով հաստատեց Փարիզում հայկական տպարան, 1856-ին հրատարակեց յայտարարութեան ձևով իւր ծրագիրը և ազգայիններին հրաւիրեց «շար հայ պատմագրաց» գործին օգնութեան հասնելու։ Եւ չսխալուեցաւ. ինչպէս նորա հրատարակութիւնների վերջում դրուած ցուցակներից երևում է, ազգը համակրութեամբ ողջունեց Շահնազարեանցի¹ ձեռնարկութիւնն և չխնայեց իւր լուման նորա գործի յաջողութեան համար։ Առաջին անգամ 1857-ին նորա տպարանից լոյս տեսաւ Ղևոնդ վարդապետի «Արշաւանք Արաբաց ի Հայս» գիրքը, նուիրուած բարերարներից մէկի Ապրոյեան Աբրահամ ամիրային յիշատակին, որի պատկերն և զարդարում է գրքի ճակատը։ Բարերարների շարքում Շահնազարեան յիշատակում է Լազարեանց Սաչատուր աղային, Մանուկ պէյին, Իւսուֆեան Յովսէփ Չէլէպուն և Կոստանդեան Դրիգորին։ Հրատարակչական իւր այդ գործունէութիւնը Փարիզում շարունակեց Շահնազարեանց մինչև 1862 թ. և լոյս ընծայեց Ստ. Ասողիկի, Մով.

1) տ. Ղևոնդ վ. Աղդ. 6.

Կաղանկատուացու, Ստ. Օրպէլեանի, Սմբատ Սպարապետի, Վահրամի և Թովմա Մեծոփեցու անգրանիկ հրատարակութիւնները ծանօթութիւններով ու լուսաբանութիւններով։ Մի շատ թանգագին ծառայութիւն էր այդ, որ հալածական վարդապետն իւր բազմամեայ տոկուն աշխատութեան շնորհիւ մատոյց Հայոց գրականութեան և պատմութեանը։ Պրանսական մայրաքաղաքում նա շուտով ընտելացաւ երկրի լեզւին, մօտեցաւ և մտերմացաւ հռչակաւոր գիտնականների հետ, արաբերէնի ուսուցչապետն Ռայնօ (1795—1867) խրախուսեց Շահնազարեանցին ֆրանսերէն թարգմանելու Ղևոնդի պատմութիւնը, Փարիզի Արևելեան կոչուած ընկերութիւնը նորան դասեց իւր անդամակիցների շարքը, Մոսկովի Լազարեանց ճեմարանն ընտրեց նորան իւր խորհրդարանի անդամ, և այլն։ Այս ամէնի հետ միասին Կարապետ վարդապետ միշտ և ամէն ժամանակ իւր անուան մօտ պատիւ էր համարում դնել և «միաբան սրբոյ էջմիածնի» խօսքերը։

Բացի «Շար»-ի հրատարակութիւնից Շահնազարեանց Փարիզում տպեց ֆրանսերէն լեզուով «Esquises sur l'histoire d'Arménie», այս գործն յետոյ թարգմանուեցաւ հայերէն և լոյս տեսաւ 1863-ին Կոստնիկ մէջ և առանձին «ծրագիր պատմութիւն» վերնագրով։ Ամփոփ և առասպելներից ազատ մի համառօտ գործ է այս, որ գաղափար է տալիս Հայոց անցեալի մասին սկզբից մինչև ժ.թ. դարը։ Կարապետ վարդապետ իւր նախաբանի մէջ այն միտքն է յայտնում, թէ Հայոց ազգը մի պատմական կոչումն ունի Արևելքում. յիշելով այնպիսի ազգերի, որոնք յայտնուել և անցել են, ասում է, որ «ընդհակառակն Հայք նրանց չափ հին լինելով և նրանց պէս ջգակտոր և ջարդուփշուր լինելով, էլի կան տակաւին աշխարհի երեսին վրայ և պահած են իրանց լեզուն, իրանց բրիտոնէական ազգային կրօնը, իրանց հայրենի երկիրը, իրանց յիշատակարանները, սովորութիւնները և օրէնքները, որոնք իրանց ազգայնութեան նման կենդանի են։ Այս ի-

ընդուն նայելով, ասում է, կարելի է հաստատել և պընդել, որ այս ազգը տակաւին իր պաշտօնը չէ կատարել և դեռ ջնջուելու և կործանուելու վրայ չէ: Այսպէս մտածելով, Շահնազարեանց Հայերին է վերապահում Արևելքի ապագայ վերածնութեան կոչումը: «Թէ որ Արևելքին սահմանուած է մի օր քրիստոնէութիւնը ընդունելու, թէ որ քաղաքակրթութիւնն այնտեղ պիտի մտնի, թէ որ այստեղ բարք և վարք պիտի ամրանան, Հայք, ասում է, անշուշտ, մի մեծ պաշտօն ունին կատարելու այս վերազարգացման գործքի մէջ»: Շահնազարեանցի այս անդրդուելի համոզմունքն յաճախ արտայայտուել է նորա հրատարակութիւնների և ձեռնարկութիւնների մէջ: 1862 թուին նա գրեց և հրատարակեց Փարիզում իւր թէպէտ փոքրիկ բայց նշանաւոր գործը «Դաշանց թղթոյ քննութիւն և հերքումը», որի մէջ նա, պատմելով իւր ընդհարումները Կ. Պօլսում յատկապէս ճարտարապետ Պալեան կարապետ ամիրայի հետ, զօրեղ փաստերով և ճարտարօրէն հերքում է տ. Մատթէոս կաթողիկոսի «Հաստատութիւն ստուգութեան Դաշանց թղթոյն» տետրակի բովանդակութիւնն, և հաստատում է նոյն թղթի կեղծ լինելը. այդտեղ կարապետ վարդապետն հանդիսանում է ջերմ նախանձախնդիր Հայոց եկեղեցու և ազգի արժանապատուութեան, իւր հայեացքներն ազգի վիճակի բարելաւութեան և յառաջադիմութեան վերայ նա ընդարձակ բացնտրած է «բովանդակութիւն» վերնագրով մասում, որտեղ թէև շատ համառօտ բայց վսեմ տեսութիւններ է անում ազգային կացութեան վերայ¹:

Նոյն 1862-ին Զէյթունի Հայոց շարժումների ժամանակ կարապետ վարդապետ մի յիշատակարան մատոյց

1). Կարապետ վարդապետի երկերի ցանկում յիշուում են նաև 1) Նկարագիր պատմութեան Հայոց, գաղղիերէն հեղինակութիւն, 2) Ընդարձակ տեղագրութիւն Հայաստանի, գաղղիերէն հեղինակութիւն և 3) Պատասխանիք ընդդէմ բողոքականաց ի պաշտպանութիւն Հայաստանեայց եկեղեցւոյ:

Նապօլէօն Գ. կայսեր, հայցելով նորա ուշադրութիւնը Կիլիկիոյ Հայերի վիճակի վերայ:

ԺԱ.

Թէ ինչն ստիպեց Կարապետ վարդապետին թողնել Փարիզն և 1863-ին տեղափոխուել Մանչէստէր, յայտնի չէ: Հաւանական է որ հայ գաղութի ընդարձակութիւնն և իւր հովուական պարտաւորութիւններն աւելի հրապուրեցին նորան այնտեղ: Փարիզում նա ինքն էր նախապատճառ եղել Հայոց համար մի մատուռ կամ ժամանակաւոր աղօթատուն ունենալու, բայց այն ժամանակները մշտական բնակիչներ չկային այնտեղ և վարդապետն առանց ժողովրդի էր մնացել: Անգլիական Մանչէստէր քաղաքը ընդհակառակը ոչ միայն բաւական հայ բնակիչներ ունէր, միևնոյն ժամանակ և կեդրոնն էր Հնդկաստանի Հայոց առևտրական ձեռնարկութիւնների, ուր լինում էր Հայերի երթևեկութիւնն ամէն կողմից: Հռչակաւոր վարդապետը Մանչէստէրումն էլ պատկառելի դիրք գրաւեց և իւր սովորութեամբ գրիչը ձեռքից չթողնելով 1864-ին սկիզբն դրեց հայերէն մի թերթի հրատարակութեան, որի անունն էր «Ներկրագունդ». ձեռքի տակ չունենալով այդ թերթից որևէ մի օրինակ, անկարող ենք գաղափար տալ ընթերցողին նորա բովանդակութեան և ուղղութեան մասին: Կ'ասենք միայն, որ շատ կարճատև էր նորա կեանքը, որովհետև Կարապետ վարդապետն իւր բազմաշխատ կեանքի բեռի տակ, թէպէտև դեռ հազիւ յիսուն տարեկան եղած, մօտենում էր գերեզմանին: Նոյն 1864-ին նա հիւանդանալով հեռացաւ Մանչէստէրից Փարիզ բժշկութիւն գտնելու. հիւանդութիւնն ստիպեց նորան գնալ հարաւ, առժամանակ Նգիպտոսում Նուսլար փաշայի հիւրասիրութիւնը վայելեց և նորա հետ մտերմացաւ. ապա անցաւ Կ. Պօլիս և իւր վաղեմի բարեկամ Նրզնկացի տէր Գէորգ Արծրունու

տանն օթևան ընդունեց որ Սասգիւղի քահանան էր¹։ Ասպնջականները սիրով համբերութեամբ խնամեցին իրենց յարկի տակ հիւանդ վաստակաւորին, օղափոխութեան տարան, բժիշկներ բերին և այլն, սակայն Կարապետ վարդապետի կեանքի ասպարէզը վերջացած էր. նա իւր մահկանացուն կնքեց 1865 Օգոստոսի 31-ին. մարմինն ամփոփուեցաւ Սասգիւղի գերեզմանոցում, ուր նորա շիրմի վերայ կայ այս տապանագիրը.

«Աստ հանգչի յուսով փառացն յաւիտենից Կարապետ վարդապետ Շահնազարեանց, ծնեալ ի Համատան ի 14 մարտի 1814 թ. և վախճանեալ ի Սասգիւղ Կոստանդնուպօլսոյ յամի 1865 Օգոստոսի 31-ին»։

Նորա կեանքն ու գրական գործունէութիւնն անեղծ յիշատակներ են, որոնք աւելի տեւականօրէն պիտի խօսեն ու յիշեցնեն վաստակաւոր վարդապետի մասին քան իւր տապանագիրը. սակայն մտահարուստ և միշտ աշխոյժ Շահնազարեանցն աւելի երկար ապրելու բուռն ցանկութեամբ թողեց և մի կտակ իւր ազգի օգտին։ 1850 – 1865 թ. նա գրեթէ շարունակ շարժուն գործունէութեան մէջ էր։ Թէ ունէր իրեն հետ մի գումար, երբ Թիֆլիսից անցաւ Պօլիս, և որքան էր այդ գումարը, մեզ հաւաստի յայտնի չէ. բայց շատ հաւանական է, որ նա իրեն նիւթապէս ապահովելուց յետոյ միայն յանձն առնէր փախուստ և անստոյգ ապագայ։ Անկախ այս հանգամանքից, երբ Կարապետ վարդապետ Փարիզ փոխադրուեցաւ և բարերարների դրամական օժանդակութեամբ տպարան հաստատեց, այնտեղ նա իրեն տուած քանքարը շահեցուց իւր անխոնջ աշխատութեամբ։ Նորա տպարանը կամ ինչպէս ինքն է

*) Այս քահանայի տանը պահուում է և Շահնազարեանի ձիթաների պատկերը, որ նկարել է генералъ майоръ Назымовъ 1844 թուին, թուի թէ նորանից է առնուած և Արաքսի մէջ լոյս տեսած պատկերը (տ. Արաքս, Բ. տ.) Կ. Կ. — Յօդուածիս ճակատը զարդարող պատկերը մենք ձեռք բերինք Պօլսում 1896 թուին։ Նմբ։

անուանում, գործատուներ մօտ տասն տարի գործեց և նորան արդիւնք տուեց, նմանապէս և նորա հրատարակութիւններն այսպէս կամ այնպէս եկամուտ էին բերում: Միւսին ժամանակնա ունէր ճոխ գրատուն, գրչեայ մատեններ և այլ հաւաքածոյ: Նա իւր տպարանն և իւր բոլոր շարժական գոյքը կտակեց ազգին, կտակակատար նշանակեց Վարժապետեան Ներսէս վարդապետին (յետոյ պատրիարք) և կտակի մէջ պայման դրեց, որ երբ իւր բոլոր գոյքը վաճառուի և առձեռն պատրաստ գումարի հետ միասին օսմանեան հազար ոսկի դառնայ, կիլիկիայում այդ հաշուով մի դպրոց բացուի իւր անունով, իսկ եթէ գումարը չբաւէ, պակասը լրացնէ Նուպար փաշան: Վարժապետեան այդ կտակը գործ դնելու ժամանակ օգտուեցաւ մի հանգամանքից. այդ միջոցին վախճանել էր Նուպար փաշայի եղբայրն, Առաքել պէյ: Ներսէս վարդապետ գնաց Եգիպտոս Նուպար փաշայի մօտ և նորան օգնութեան կանչեց. առատաձեռն փաշան իւր եղբօր յիշատակին նուիրեց երեք հազար ոսկի, որը միացնելով Շահնազարեանի կտակած հազար ոսկու հետ, ուսումնարանի բացման դրամագլուխ եղաւ: Աչքի առաջ ունենալով կիլիկիոյ անյարմարութիւնները, 1866-ին, Վարժապետեանի և Նուպար փաշայի ջանքերով բացուեցաւ Խասգիւղում այն վարժարանը որ բարերարների անունով կոչուեցաւ Նուպար-Շահնազարեան: Տասն տարի յաջող գոյութիւն ունեցաւ այդ վարժարանը Վարժապետեանի անմիջական հսկողութեան տակ և տուեց շատ պիտանի սաներ (նոցանից մէկն է պ. Մինաս Զերազ), առաջին աւարտողները սարկաւազ ձեռնադրուեցան նոյն Վարժապետեանի օրհնութեամբ: Կարելի է ասել վերջինիս քնքոյշ խնամածութեան առարկաներից մէկն էր վարժարանը, որի մէջ ինքն և տեսուչ էր և կրօնագիտութեան ուսուցիչ, նա և հոգս տարաւ վարժարանի վիճակն ապահովելու, շէնքն ընդարձակեց, գնելով նորա համար նոր տուն և պարտէզ: 1870-ին վարժարանի աւագ

աշակերտների խմբագրութեամբ վերսկսուեցաւ Կ. Պօլսում Շահնազարեանի «Երկրագունդ» թերթի հրատարակութիւնը, այս ձեռնարկութեանը նպաստեց այն, որ Կարապետ վարդապետի տպարանը Մանչէստերից փոխադրուեցաւ Կ. Պօլիս և գործի դրուեցաւ:

Դժբաղտաբար տասն տարի միայն գոյութիւն ունեցաւ Նուպար-Շահնազարեան վարժարանը: Այն դրամագլուխը, որ վարժարանի ապահովութեան հիմքն էր, Ռուսիայի երկաթուղու տոկոսաբեր թղթերով էր պահուում. 1875-ին արժէթղթերի գինն ընկաւ, տոկոսը պակսեցաւ, և ի վերջոյ բոլորովին կորաւ: Այդ և պատճառ եղաւ վարժարանի ակամայ փակման:

Այս է Շահնազարեանց Կարապետ վարդապետի կեանքի և գործունէութեան հակիրճ նկարագիրը: Շատ բան տակաւին կարօտ է լուսաբանութեան և շատն էլ մնում է մթութեան մէջ այն պատճառով, որ մինչև օրս ոչ ոք չհոգաց նորա կենսագրութեան ճշգրիտ աղբիւրներն հրատարակութեան տալ, նորա տպած և անտիպ երկերը ժողովել և միասին տպագրել ուսումնասիրութեան համար, և վերջապէս քննադատութիւնը նորա ծանօթ գործերի, մանաւանդ նորա փախուստին վերաբերեալ խնդիրների, տակաւին կատարուած չեն: Ժամանակ է այդ ամենին ձեռնամուկս լինել, աչքի առաջ ունենալով, որ վաստակաւոր վարդապետն ժԹ. դարու պատմութեան մէջ իրեն շուրջը բոլորած անձինքներով և անցքերով բաւական պատկառելի տեղ է զբաւում:

Թէպէտև նա ս. էջմիածնի մերձաւոր շրջաններից փախաւ, բայց նա մնաց միշտ միաբան այդ մայր վանքի և այսօր նորա անուան յիշատակով փառաւորուում է միայն ս. էջմիածնի միաբանութիւնը, որ իւր միջից տուեց այդքան հայրենասէր, գործունեայ և հաւատարիմ մի ժառանգ: Երանի՜ թէ հալածական բազմադիւն վարդապետի կեանքն և օգտակար գործունէութիւնը միշտ խրատական

օրինակ մնան միաբանութեան երիտասարդ սերունդին՝
անխարդախ սիրել հասարակաց շահերն ու կարիքները,
նշանաբան ընդունելով Կարապետ վարդապետի հետեւեալ
խօսքերը.

«Յօժար եմ իմ ազգիս մէջ անարգ ըլլալ և մուրա-
ցիկ, քան յօտար ազգս փառաւոր և հարուստ»:

Կ. Կոստանեանց

ԴԱՐԴ ՈՒ ՎԱՐԴ

Վարդ եմ փնտրում սարերի մէջ,
Դարդ եմ փնտրում ֆարերի մէջ.
Վարդի համար, դարդի համար
Խան եմ գալիս ես սարէ սար:
Սարը մեռւե, սրիս մէջ փռւե,
Վարդս անուե, ա՛խ, ես անուծ,
Տուէ՛ք ինձ թե՛ թռչեմ վերեւ,
Կեանք ու արեւ գրկեմ հեւ-հեւ,
Դառնամ մի ցօղ սիրունաւոր,
Վարդիս կրծքին, դարդիս կրծքին
Սիրով փարեմ, մուռ-մուռ մարեմ...

* * *

Ծի՛ս ու ծիծառ, սոխա՛կ, կռո՛ւնկ,
Ա՛խ, ձեր ձէնքին ես մասաղ,
Սիրս խոցուած, վերս խորունկ,
Ինձ մի՛ անէ՛ք խելամառ:

Դուք ի՞նչ գիտէք... դարդս մի լեռ՝
Ձեզ անծանօթ եւ օսար,
Էդ դարդի տակ խեղդում է դեռ
Սիրս մաշուած, ցաւագար:

Է՛ր է՛ք լուռ, ծի՛ս ու ծիծառ,
Միտք հնչեցէ՛ք երգ ու տաղ,
Մինչեւ հանգչէ սիրս իսպառ...
Սիրո՛ւն հաւեր, ձեզ մասաղ:

Յար. Պետրոսեան

ՊԱՏՄՈՒԹԻՒՆ ՍԱՍԱՆԵԱՆՑ

Պրոֆ. Կրիմսկու

Նախընթաց յօդուածում մենք տեսանք, թէ ինչպէս Պարսից արքայից արքայ Վռամ V գուռ (420—438) Հայոց Արշակունեաց վերջին շառաւիղ՝ մանուկ Արտաշրին կանչելով Պարսից դուռն 429 թ. պահեց նորան այնտեղ, իսկ Հայաստանը նահանգ դարձրեց ու նորա կառավարութիւնը յանձնեց ուրոյն պարսիկ մարզպանին: «Վռամ V-ին յաջորդեց Յակկերտ II-ըր (438—457), որ ծանր պատերազմներ մղեց Հեփթաղների դէմ և Պերոզ (459—484), շարունակում է պ. Կրիմսկի. Պերոզ երկու տարի պիտի ներքին կռիւներ մղէր իւր եղբոր Ուրմիզդի (457—459) դէմ և հաստատուեց դահի վրայ Հեփթաղների օգնութեամբ. բայց յետոյ զրժելով իւր տուած խոստումները, զրդռեց Հեփթաղների դժգոհութիւնը, շատ ծանր պատերազմներ ունեցաւ նոցա հետ և 484 թ. սպանուեց ճակատամարտում. նորա դուստրը դերի ընկաւ Հեփթաղների Թագաւորի ձեռքը և մտաւ Թագաւորական կանանոց և Հեփթաղները ահեղ արշաւանքով անցան Իրանի արեւելեան կողմերով աւերելով ամենայն ինչ:

Տէրութեան մէջ Յազկերտի և Պերոզի ժամանակ հալածանքների էին ենթարկւում օտարահաւատ ազգերը, մի կողմից չրեայք, որոնք V դարում կրօնական կենդանի գործունէութիւն արտայայտեցին՝ մշակելով այսպէս ասած Բաբիլոնեան Տալմուդը, միւսից քրիստոնեայք: Սակայն ոչ ամենայն քրիստոնեաների հետ հաւասար թշնամութեամբ էին վերաբերւում Պարսից հալածիչները. Հայերի դրութիւնը աւելի վատ էր, քան Ասորոց: Յազկերտ II օրերում հալածանքը և զրադաշտական կրօնի բռնի

մուտքը հայաստան, սարսափելի պատամբութիւն (450—451) յառաջ բերեց, որ մեծ դժուարութեամբ ընկնուեց: Պատեառն այն էր, որ տիրապետող դաւանութիւնը Հայաստանում միաբնակական (МОНОФИЗИТСКОЕ) էր, որ դրացի Բիւզանդիոնում հասարակաց համակրութիւնն էր վայելում և հինգերորդ դարում քանի մի անգամ պաշտօնական ղյժ էր ստանում, այսպէս Հայաստանը բնականաբար ձգտում էր Բիւզանդիայի կողմը: Ընդհակառակն, Արամեցիների զխաւոր դաւանութիւնը նեստորական էր և բիւզանդական սահմաններում ենթարկւում էր չարաչար հալածանքների թէ ուղղափառների և թէ մօնօփիզիտների և Ասորոց—նեստորականների բազմութիւնը, բիւզանդիոնի հպատակներ, հարկադրուած եղան V դարու կիսում և մանաւանդ երրորդ քառորդում, թողնել իրանց հայրենիքը և այս թւում նաև իրանց գիտնական յենարան—հռչակաւոր «պարսկական դպրոցը» Եղեսիայում (որ ընծայեց նեստորականներին բազմութիւն դրականական դործիչներ և թարգմանիչներ յունարէնից*): Նոքա հեռացան Մծբին, ուր նոյնպէս կար երեւելի ասորական գիտնական դպրոց, Տիգրոն և Պարսկաստանի այլ տեղեր. տարագրուած նեստորականների թւում Եղեսիայից 'ի միջի այլոց էր (449) եռանդուն նեստորական քարոզիչ Բարժամա, որ յետոյ Մծբինի եպիսկոպոս դարձաւ (մօնօփիզիտների մօտ նա յայտնի էր մականուամբ «վայրի եզն»): Ղուտով նորան հետեւեց նորա բարեկամ—գիտնական աստուածարան և անուանի հոգեւոր քերթող Նարսայ (ներսեհ), Թշնամիներից կոչուած «բորոս»): Իսկ նեստորականներից—«քնար Հոգւոյն Սրբոյ»): անցաւ Պարսկաստան և Ակակիոս (ղուտով Սելեկիայի կաթողիկոս ընտրուած, 484—496 և թարգմանիչ ասորական լեզուից պահելի) և ոչ սակաւ ուրիշ կրթեալ, երեւելի նեստորականներ: Պերող վնռեց շահագործել նեստորականների մեծ թըշ-

*) Վերջ 'ի վերջոյ Զենոն կայսրը (488—489) չբաւականա-
նալով շատ նետորական գիտնականների յօժարակամ հետանալովը,
հրաման արձակեց քանդել Եդեսիայում «պարսկական դպրոցը»,
որին եռանդով նպաստեց մօնոֆիզիտական եպիսկոպոս Կիւրոսը
(471—478):

նամութիւնը դէպի մօնօֆիզիտները (և ուղղափառութիւն) այն նպատակով, որ թուլացնէ իւր հպատակ քրիստոնեաներին և նպաստեց, որ Բէա—Լապատի (Գոնդիշապուրում) 483 կամ 484 թ. ժողովում պաշտօնապէս ճանաչուի Նեստորի զաւանութիւնը, որ յունական եկեղեցին հալածում էր և ատելի էր չայոց: չայաստանը, յայտնի բան է, շարունակում էր ձգտել դէպի Բիւզանդիոն և Պերոզի մահուան միջոցին, ապստամբութեան մէջն էր:

Պերոզի մեռնելովը չայաստանը խաղաղացաւ. ներքին երկպառակութիւններից լետոյ թագաւորական գահ բազմելով Պերոզի եղբայր Վաղարշ (484—489) երաշխաւորեց չայերին զրադաշտականութեան դադարումը նոցա երկրում. այսպէս նա վարուեց մասամբ չայաստանը հանգստացնելու դիտաւորութեամբ, մասամբ էլ կամեցաւ դիմադրել զրադաշտական հոգևորականութեան, որի իշխանութիւնը իւր վերայ չէր ցանկանում տանել: Բայց Վաղարշ չկռադատեց իւր ոյժերը. թագաւորական գանձարանը դատարկ էր չեփթաղների տրշաւանքներից լետոյ, զօրք հաւաքելու համար փող չկար, աւագանին այդ պատճառով անտարբեր էր դէպի շահր: Մոզերը, զայրացած Վաղարշի թշնամական վարմունքից, վերջապէս, կուրացորին նորան և դահ բարձրացաւ նորա եղբոր որդին, (Պերոզի որդի) Կաւատ I (489—531):»

Վերը, ինչպէս տեսանք, պ. Կրիմսկի խօսելով Յազկերտ II-ի հալածանքների մասին չայաստանում, ակնարկում է Վարդանանց պատերազմների վերայ, որոնց զեղեցիկ նկարողութիւնը թողել է մեզ Եղիշէի պատմութեան հեղինակը: Այստեղ փոքր ինչ կանգ առնենք և պրօֆ. Ք. Պատկանեանի խօսքերով բնորոշենք չայոց ժողովրդի կրօնական զգացմունքի տալայտութիւնը և միութեան գործօնները:

«Արդէն երկրորդ դարուց, ասում է հանգ. հայազն դիտականը, քրիստոնէութիւնը սկսեց արագութեամբ տարածուել չայաստանում, իսկ երրորդ դարու վերջում Տրդատ (III դ. Մեծն) ուղղովին մկրտուեց սուրբ Գրիգորից, չայաստանի Լուսաւորչից: Այդ իրողութեան հետեւանքն այն եղաւ, որ չայոց ժողովրդի համակրանքը անցաւ Բիւզանդիոնի կողմը, ուր քրիս-

տոնէութիւնը շուտով տիրապետող զիրք ստացաւ: Այս հանգամանքը ուժգին հարուած առեց Սասանեանց ձգտումներին, որոնց այժմ վիճակում էր մաքառել Հայաստանում թէ (թագաւորական) հարստութեան և թէ քրիստոնէութեան դէմ, որ մօտեցնում էր Հայաստանի բնակիչներին Յունաց: Սակայն դա չէր թուլացնում նոցա եռանդը և նոքա շարունակում էին կռիւր Հայերի դէմ բոլոր հնարաւոր միջոցներով: Հինգերորդ դարու առաջին քառորդում (429) նոցա յաջողուեցաւ տապալելու իրանց համար ատելի հարստութիւնը. բայց երբ, քրիստոնէութիւնը քնշելու նպատակով, նոքա կառնեցան Հայերին բռնի կրակապաշտ դարձնել, բորբոքուեց սարսափելի կրօնական պատերազմ, որից Հայերը թէև յաղթահարուած դուրս եկան, սակայն մի անգամ ընդ միշտ պաշտպանեցին արդէն իրանց կրօնը: Եւ այսպէս ձեռք բերին նոցա պակասող կրօնական միութիւն, որին շուտով հետեւեց ազգային նշանադրերի գիւտը և միանուագ ստեղծուեց նոխ և ծաղկեալ դրականութիւն:

Ասորոց լեզուն, որ միջանի ժամանակ գործ էր ածուած եկեղեցում ժամաստցութեան միջոցին, յայտնի բան է, անհասկանալի էր ժողովրդի մեծամասնութեան: Ամենուրեք զգացուած էր մայրենի լեզով գրքերի անհրաժեշտութիւնը: Այն ժամանակ Հայոց վարդապետներից մէկն, սուրբ Մեսրոպ, լրացրեց և կատարեգործեց հին հայկական այբուբենը, հնարեց ընդհանուր գործադրութեան մէջ ֆնացած արդեան Հայոց նշանադրերը և դրանով սկիզբն դրեց Հայոց դպրութեան: Փոքր ինչ գործանից առաջ Մեծին Ներսիսի օրերում, Հայոց եկեղեցին ազատուեց յունական ազդեցութիւնից և սկսեց բնորէլ իւր կաթողիկոսին, առանց Կեսարիայի հայրապետի ձեռնադրութեան: Ներսիսի որդի, Սահակ (Պարթև) կաթողիկոսը, Գրիգոր Լուսաւորչի թոռան թոռը, առանձին եռանդով ձեռնամուխ եղաւ սուրբ գրքի և ժամասացութեան գրքերի հայերէն թարգմանութեանը: Բայց տեսնելով, թէ այսպիսի լուրջ և դժուարին գործը պահանջում է մեծ գիտական ոյժեր, նա 60-ից աւելի երիտասարդներ ուղարկեց Եգիպտոսի և Յունաստանի յայտնի դպրոցները, ուր

քրիստոնէութիւնից շատ առաջ պանդխտում էին հայ պատանիները (ուսման ծարաւից առջորուած)։ Ուղարկուածներից շատերը արդէն Թուրքաստանում զբաղուեցան սուրբ գրքի փոխադրութեամբ հայերէն, միւսերը վերադառնալուց յետոյ հայրենիք։ Գրականական լեզու հանաչուեց իրօք այն ժամանակի դրան (ոստանիկ) լեզուն։ Այն ինչ Արշակունեաց հարստութիւնը դադարեց և հայաստանը ընկաւ մարդպանների իշխանութեան ներքոյ։

Այսպէս, հանդամանքների տարօրինակ բերմամբ, այն, ինչից հայերը զուրկ էին անկախութեան երկար դարերի ընթացքում—ընդհանուր գործածութեան պթութենքը, զրականական լեզու, կրօնական միութիւն, այս բոլորը հանդէս եկան անկախութիւն կորցնելու վայրկեանին և ստեղծուեց ընդհանուր ազգային գրականութեան հնարաւորութիւն։ Հայաստանի աւատական կազմակերպութիւնը շարունակեց իւր գոյութիւնը թաղաւորական իշխանութեան դադարումից յետոյ էլ։ Բայց այդ ժամանակ յառաջ եկաւ մի նոր ոյժ, որ հաւասարապէս ճանաչւած էին ժողովրդի բոլոր դասակարգերը և նաև իշխանները։ Դա հոգեւոր ոյժն էր կաթողիկոսների, որոնց ընտրում էր համայն ազգը և ընդունում առանց մի բռնադատութեան յօժարակամ։ Կաթողիկոսի կողման մէջ ժողովուրդը աւելում էր իւր միութեան մարմնացումը, իւր հոգեւոր շահերի ներկայացուցչին և շատ անգամ հալածուածների պաշտպանին և խաղաղարարին։

Սուրբ գրքի թարգմանութեան հետ միաժամանակ ամբողջ երկրում հիմնուեցան դպրոց և վանքեր, ուր արեւմտեան Եւրոպայի միջին դարերի վանքերի օրինակով, շուտով կենդրոնացաւ ուսման գործը։ Քրիստոնէութիւն ընդունելով հայերը, այսպէս ասած, կտրեցին իւրեանց անցեալ, նախաքրիստոնէական գոյութեան շրջանի կապերը և նորագարծներին յատուկ (неофитъ) եռանդով անձնատուր եղան նոր վարչապետութեան։ Բոլոր մնացած գրականական չիշատակարանները, բաղկացած վիպասանական երգերից ու մեհենական մատեաններից, ոչնչացրին, ապագայ սերունդը պահպանելու համար հինաւուրց հաւատա-

լիքներից*։ Ուստի հագիւ թէ մի ուրիշ ժողովրդի զրակա-
նութիւնը ունի այն բացառիկ բնութիւնը, ինչ որ Հայոցն է։
Այդպիսի հանգամանքներում ծնած զրականութիւնը բնականա-
բար ներշնչուած պիտի լինէր խիստ քրիստոնէական ոգով և
հինաւորական ուղղութեամբ։ Այս պատճառով եկեղեցու ազ-
գեցութեան միակողմանութիւնը ազգային կեանքի վեայշուտով
լիովին երևեցաւ։ Ուրախ ժամանակ անցկացնելն, աշխարհիկ
բովանդակութեան երգեր, հեթանոսական շրջանի ժողովրդական
տօնախմբութիւնները — բոլորը արտաքսուեցան կեանքից, իրր
անվայել քրիստոնէի համար։ Խրախճանութիւնները փոխարի-
նուեցան պահքով (աւելի քան 200 օր տարուայ մէջ, ծուկն ու
կաթը արգելուած էր գործածել կերակուրի)։ Իսկ եկեղեցական
շարականները արտաքսեցին երգերը։ Անբարեպատեհ քաղաքա-
կան պարազանները, անընդհատ տառապանքները, որ բաժին
էին հասնում ժողովրդին, հաստատեցին նորան այն մտքում թէ
կեանքը առւած է ոչ վայելչութեան համար, այլ զժրադատու-
թիւններ ու նեղութիւններ կրելու յանուն Քրիստոսի, թէ վա-
յելչութիւնը սպասում է մարդուն կեանքի սահմաններից դուրս։
Միանգամ արուած ուղղութիւնը միևնոյն հաւասար պայման-
ներում և հանգամանքներում պահպանուեց զրականութեան
մէջ մինչև վերջին ժամանակները»։ (տե՛ս. Всеобщая ис-
торія Литературы подъ ред. В. Θ. Корша. стр. 601—
603. СПБ. 1880)»։

*) Դորան առիթ տուեց, անկասկած, Սասանեանց մոգերի
զազանային մոլեռանդութիւնը Հայաստանում. զրադաշտականին
Հայերը դէմ դրին քրիստոնէական մոլեռանդութիւն. բայց վերջինս
քրիստոնէական աշխարհում երկսայրի սուր է մինչև այժմ. օր,
պապականութիւնը, յունադաւանութիւնը և այլն։ Մ. Շ.

ՄԻ ՕՐ ¹⁾

XI

Ի հարկէ, ես բոլորովին հրէշ կամ, ինչպէս չարաբաստիկ նամակներէս մէջ կոչում էի, «ոճրագործ» չէի: Իմ զգայուն, դիւրագրգիռ և մի քիչ զգացկոտ հոգին աչքի ընկնող լաւագոյն կողմեր էլ ունէր: Սաստիկ զգացկոտ հոգիս բնաւորութեանս կանուցիական բնոյթ էր տուել: Ամենաչնչին երևոյթն յոյզ էր պատճառում ինձ: Ծտի ծղվոցը, վտակի կարկաչը, զեփիւռի շունչը, ծառի շրշիւնը, վերջալոյսն ու շառագոյն արշալոյսը, ծաղիկների անուշահոտ բուրմունքը, արտի մեղմիկ ծփումը, ամպերի խաղը, — այս բոլորը, բոլորը ինձ երանաւէտ խոհերի գիրկն էին ձգում: Հոգիս առժամապէս մաքրւում էր: Զգում էր իրան թեթեւ, կեանքի մանր-մունր հոգսերից ազատ: Այդպիսի բոպէներին հետս խօսողը հիանալի տպաւորութիւն էր ստանում: Ոստում էի իբրեւ մի իդէալիստ, իբրեւ գաղափարին նուիրուած մի անձն, որ գիտէ պահանջ եղած ժամանակ մինչև անգամ զոհիլ սեփական, անհահատական երջանկութիւնը:

Ինչպէս յիշել եմ, լաւ խօսել գիտէի: Թէև տրամաբանութիւնս մի քիչ կաղում էր, սակայն կարելի էր առանց ձանձրանալու և մինչև անգամ հաճոյքով լսել ինձ: Առողջանութիւնս, ձայնիս զօրեղ և յարմարաւոր շեշտերը, բեմական շարժումներս խօսքիս առանձին գոյն և գրաւչութիւն էին տալիս: Ես գիտէի գրաւել խօսակցիս կամ ունկնդրիս ուշքը: Ասածներս ինքնուրոյն բաներ հազիւ դէպքում էին պարունակում իրանց մէջ: Կարդացած գրքերս անսպառ աղբիւր էին ինձ համար զրոյցների, երեկոյթների, ճառերի համար: Ծարպիկօրէն ես կարողանում էի իւրացնել ուրիշների մտքերը — երևոյթը իւր անունով կոչեմ — գողանալ և ծախում էի իւրեւ սեփականութիւն:

Դիտէի ելրեմիապէս, բայց շատ հազուադէպ, արդար զայնրոյթս արտայայտել: Այդպէս գերագոյն բարկութեամբ և համարձակ կարողացայ սիրտս զեղել իմ դպրոցական ուսուցիչներից մէկի

առաջ, որին պատահամբ հանդիպել էի իմ աւարտական վկայա-
 քանս ստանալու նախընթաց օրը: Դա մի տարիքոտ ուսուցիչ էր,
 լաւ խօսող, խօսքի վարպետ և հոետոր: Դպրոցական շրջանում ես
 նրանից բաւական ֆրազներ էի սովորել, որ առանձին խրոխտու-
 թեամբ գործ էի դնում դեռահաս օրիորդների շրջաններում: Շատ-
 շատերն էին զմայլուելիմ խօսելուց: Ոմանք ինձ հաճոյանալու հա-
 մար ասում էին՝ «Աշոտը կարծես թէ բիթներով է խօսում»: Այդ
 ուսուցչի հետ քաղաքային զբօսարանի մի խուլ անկիւնում բաւա-
 կան բան խօսեցի: Վաղեմի ուսուցիչս ապշել ֆնացել էր: Նա զար-
 մանում էր, տեսնելով իւր «կավարի աշակերտին» այդպէս փոխուած,
 դէպի «լաւը» ուղղուած: Այն աշակերտը, որ առաջ խօսելիս՝ կա-
 նանց վերաբերեալ մի քանի անձնական դիտողութիւնների նկա-
 րագրութիւններից այն կողմը չէր անցնում և, լուրջ խնդիրների
 քննման ժամանակ լռում էր՝ խօսքը կատակի փոխելով, այժմ
 խօսում է «իբրև մի բարոյախօս, մանկավարժ» և անէծք էր թա-
 փում իւր դժբախտութեան հեղինակների վրայ:

—Այո, յարգելի ուսուցիչ,— շարունակեցի սասելիքս— դուք
 ինձ փչացրիք: Իմ մատաղ հոգին, որ ձեզ էին յանձնել դաստիա-
 րակելու համար և որի վրայ պէտք է գործ դնէիք ձեր բոլոր
 ոյժերը՝ նրան հայրական տան արատներից փրկելու, ազատելու
 նպատակով, դուք անտես արիք ձեր կոչումը և վատ օրինակ հան-
 դիսացաք ինձ: Խօսքս մենակ ձեզ չի վերաբերում: Ձեր ընկեր-
 նիւր ձեռք ձեռքի տուած անդունդ գլորեցին իմ ներքին աշխարհի
 մանկական անմեղութիւնը: Կեղտի, անբարոյականութեան և անզ-
 գամութեան սև գծերը լոկ ձեր շնորհիւ զարգացան իմ մէջ: Դուք
 կարող էիք իմ ընտանեկան արատներս մեղցնել իմ հոգում, բայց
 դուք այդպէս չարիք, զլացաք:

«Ի՞նչ էք ճամարտակում,— պատասխանեց ուսուցիչս նեղա-
 ցած եղանակով,— սպասեցէք: Ձեր խօսքերից պարզ երևում է, որ
 դուք ընտանիքի գոհ էք: Ձեզ շրջապատողները ձեզ փչացրել են,
 ձեր բնաւորութեան լաւ կողմերը փշուր-փշուր խորտակել և կեղ-
 տոտել թէ ձեր հոգին, թէ միտքը և թէ սիրտը: Այստեղ, կար-
 ծում եմ հարկ չկայ մեղադրել դպրոցը: Մենք պարտական չէինք
 ձեր ընտանեկան արատները վերացնել: Ընտանեկան արատները
 միայն ընտանիքում կարելի է մաքրել, ոչնչացնել: Եւ եթէ ուզե-
 նայինք էլ, չէինք կարող ուշադրութիւն դարձնել ձեզ և ձեր ա-
 րատներին: Դուք շատ լաւ գիտէք, որ մինչև դպրոցից ձեր ել-
 նելը դուք միշտ բազմամարդ դասարանների աշակերտներից էք
 եղել: Յիշում էք, երրորդ դասարանում եօթանասուն հոգի էիք:

Ասացէք, խնդրեմ, քանի՞ մէկիդ վրայ ուշադրութիւն դարձնէինք եւ հնարաւոր էր»:

— Լաւ, դիցուք թէ դուք չ'կարողացաք ինձ վրայ մասնաւորապէս ուշադրութիւն դարձնել, թէ և, ի հարկէ, դասարանի մեծութիւնը չէ արդարացնում ուսուցչի անբարեխղճութիւնը, անտարբերութիւնը դէպի իւր սաները. բայց ինչո՞վ բացատրել ձեր սարսափելի անհետևողականութիւնը, ձեր խօսքի և գործի հակասութիւնը: Ձեր խօսքերն ազդեցիկ էին միայն դասարանում, երբ դուք ոգևորուած ճառում էիք գերագոյն իղէալների մասին, երբ ձեր ունկնդիրները հոգեզմայլ դրութեան մէջ լսում էին ձեր հնչող նախադասութիւնները, պատկերաւոր դարձուածները, և հաճութեամբ նկատում էին ձեր կատակախառն վեպերի մունքը դէպի կեանքի պակասաւոր, անգոհանելի կողմերը և ձեր հեզութիւնն ու ծաղրը, երբեմն էլ հայհոյանքը դէպի ձեզ դուք չեկող գրողները, իսկ կեանքում, դպրոցի շէմքից դուրս, դուք ի՞նչ էիք ներկայացնում ձեր խայտառակ արարքների հետ միասին:

Այս խօսքերը լսելիս ուսուցչիս դէմքը խոժոռեց: Բարեմիտ տրամադրուած երեսի վրայ հրեաց բարկութեան նշոյլ, աչքերը փայլեցին ատելութեան և դայրոյթի կրակով, ճակատը կնճռտուեց, և նա հրամայական շեշտ տալով ձայնին գրեթէ գոռաց.

«Խնդրեմ ձեզ թոյլ չ'տաք իմ մասնաւոր, ընտանեկան կեանքի մէջ մտնել: Ես կարող եմ կեանքի մէջ ամենագծուծ մարդը լինել, իսկ դպրոցում լաւագոյն ուսուցիչներից մէկը:

— Հիւսն ցաւն էլ այն է, որ դպրոցի մէջ դուք լաւագոյն ուսուցիչներից չէիք: Եւ այդպիսի լաւագոյն ուսուցիչներից մէկի արձակման զրդիչներից մէկը հանդիսացաք: Դուք մեզ խաբում էիք ձեր իղէալներով, փոշի էիք փչում մեր աչքերի մէջ: Ամբողջ գիշերն անց էիք կացնում ակմբանոցի սպականուած օդի մէջ, թղթախաղի կանաչ սեղանի շուրջը կայտուելով և առաւօտեան ջարդուած, յոգնած և տալտկալի հոգով մտնում էիք դասարան և Աստուած գիտէ, թէ ինչպէս էիք պարապում: Դուք միշտ կրկնում էիք, որ դաստիարակութիւնը, կեանքի և գործունէութեան համար պատրաստող մի գլխաւոր գործօն է, միջոց է: Իսկ թէ ի՞նչպէս էիք այդ գործօնը, այդ միջոցը գործադրում՝ դուք այդ շատ լաւ գիտէք, լաւ է չ'խօսեմք: Չմոռանամ յիշել և մի հանգամանք. ձեր ընկերներից մէկը ինչ-ինչ հովերով տարուած՝ բարձր դասարաններում միշտ խորհուրդ էր տալիս կանանց ընկերութիւններ մտնել, շփուել, առարկելով, որ այն կրթիչ, մաքրող և բարձրացնող ազդեցութիւն ունի: Հետեւեցինք այդ խրատին ևս՝ և մտանք, բայց փչացանք, բարոյապէս այլանդակուեցինք: Ինչո՞ւ, որովհետև յար-

գելի մանկավարժը մոռացել էր մի հանգամանք էլ յիշեցնել, որ կանացի ընկերութիւնը միայն և եթէ այն ժամանակ կարող է ազդեցութիւն թողնել, երբ ինքն անհամեմատ աւելի ազնիւ է, բարձր և վստահ:

— «Հիմա դուք իմ հարցին պատասխանեցէք. արդեօք իմ խրատներն մէջ երբեք ձեզ համար փաստակար մի խօսք, մի բառ անգամ լսել էք: Չէ՞ որ ես ձեր բարին էի ցանկանում և առիթը բաց չէի թողնում ձեզ քարոզելու: Ուրիշ ուսուցիչների նման ես չէի բաւականանում լոկ դասերով: Դասերից դուրս ձեզ շատ բան եմ տուել և զարմանում եմ, որ այսօր իմ առաջ կանգնած, դուք ինձ յանդիմանական խօսքեր էք ուղղում, փոխանակ ձեր չափը ճանաչելու: Ձեր մտքում պահեցէք իմ քարոզները, խրատները և դուք հարկաւ կեանքի մէջ երջանիկ կ'լինիք, — ահա իմ խորհուրդը:

— Խրատ, քարոզ, ես չեմ հասկանում, թէ ի՞նչ բանի համար էին պէտք այդ խրատներն ու քարոզները: Դուք փառաւորապէս հերքում էիք ձեր բոլոր դասարանի մէջ ասածները: Ձեր ընթացքը, գործունէութեան եղանակը, հասարակութեան մէջ բռնած դիրքը մի ծաղր էր ձեր ճառերին, քարոզներին ու խրատներին: Դուք գիտէք արդեօք, թէ ի՞նչպիսի եռանդով ու աշխոյժով են աշակերտները հետաքրքրւում ուսուցիչների կեանքով, այո՛, «մասնաւոր կեանքով»: Դուք գիտէք արդեօք, թէ ի՞նչպիսի արագութեամբ, կայծակի թափով ուսուցչի յոռի արարքի լուրը տարածւում է աշակերտների մէջ, բերանէ բերան: Շատ անգամ ամենաչնչին բանը գունաւորւում է և ի՞նչպիսի խորտակիչ ազդեցութիւն թողնում սաների հոգու վրայ: Դուք պէտք է մեզ օրինակ տայիք, լուռ ու մունջ, մարմնացած հետեողականութիւն լինէիք: Մեզ հարկաւոր չէին ձեր խրատները — նրանք նպաստաւոր ազդեցութիւն էլ չունեցան մեր հոգու կազմակերպութեան գործում: Ձեր կենդանի օրինակն էր պակասում, և դուք հոգ չէիք տանում զրա համար: Դուք պղծում էիք մեր միտքը: Երևի փաստեիք կ'պահանջէք: Շատ լաւ: Գիտէք, մենք եռանդով ընթերցանութեամբ էինք պարապում, գիշեր ու ցերեկ չէինք հարցնում, միշտ կարդում ու կարդում էինք: Ցուցականներ էինք կազմում և աշխատում թուով շատ բան կարգաւ, որ այնուհետեւ պարծենանք: Խառնիխուռն ընթերցանութիւն, անառաջնորդ, անսխառն, վայրիվերոյ և ցիրուցան, — ահա պատկերը: Այսպիսի ընթերցանութեան դէպքում, այսպիսի ողորմելի գործում, ի՞նչ դեր էիք խաղում: Արդեօք երբ և է տեղեկանում էիք, թէ ի՞նչ ենք կարդում, ինչո՞վ ենք պարապում և դասերից դուրս ի՞նչ է մեզ հետաքրքրում: Ո՛չ և ո՛չ: Դուք, բռնվիվաններդ,

ժամանակ չունէիք այդպիսի թեթեւ բաներով զբաղուելու: Դուք, ի հարկէ, աշակերտական ազատութեան ջերմաջերմ պաշտպաններից լինելով՝ մեզ ազատութիւն էիք տուել, որ ինչ էլ ուզենանք և ինչ էլ որ մեր ձեռքն ընկնի՝ առանց ընտրութեան և ծրագրի կարգանք ու զարգանանք: Յետոյ՝ դուք միշտ տեղի-անտեղի բացանչում էիք «ուսում, ուսում» և մեզ երբէք չէիք ուզում զգալ տալ, հասկացնել, որ միայն ուսումն բաւական չէ: Այժմ հարիւրաւոր օրինակներ գիտեմ, որ գալիս են ապացուցանելու, թէ մշտական, յամառ, կանոնաւոր և արգասալի գործունէութեան համար ուսման հետ պէտք է միացած լինին և այլ յատկութիւններ: Դուք շատ լաւ պէտք է իմանաք, որ կեանք ասուած քանը մի անողոք, ծանր և երկարատե կոիւ է: Դրա համար հարկաւոր է, որ կռուի ելնողը զինուած լինի բազմակողմանի զէնքերով: Եթէ չունես այդ զէնքերը—ոչինչ ես և անհրաժեշտօրէն ուսնակոխ ես լինելու, որովհետեւ կեանքը թողութիւն, ներում ասած չաները չ'գիտէ, անպատրաստին և յանցաւորին պատժում է, այնտեղ տարերային կոյր արդարութիւնն է իշխում, իսկ արդարութիւնը միշտ անողոք է և խիստ: Այո, կեանքը միապէս անտարբեր է և դաժան դէպի բոլոր մարդիկ: Նրան դուր են գալիս միայն ֆիզիքապէս և հոգեպէս առողջ, կարող և պատրաստ մարդիկը: Հակառակ դէպքում կեանքն իւր խորայատակ բարդութեան մէջ ընկղմելով թոյլերին ոչնչացնում է, թէ և յաճախ վերջիններս օժտուած են լինում ձիրքերով, լաւ ընդունակութիւններով: Այս այսպէս է, չէ, թէ այժմ էլ պէտք է ուղղէք ասածներս ըստ սովորութեան, ինչպէս մի ժամանակ դաս պատմելիս:

Ուսուցիչս դժուար դրութեան մէջ էր ընկիւ: Աշխատում էր մի կերպ խոյս տալ անախորժութիւն պատճառող խօսակցից: Նախկին աշակերտը ուսուցչի հոգու հիւանդոտ կողմերին էր սըղմում իւր մատը: Ուսուցիչս այդ գործողութեան չէր կարող երկար դիմանալ: Ծիգ էր գործ դնում, խօսքը, խօսակցութեան նիւթը փոխել և ազատուել այդ խոշտանգիչ հարցաքննութիւնից: Իմ տաքացած յանդիմանութիւններին վերջ տալու համար՝ դժկամակօրէն սկսեց խուսափողական պատասխան տալ, հակասել իրան:

«Վերջ դնենք այս անախորժ զրոյցին, — խօսեց ուսուցիչս, — ես շտապում եմ: Մի այլ անգամ սառնօրէն և աւելի մանրամասնաբար կ'խօսենք և մեզ համար շատ բան կ'աւարդուի: Այսպիսի թուցիկ բուլվարային փիլիսոփայութիւններով մի շատ խոշոր ու ծանրակշիռ խնդիր չենք կարող լուծել: Ձեր վերաբերմամբ այսքանը կասեմ, որ դուք քիսս եք կրել ընտանեկան դաստիարակութիւնից, եթէ միայն այն դաստիարակութիւն կարելի է անուա-

Նեւ և ոչ թէ դպրոցից, որ իւր սաների լաւն է ցանկացել և ցանկանում է: Եւ վերջապէս դպրոցի նպատակը միայն իւր սաներին մտաւոր պաշար հայթայթելն է և ուրիշ ոչինչ: Երբ սանը դուրս է գալիս դպրոցից թոյլ, չնչին զարգացմամբ՝ միշտ կարելի է պատարակել ուսուցիչներին, իսկ բարոյական դաստիարակութեան հարցը, գոնէ իմ կարծիքով, դպրոցի գործունէութեան սահմանի մէջ չի մտնում: Նոքա կրթական հաստատութիւններ են և ոչ բարոյական հիւանդանոց՝ հոգեկան հիւանդներին բժշկելու համար: Այս բաները պէտք է լաւ հասկանալ: Գուցէ դուք ասէք, հապա էլ ինչի՞նչ է պէտք դպրոցը, եթէ ընտանեկան դաստիարակութեան արատները չ'պէտք է աշխատի արմատախիլ անել: Դրա դէմ ոչինչ ասելիք չունիմ: Մտածեցէք նորագոյն դպրոցի ծրագիր և հրատարակեցէք ի գիտութիւն հասարակութեան:

Վերջին խօսքերին հեգնանքի բնաւորութիւն տալով հեռացաւ: Մնացի մենակ, տխուր մտախռովութիւններով պաշարուած: Հոգիս ճնշում և ծանրութիւն էր զգում: Դժուարանում էի շնչել: Ես դժգոհ էի ինձանից: Զգում էի, որ ուսուցչիս շատ բան չ'կարողացայ ասել: Դժգոհութիւնս, բռնն ատելութիւնս և դայրոյթս զօրեղ շեշտերով չարտայայտեցի: Շատ բան մտաբերեցի, որ առաջուց վճռել էի ասել իմ ուսուցիչներից որին էլ հանդիպէի: Առիթը ներկայացաւ և ես գրեթէ ոչինչ չ'ասացի այդ բոլորից:

Այս տխուր ժամին դպրոցական կեանքս վերստին պատկերացաւ իմ յիշողութեան մէջ: Շատ քիչ լուսապայծառ նշոյլներ ունի այդ պատկերը: Այդ լուսապայծառ նշոյլներից մէկը յիշեցի: Իմ միակ իսկական ուսուցիչն է նա, որին շատ չ'պահեցին դրպրոցում և արձակեցին «հակադպրոցական ընթացքի համար»: Յիշեցի նաև այն խելացի հրաժեշտի խօսքը, որ նա կարճ ու կտրուկ արտայայտեց մեկնելիս. «Տղայք, ասաց ուսուցիչս, կենդանի, կըրակոտ յոյզերի և յախուռն ցանկութիւնների աշխարհը բոցավառ, շիկացրած երկաթով խտանում է «կորում» բառը երկու կարգի մարդկանց ճակատին. նրանց, որ վախկոտ նապաստակի պէս խուսափում են կռուից, քաշում, մեկուսանում և կեանքի բռնն պայքայրը դադարեցնողի դիտում, և նրանց, որ իրանց թոյլ, կամագուրկ բնաւորութեամբ ոտնակոխ են լինում, ճզմում, տափակաշում: Աշխատեցէք այդ երկու կարգի մարդկանց չըյարել, նրանց թուին չըպատկանել: «Կորում» օրհասական բառը թող ձեր ճակատներին չըխարանուի, չըդրօշմուի կեանքի կողմից: Եղէք կռուող, մարտնչող և յաղթանակի համար ապրող մարդիկ»:

Մտքովս անցրի և ուսանողական կեանքս, որքան տխուր, մռայլ ու հիւանդ պատկերներ: Յիշեցի նաև ամենաթաւրմ մի դէպք,

որ մօտաւորապէս մի ամիս առաջ տեղի ունեցաւ: Մի խումբ կայտառ մանուկներ, պայուսակները կապած մէջքներին, գնում էին զպրոց իմ ուսանողական առանձնասենեակի առաջով: Նրանց զուարթ, թնդող քրքիջն ու ծիծաղը զարթեցրին տխուր մտածութիւններ, մռայլ յիշողութիւններ իմ աշակերտական կեանքից, մանկական և պատանեկան օրերից: Արտասուքի երկու խոշոր կայլակներ դուրս հոսեցին իմ աչքերից, կուրծքս բարձրացաւ և երկար հառաչանք տարածուեց սենեակիս մէկ ծայրից մինչև միւսը: Ես ակամայ խղճում էի այդ մատաղ գաղնուկներին, կանխամտածելով այն յուսախարութիւնը և դառնակսկիծ լքումը, որ սպասում է նրանց ամենքին կամ շատ-շատերին ապագայի մթութեան մէջ: Խաւարն արդէն իջել էր, երբ ճանապարհուեցի դէպի բնակարանս՝ մի քանի ժամուայ յոյզերից յետոյ հոգուս մէջ կրկնով սարսափ և սոսկում ազդող մռայլութիւն, անյուսութիւն:

XII

Գալով բնակարանս, երեսնիվար պարկեցի մահճակալիս վրայ: Խոհերը հանդիստ չէին տալիս ինձ: Զղջման զգացումը սկսեց կրծել սիրտս: Անարգեցի վարմունքս, անխոհեմ քայլս: Ինչո՞ւ հոգիս մերկացրի նրա առաջ: Նա կը վերադառնայ հայրենիք: Ծանօթ-անծանօթ շրջաններում խօսք կը քացուի իմ մասին: Տեղեկութիւն կուգեն ինձանից: Եւ, Տէր Աստուած, ի՞նչ խայտառակութիւն: Իսկ եթէ այդ բոլորը Լուսիկի ականջն էլ հասնի: Այն ժամանակ, ամեն ի՞նչ կորաւ, անունս կը խայտառակուի:

Ես զայրանում էի իմ փոքրոգութեան վրայ: Կատաղում էի որ չէի կարողանում հոգեկան յոյզերս ղեկավարել: Ես ուզում էի համոզել ինձ, որ ուսուցչի հետ ճշմարտօրէն խոստովանելով իմ պակասաւոր կողմերը՝ ես ինքնաճանաչ ազնուութեամբ եմ վարուել, ուրեմն այդտեղ պախարակելի ոչինչ չկայ: Միտքս էր այդպէս դատում, այն ինչ ալետանջ սիրտս փոթորկում էր, տարուբերում հակասական զգացումների և յուզումների ազդեցութեան տակ: Զէի կարողանում հոգիս անդորրացնել, մի ելք գտնել: Զղջում էի սաստիկ զղջում՝ իմ նոր արարքիս վրայ: Հայհոյում էի ինձ անմիտ կերպով խօսակցութեան ժամանակ չափը կորցնելուս համար: Ուսուցչի հետ առաջուց արամադրուել էի խօսել ընդհանրապէս դպրոցական դաստիարակութեան և վարժապետների պարտականութեան մասին: Սակայն ծրագրիս գրեթէ չը մօտեցայ: Մոռացայ ամեն ինչ և անձնականութիւնս մէջ տեղ դրեցի իբրեւ օրինակ, խօսքիս կշիռ և նշանակութիւն տալու նպատակով:

Սենեակիս դուռը բացուեց: Վեր թռայ և նստեցի մահճակալիս վրայ: Մտնողը իմ երիտասարդ աղախինս էր: Մի շիկահեր, տեւօք, լայն ճակատով, մի քիչ խոր ընկած թախճալի աչքերով, որոնց շուրջը հագիւ նկատելի կապոյտ շրջան էր գծուել, բարակ, նրբակազմ և գեղեցիկ իրանով աղջիկ էր: Անունը Վարեա էր: Տեսնելով ինձ յուզուած՝ վազելով մօտեցաւ, փաթաթուեց վզովս և հարցրեց. — Եինչո՞ւ է տխուր պարոնը»:

«Վարեան, ուզում եմ ինքնասպանութիւն գործել: Մահը, սպանութիւնը փրկարար բան է, այդ ես գիտակցում եմ, մանաւանդ այնպիսի մի դէպքում, երբ կեանքդ, ապրելդ մի դանդաղասահ կործանում է, արիւնաբամութիւն: Եթէ մէկին սպանման ժամանակ երկու միջոց առաջարկէին և հարցնէին՝ ուզում է սղոցով մորթուել, թէ զնդակահար լինել, ի՞նչ ես կարծում, ո՞ր մէկը կը գերադասէր: Ի հարկէ, զնդակահարութիւնը, չէ: Բայց թողնենք այդ: Վարեան, աշխարհից և ինձանից զոհել եմ: Կեանքս տաժանակիր աշխատանքից ծանր է թւում ինձ, խեղդող, վատ: Ո՛չ մի օր, ո՛չ մի ժամ և ո՛չ մի րոպէ հանգիստ չունեմ: Բայց հրքէք, երբէք այսպէս դառնաղէտ կերպով չեմ տանջուել, ինչպէս այսօր եմ տանջւում մի շարք հարցերի դիմաց: Գուցէ դու կըհետաքրքրուես իմանալ, թէ ի՞նչ հարցեր են դրանք, որ ինձ խեղդում են: Ահա՛— ի՞նչ եմ ես, ի՞նչ բանի կամ ի՞նչ գործի համար եմ պէտք և վաղը ուր պիտի գնամ, ի՞նչ նպատակ է սպասում ինձ: Ես ուզում եմ, և միշտ էլ ուզի եմ, խորտակել իմ խաբէութեան և կեղծութեան վրայ հաստատուած կեանքը, որի հիմքը խախուտ է, որովհետեւ զուրկ է մաքրութիւնից և ճշմարտութիւնից: Այդ կեանքն ինձ համար ծանրակիր շղթայ է, տանջանքների հաստդակ մի երկար շղթայ, որի տակ տնքում եմ, տանջւում, չըկարողանալով ազատուել նրա ծանրութիւնից: Էլ ինչո՞ւ ապրել, երբ իւրաքանչիւր ժամ հետը բերում է ինձ համար նոր տխրութիւն, նոր վիշտ և տառապանք: Ատում եմ բոլորին և ամենից շատ ինձ: Ամեն օր, ամեն մի դէպք, ամեն մի արարք, ամեն մի շնչին բան քայքայուած հոգուս հարուած է տալիս և ամբողջ գիշերներ անքուն եմ մնում: Աւելի լաւ է չապրել, չէ: Այսպիսի կեանքը—կեանք չէ, այլ տանջանքների մի երկարածիգ շարան: Ի՞նչ խորհուրդ ես տալիս, Վարեան: Ես կըպատուեմ, մինչև որ այսօր՝ իմ կեանքի այս մի հատիկ մաքուր, անկեղծ օրը, սիրտս չը զեղեմ քո առաջ: Մի օր միայն ես ուզում եմ լաւ ապրել: Այսօր ուզում եմ բոլորովին քօղազուրկ լինել և ամենքին ցոյց տալ իմ մերկութիւնը, ով կուզէ թո՛ղ նայէ: Ես միշտ կեղծիւ եմ, բայց հերիք է: Դու կըթուլութիւն ունիս, հասկացող աղջիկ ես, Վարեան, ինձ կըմբռնես, չէ:

—Դուք այսօր գրգռուած էք խօսում,—բազուկներն ինձանից հեռացնելով ասաց տխուր հանգամանքների շնորհիւ աղախնի վիճակի մէջ նետուած Վարեան,—Խնչ խելք է դա. ինքնասպանութիւն գործել երիտասարդ, ծաղիկ հասակում, երբ մարդու առաջ գործունէութեան ճանապարհը բաց է։ Դուք վաղը պէտք է ձեր աւարտման վկայականը ստանաք, այնուհետեւ ազատ էք։ Չէ՞ որ դուք միշտ ինձ հետ խօսում էիք ձեր հայրենիքի մասին, ասում էիք, որ նրա համար էք պատրաստուում, ձեր բոլոր ոյժերը կատարելագործում էիք նրան զոհ բերելու, որ դուք նուիրուած էք վեհ իղէալների, ունիք ձգտումներ։ Այդպէս էիք ասում, չէ՞։ Իսկ այսօր՝ Խնչ եմ լսում ձեզանից։ Ինքնասպանութիւն, յոռետեսութիւն, զգուանք դէպի մարդիկ։ Չէ, իմ պարոն, չըպէտք է դեռ կեանքի շէմքին այդպէս յուսահատուել։ Արիացէք։

«Ա՛խ, դու ինձ լաւ չես կարողանում հասկանալ։ Չես ուզում իմ հոգու մէջ թափանցել։ Ես գործունէութիւնից չեմ փախչում, այլ գործունէութիւնն է ինձանից փախչում։ Ես ոյժ չունիմ նրա ետեւից վազելու։ Ես յոգնած եմ, հիւանդ, նոյնիսկ ես ինքս խըղճում եմ ինձ։ Հայրենիքի ինչին է պէտք իմ փշացած հոգին, իմ քայքայուած ջղերը, իմ թոյլ սիրտը։ Ինչո՞վ կարող եմ նրան օգուտ տալ։ Սիրտս պատուում է վշտից, այլևս ես չեմ կարող քեզանից ոչինչ, ոչինչ ծածկել։ Ես մի խեղճ, դժբախտ, յանիրաւի խորտակուած էակ եմ։ Վաղահաս, կիանքից զզուած հոգի, երիտասարդ հասակում անժամանակ ծերացած։ Ես ֆիզիքապէս ապականուած եմ. և այս վերջին խօսքերը դու ամենից լաւ կը հասկանաս։ Այո՛, զգում եմ, որ երկար չեմ կարող մաքառել իմ յոռի հակումների դէմ։ Դործի մարդուց անպայման պահանջում է հաստատակամութիւն, անսայթաք հետևողականութիւն, մաքուր զգացումներ, անապակ հոգի։ Ո՛չ մէկը և ո՛չ միւսը այս առաքինութիւններից ես չունիմ։ Կիանքի շէմքին ես արդէն հասած պտղի եմ նման, որ հովի մի չնչին, աննկատելի շնչից պէտք է գետնին ընկնի, ոչնչանայ, Վարեան, Վարեան, ո՞վ կարող է ինձ փրկել։ Ուշ է, չէ՞։ Ես ասես թէ մի արմատախիլ արուած ծառի եմ նման, որին հողի հետ միացնում է մի փոքրիկ, բարակ և նուրբ արմատիկ, կտրուեց այդ արմատիկը և ծառն անխուսափելիօրէն պիտի ընկնէ։ յոյսս էր փնացել, իմ կատարելագործուելու, փրկուելու յոյսը, կըտրուեց, անյայտացաւ այդ յոյսը, այլևս ինչպէս կարող եմ ապրել այդպիսի դառնալիք յուսավերիպումից յետոյ։

Խեղճ աղջիկը չգիտէր, թէ ինչ պատասխանէր։ Այս տարօրինակ խոստովանութիւնը նրան յանկարծակիի բերաւ։ Դէմքին ցաւակցութեան կերպարանք տալով՝ սկսեց ուշիուշով դիտել «պա-

րոնի» Թախծոտ աչքերը, որոնց մէջ պէտք է որ վառուած լինէր մինչ այդ նրան անյայտ մի կրակ:

«Այնտեղ, ծնողներիս մօտ, շարունակեցի ասելիքս,—հայրենիքում մի ուրիշ կեանք է տիրում: Այդ կեանքը քեզ անձանօթ է: Կրթութեան, դաստիարակութեան մասին այնտեղ տարօրինակ և ապշեցուցիչ հասկացողութիւններ են տիրում: Երեսնաների վրայ նայում են մատների արանքով: Նրանք չեն հասկանում, որ սպազայ հասարակութեան սաղմերի հետ գործ ունեն, որոնցից գլխաւորապէս կախուած պիտի լինի գալոց հասարակութեան որակը, հոգեկան կազմի յատկութիւնը: Այս բոլորի մասին դու կարող ես մօտաւոր գաղափար կազմել, միայն աղօտ հասկացողութիւն ունենալ, դու անչափ անճանաչ ես իմ հայրենի կեանքին: Երեւակայիր մի ընտանիք, որտեղ բռնութիւն է իշխում, որտեղ մարդու և կնոջ յարաբերութիւնը կեղծիքի, ատելութեան և մարմնական, զգայական կրքի վրայ է հիմնուած: Դու միշտ զարմանում ես իմ բուռն կրքոտութեան վրայ, այնպէս չէ: Հա, սէր չկայ այդ ընտանիքում: Ամուսնացել են ոչ թէ սիրով, ոչ թէ սիրոյ կապերով միմեանց հետ միանալու համար, ոչ, այլ փողի, նիւթական շահերի և գծուծ հաշիւների նկատումներով առաջնորդուելով: Մէկը դժբախտութիւն ունի այսպիսի մի ընտանիքում ծնուելու: Ի՞նչ ասել կուզէ, որ նա նախատրամադրուած է յոռի հակումներով: Առհասարակ այդպիսի անսէր ամուսնութիւնից առողջ մարդիկ հազիւ դէպքերում են ծնւում: Վատ հակումների, ստոր տրամադրութիւնների առաջը կարելի է առնել: Եթէ ոչ բոլորովին բժշկել, բայց կարելի է մեղմել, ամօքել և շտկել այդպիսի թշուառ անհատի հոգեկան կազմը և մարմինը: Իսկ հակառակ դէպքում անդունդը բաց է, որի մէջ պիտի գլորուի դժբախտը, շատ անգամ դեռ կեանքի մասին կարգին գաղափար չստացած, անգիտակ կեանքի չար ու բարուն, իւր շրջապատողների կեանքին և նրանց տանջող, տոչորող հարցերին:

—Այդ բաների մասին մինչև հիմա ինչո՞ւ լռում էիք և ինձ ոչինչ չէիք ասում,— խօսեց Վարեան: Դուք երբեմնապէս ինձ հետ խօսում էիք ձեր հայրենիքի հայրենաշունչ սգի, համայնական, ընդհանուր վշտի մասին, իսկ այնտեղ տիրող ընտանեկան կեանքի մասին ձայն չէիք բարձրացնում: Երբ մենք իրար ճանաչեցինք, դուք իսկոյն ինձ հարկադրեցիք պատմել իմ ամբողջ կեանքը, իմ վիճակը, թէ ինչպէս միջնակարգ դպրոց աւարտելուց յետոյ այսպիսի մի աննախանձելի ուղի բռնեցի և, վերջապէս, ծնողներիս մասին: Իսկ երբ հերթը հասաւ ձեզ, երբ ես էլ ուզում էի նոր պարոնիս ճանաչել, դուք չոր ու ցամաք, որքան յիշում

եմ այսպէս պատասխանեցիք. «Իմ կեանքը պրօզայիկ բան է, ձեզ նկարագրելու համար այն՝ մի ամբողջ մենախօսութիւն պէտք է անել. երկախօսութիւններ գրեթէ չկան նրա մէջ: Դուք սարսափելի կերպով կձանձրանաք այդպիսի մի երկայնաձիգ մենախօսութիւն լսելով: Մի շարք գանգատներ—ահա իմ կեանքը»: Ձեր այս խօսքերից այն ժամանակ՝ ես գրեթէ ոչինչ չհասկացայ, իսկ այժմ սկսում է աչքերիցս վարագոյրն ընկնել և ես ձեզ հասկանում եմ: Ձեր խօսքերի իմաստը պարզ է այժմ ինձ համար: Եթէ առաջ ասէիք...

«Առաջ լուում էի իմ կեանքի մասին, որովհետև ընդունակ էի կեղծիւն, և ճարպիկօրէն ամեն ինչ քողարկելով հրեշտակ էի ձևանում: Այժմ, այս վերջին մի օրը, այնպիսի մի տրամադրութեան մէջ եմ, որ այլ ևս չպիտի կեղծեմ: Մի քանի ժամ առաջ իմ նախկին ուսուցիչներից մէկի հետ տեսակցութիւն ունեցայ և նրան շատ բան ասացի անկեղծօրէն: Ուզում եմ քեզ էլ ասել, թէ ի՞նչ եմ ես: Ես բոլորով ապրող մարդ եմ: Բոլորն ազնուութիւն է ներշնչում և այժմ, ինչպէս տեսնում ես, եսականութեան դրդիչներն անտեսելով, պէտք է հոգեպէս մերկանամ քո առաջ, առանց որևէ ամօթահարութեան: Ծիշտը խոստովանելով՝ իմ կեանքի մէջ պատմելու մի առանձին բան չկայ: Եթէ ուզենամ իմ կեանքի պատմութիւնը գրել, վերջինս պիտի ամբողջապէս ներկայացնէ դատողութիւնների և տրտունջների մի երկար շարք: Իմ կեանքի մէջ լուրջ գործողութիւններ, գրի առնելու դէպքեր գրեթէ չկան: Իմ դպրոցական և ուսանողական տարիների ընթացքում այս օրը միայն, երբ կանգնած եմ կեանքի շէմքին, — որովհետև վկայականս վաղը պէտք է ստանամ և պաշտօնապէս կեանքը մտնեմ, — նշանակալից օր է ինձ համար: Այսօր միայն կարողացայ լիովին փայլել ազնուութեամբ և ճշմարտասիրութեամբ, թէպէտև զղջում եմ և պիտի զղջամ այսօրուայ արարքներիս համար: Ես այս մի օրում աւելի շատ եմ ապրել, քան իմ ամբողջ կեանքում:

— Պատմեցէք, ինձ հետաքրքրում է ձեր կեանքի մենախօսութիւնը, ձեր մի շարք գանգատները, — խնդրեց Վարեան լրջօրէն:

«Ես ծնունցի մի պակասաւոր յատկութիւններով օժտուած և աննախանձելի պայմանների մէջ գտնուող ընտանիքի մէջ: Ժառանգաբար ստացել էի վատ հակումներ: Մեր ընտանիքում հէնց սկզբից սկսեցին զարգանալ և աճել վերջիններս: Հայրս գլխաւորապէս զարկ տուեց նրանց: Հոգեպէս և ֆիզիքապէս սկսեցի փրչանալ: Մեր տունը գտնուում էր քաղաքի յետ ընկած արուարձաններից մէկում շրջապատուած հասարակութեան ստոր կարգի

պատկանող ընտանիքներով: Մեզանում, իմ հայրենիքի մէջ, այդ ընտանիքների կեանքը իւր մէջ մխիթարական գրեթէ ոչինչ չունի: Ապրում են տգէտ, կեղտի, մրի մէջ: Բոյսի պէս աճում են և բոյսի պէս ոչնչանում: Այդ ընտանիքները բնաւորութեանս կազմակերպութեան համար կորստաբեր նշանակութիւն ունեցան: Տգէտ լինելով՝ իրանց զաւակներն էլ տգէտ էին: Այդ զաւակներն իմ ընկերներն էին: Անկիրթ, կոպիտ ու հայհոյախօս տղաներ: Այն դրանք իմ խող-ընկերներս էին: Դու պէտք է հակնաս, որ մեզանում եւրոպական իմաստով ժողովրդական կրթութեան հասկացողութիւնը գոյութիւն չունի: Մեր հասարակութեան մէջ քիչ թէ շատ ունեւորներին է յաջողւում իրանց որդիներին ուսման տալ. իսկ ժողովրդի մեծագոյն մասը — ամբողջ ֆնում է տգէտ, խաւար և յառաջագիմութեան պտուղներից ու լոյսից զուրկ: Եւ այդպիսի ընտանիքներից ծնուած երեխաներն էին, ինչպէս քիչ առաջ ասացի, իմ ամենամօտիկ ընկերները մանկութեանս և պատանեկութեան ժամանակ: Մենք փոխադարձաբար միմեանց փչացրինք. ես իմ անհուն կրքոտութեամբ, նրանք տգիտութեան յատուկ թերութիւններով:

Անցայ դպրոց: Դպրոցում պակասութիւններս աւելի հիմնաւորուեցին և հաստատուն կելպարանք ստացան: Ուսուցիչներիցս մի քանիսի վատ ընթացքը ինձ վրայ շատ էր ազդում, բացարձակապէս անբարոյականութեան տեսարանների եմ հանդիսատես եղել, որտեղ դերակատարները դժբախտաբար բարոյախօս վարժապետներէն էին... Այդպիսի պատահարների պատմելը հեռու կրտանէր ինձ, ասեմք պատմել էլ չի կարելի, որովհետեւ գարշ ու անզգամ գերծեր են և ուրիշ ոչինչ: Այդ բոլորը վրաս խորապէս ներգործեցին և բնաւորութեանս կազմակերպման համար խորտակիչ ազդեցութիւն ունեցան: Ի միջի այլոց ասեմ, որ ես անչափ ազդուել եմ միջավայրից, այն հասարակութեան ազդեցութեան ոյժից, որի մէջ ծնուել և ապրել եմ, գլխաւորապէս այն պատճառով, որ ես սկզբից ևեթ մի խոշորութիւն չեմ ներկայացրել: Միջավայրը լոկ հզօրեղ ազդեցութիւն է թողնում ինձ նման թոյլ սնահատների վրայ. տափակ և միջակ մարդկանց կեանքում նա ոյժ է, ճակատագիր և տնօրինում է նրանց բախտը և երջանկութիւնը: Այդ միջավայրի առաջնակարգ գործօններից մէկը — զբոսը կարող էր ինձ, իհարկէ, ճանապարհի բերել և շտկիլ իմ բնաւորութեան անհարթութիւնները, բայց նա այդպէս չվարուեց և ես դժբախտացայ: Դպրոցը մինչև անգամ ղեկավարում էր և քաջախերում մեր անվայել ընթացքը: Չորրորդ, հինգերորդ և վեցերորդ դասա-

րաններում մենք ընկերական խնջոյքներ էինք սարքում: Դրանք օրգիաներ էին: Ուսուցիչներից շատերն հրեքնապէս մասնակցում էին: Հարբելուց յետոյ ընկնում էինք քաղաքի փողոցները և մինչև լոյս-առաւօտ թրև գալիս: Այնուհետև երկու-երեք օր շարունակ չէինք կարողանում կանոնաւոր կերպով դասերին յաճախել: Երեկոյթներ էինք սարքում քաղաքի այս կամ այն այգում, ուր ամենատեսակ խայտառակութիւններ էինք անում. ամեն մէկս իւր «հոգու հատորին» վերցնում էր և քաշում այգու մութ ու կասկածելի խօրքերը...

Մի խոսքով իմ ստացած դպրոցական կրթութիւնը ոչ մի հաստատուն գաղափար կամ սկզբունք չըմտցրեց իմ գիտակցութեան մէջ: Դատարկ մտել էի և դատարկ էլ դուրս եկայ այնտեղից: Եթէ իրապէս ինձ տուել են դաստիարակութիւն և կայուն սկզբունքներ՝ դա կարելի է «վիպային դաստիարակութիւն» և «շուկայական սկզբունքներ» անունով մկրտել:

Ձգուեցի դպրոցական արգահատելի կեանքից և ընտանեկան զարհուրելի դիպուածներից և գրեթէ փախայ ու եկայ այստեղ: Ըսկզբում մեծ ուշադրութիւն դարձրի ինձ ուղղութեան բերելու մասին: Անտանելի դրութեան մէջ էի, ինչպէս դուրս գալ հին վիճակի պայմաններով մէջս ամրացած յատկութիւններից: Ես սկսեցի մխիթարուել. աղուէսի նման ինձ տրամադրեցի խաղողի խակութեան նկատմամբ և ատել ուսայ այն բոլորը, ինչ որ կարելի էր ձեռք բերել: Սկսեցի անձնատուր լինել միայնութեան, որի մէջ գտնում էի բաւականութիւն և վայելչութիւն: Ես իմ սենեակի միասկետն էի. այնտեղ ինձ զգում էի անսահման կարող, ուժեղ և հզօրակամ. բայց հէնց որ ընկնում էի բնաւորութեան տէր մարդկանց որևէ շրջան՝ արդէն իմ ոչնչութիւնս բացայայտ էր ինձ համար: Թողեցի ծխելս, դադարեցի խմելուց և կանանցից երես թեքեցի: Միայն մի քանի ամիս: Այնուհետև վերսկսեցի իմ նախկին կեանքն իւր վիպական արկածներով: Քեզնից առաջ, խոստովանում եմ, կապեր ունեցայ մի քանի կանանց հետ: Ահա մի օր մնաց ուսանողական շրջանիս աւարտման համար և դու վերջին կինը կ'լինիս, որին ես այստեղ մօտիկուց ճանաչեցի: Կերթամ հայրենիք և կապրեմ իմ նախատիպար կեանքով. էլի հօրեղբօրս սիրուն կինը, որին ենթարկուած էի իբրև աշակիրտ, ինձ կառնէ իւր տրամադրութեան տակ: Կամքի ոյժ չունեմ նոր ընթացք ստեղծելու համար: Ես ղեկավարում եմ իմ վսեմաշուք կրքերի օլիգարխիայով. փչացրի մարմինս՝ փչացաւ և հոգիս: Պորապէս համոզուած եմ, որ կեանքում չ'պիտի կարողանամ ինքնուրոյն.

լինել և ինքնօրէն գործել։ Ապրիկար պիտի լինեմ համազումներիս համաձայն կեանք վարելու, անընդունակ պարտքիս զծած շաւղով ազատօրէն ընթանալու։ Հէնց ենթադրենք, Վարեա, Կարող եմ կեանք դուրս գալ և գործել, ի՞նչ պէտք է լինի այդպիսի մի գործունէութեան հետեանքը։ Շատ պարզ և հասկանալի։ Ի՞նչ եմ եղել իբրև ուսանող, որ ինչ լինեմ իբրև կեանքի մարդ, գործիչ։ Ես ուսանողական նստարանի վրայ արդէն ակնյայտնի կերպով ցոյց եմ տուել իմ ինչ լինելու—ոչնչութիւն։ Ես այժմ կարող եմ թուել մի շարք առաքինութիւններ, մի շարք գործեր, որոնց ես ի բոլոր սրտէ համակրում եմ, սիրում եմ և մինչև անգամ յանուն դրանց միշտ և ամենուրեք ճառում եմ ոգևորւած, բայց երբէք խոստովանում եմ, մատ մատի չեմ խփել ոչ մի բան անել, որ քիչ թէ շատ առնչութիւն ունենար իմ ջատագոված առաքինութիւններին և գործերին։ Ի՞նչ անտանելի տանջանք։ Չգալ որ բոլոր գործառնութիւններդ խայտառակութիւններ են, զգալ որ օրէցօր խրուում ես ցեխի մէջ, հասկանալ, որ կան վեհ, մաքուր, զոհ պահանջող գործեր, որոնց պէտք է ծառայիլ և չ'կարողանալ ոչինչ անել,— ահա կսկծեցուցիչ ցաւը։

Երբեմն մտածում եմ. լաւ չէր լինի արդեօք, որ զուրկ լինէի գիտակցութիւնից, գոնէ բուսական հանգստութեան մէջ կ'լինէի վրդովումներից, յոյզերից և դառն կսկիծներից ազատ։ Երեւակայիր, Վարեա, որքան մխիթարութիւն են պատճառում ինձ երազները։ Քնում եմ և ահա երազ. մայիսեան օր է, յորդացած մի գետ հոսում է, մէջը մի խեղդուող, առաջ եմ ընկնում, օղնութեան եմ հասնում, մտնում գետը և ալետանջ, կրակուած ու յուզուած սրտով գոռ ալիքների հետ կռուելով, ուզում եմ հասնել խեղդուողին, բայց իսկոյն զարթնում եմ ձեռքերս ջլածագօրէն փռած, քրտնած և հեալիս... Երազներում ես առասպելական հերոս եմ, առեւծ, ոչ մի խոչնդոտի առաջ կանգ չեմ առնում, վճռական բնոյթ ունիմ, իսկ արթնութեան ժամանակ՝ այս բոլորից յետոյ, դու կիմանաս թէ հա ինչ եմ եղել և ինչ պիտի լինեմ. բայց գիտեա, Վարեա, ես իմ ոյժերս գրեթէ ոչ մի լուրջ գործի մէջ չեմ փորձել. չեմ արել մի այնպիսի բան, որ կարելի լինէր քեզ պատմել և դու տեսնէիր այնտեղ իմ անպէտք ու ապրիկար բնաւորութիւնս։ Սակայն սիրտս, սիրտս վկայում է, որ առանց թանձրացեալ փաստերի էլ՝ ինձ վրայ կարելի է գրել «կորչելու է»։ Ընդհանրապէս մարդու սիրտը սխալ վկայութիւն չէ տալիս, չէ։ Անօրեայ, հասարակ կեանքում իմ հոգուս անգունութիւնը ապացուցող մի շարք մանր-մունր փաստեր ունիմ, բայց դրանք

էլ աննշան բաներ են, պատմել չարժէ։ Այս բոլորը գիտակցելով՝ պարզօրէն զգում եմ, որ փրկուելու հնար չունիմ։ Վարեմ, ես շատ եմ ցանկանում մեր ուսանողութեան մէջ ինձ մի բացառիկ երևոյթ տեսնել։ Ես ուզում եմ բոլորովին մի հակապատկեր լինել ուրիշներին։ Կան մարդիկ, որոնք պակասութիւններ ունենալով ըզձում են այլոց տեսնել թերութիւնների մէջ, որպէսզի իրանք մխիթարուած լինին։ Բայց ես այդպէս չեմ։ Ինքս կամադուրկ լինելով՝ ատում եմ կամազուրկներին, կրքոտ լինելով՝ զրգւում եմ կրքոտներից...

Արսէն

Վերջը միւս անգամ

Տ. ԿՈՍՏԱՆԴԻՆ Զ. ՎԱՅԿԱՑԻ

216. Կոստանդին ծննդեամբ և սննդեամբ կը պատկանի Սսոյ աթոռին բնիկներուն, և հաւանականապէս ինքն ալ եղած է Պօղոսի հակառակորդներէն մէկը: Անստոյգ կը մնան իւր նախընթաց գործերը և կաթողիկոսութիւնը գրաւելուն պարագաները (1429), զորս ենթադրութեամբ միայն կրնանք նշանակել: Թէպէտ իւր կաթողիկոսութիւնը տասը տարի տևեց, սակայն ընաւ իսկ խօսելու նիւթ պիտի չունենայինք, եթէ լատիններուն գումարած Փլորենտիոյ ժողովին մասնակցելու խորհուրդին համաձայնած չըլլար: Կոստանդին բարեկարգիչ Պօղոսի յաջորդելով, և տասը տարի պաշտօն վարելով, և արտաքին յարաբերութիւններ մշակելու ձեռնարկելով, իւր վրայ լաւագոյն տեսութեան կրնայ առաջնորդել, և լաւ ակնկալութիւններ ալ ազդած կ'երևի առաջին անգամ, քանի որ ժամանակակից գրիչ մըն այ գայն իբր իմաստուն եւ խաղաղասէր կը ներկայացնէ (Փիրդ. 95): Սակայն միւս կողմէն հատուկորէ տեղեկութիւններ իւր ժամանակի կաթողիկոսարանը ոգեսպառ դրութեան հասած կը ցուցնեն, և ինքն ալ Սսոյ աթոռին գրեթէ վերջին կաթողիկոսը կը նկատուի, որք նշան են թէ աթոռ ոչ մէկ կերպով օգուտ տեսաւ Վահկացիին պաշտօնավարութենէն: Հետեւաբար մեք ալ նշանակական լուծեամբ պիտի անցնենք իւր գործունէութեան վրայէն:

217. Կոստանդինի ժամանակին քաղաքական կացութիւններն ալ ևս քանզևս վատթարացած վիճակ մը ունեցան: Արևելեան Ասիոյ կը տիրէին Թաթարներ Շահուհի իշխանութեան ներքեւ, իսկ արևմտակողմը կը զօրանային Օսմանեանք, որոց սուլթանն էր Մուրատ Բ: Միջին Ասիոյ երկիրներուն մէջ, Իսքէնտէր և իւր Բարաքօյունլուները, և Օսման ու իւր Աքքօյունլուները կը շարունակէին իրենց արշաւանքները և իրարու դէմ պատերազմները, և պատերազմի դաշտ եղած գաւառներուն աւերումները: Իզուր Իսքէնտէր զինքն Շահի Արմէն, Հայոց Թաղաւոր ուզած էր անուանել, քանի որ Հայոց երկրին տիրապետութիւնը նոյնինքն կոր-

ծանուծով կը կարծէր ձեռք ձգել, և միւս կողմէն ահռելի սովը կը սպառէր պատերազմի մնացորդները (1431): Շահուհ և Օսման երկու կողմերէն Իսքէնտէրի վրայ յարձակեցան, և նոյն ինքն Ջահան կամ Ճիհան, Իսքէնտէրի եղբայրը, անոր դէմ ելնելով Շահուհի յարեցաւ (1435): Իսքէնտէր յաջողեցաւ Օսմանի յաղթել և սպաննել. և հակառակ անոր որդւոյն և յաջորդին Համզայի ընդդիմութեան, ասպատակեց Սեբաստիոյ և խարբերդի կողմերը, և քաղմաթիւ Հայեր գերելով իրեն հետ արևելեան գաւառները տաւրաւ, ուր կը տիրէր Ջահան Շահուհի անունով: Բայց վերջապէս Իսքէնտէր իւր զօրքերէն ալ լքուեցաւ, և իւր Շահուբաթ որդւոյն և իւր կնոջ դաւաճանութեամբ սպանուեցաւ (1437), և իւր մահը ամէնուն կողմէ իւրև նախախնամական գործ մը նկատուեցաւ, և խաղաղութեան ակնկալութիւններ յուսադրեց:

218. Սոյ կաթողիկոսական աթոռն ալ պիտի զգայր անշուշտ այդ աղէտներուն ծանրութիւնը, ներհակընդդէմ մրցողներուն մէջտեղը մնացած ըլլալով, թէպէտև իւր լեռնային դիրքը մինչև աստիճան մը զինքն կազատէր քաղխմանց ցնցումներէն: Արևմտակողման տիրապետող Օսմանցիներ այդ միջոցին սկսան իրենց բանակները դէպ Արևելք քայցնել, օգտուելով Թաթարներուն ու Քուրդերուն դիրար կոտորելէն և տկարացնելէն: Տաւրոսի լեռներուն վրայ կային տակաւին ցրիւ սփռուած մանր իշխաններ, որք ինքնուրոյն վիճակ մը կը պահէին, և զօրաւորագունին հանդէպ երբեմն բարեկամ և երբեմն հակառակօրդ էին, այլ իսպառ նուաճուած չէին: Գարամանի իշխանը, ասոնց դէմ դարձաւ և իւր զօրութիւնը ուղեց ցուցնել այդ մանր իշխանները հպատակեցնելով (1436), այլ որովհետև ուղեց միանգամայն Օսմանեանց ալ դէմ ելնել, ուղիւթան Մուրատ վրան հասաւ, և զինքն հաշտութիւն խնդրելու ստիպեց, և այս կերպով Օսմանեան պետութիւնը սկսաւ իւր իշխանութիւնը տարածել Հայկական գաւառներու վրայ, թէ Կիլիկիոյ և թէ բուն Հայաստանի մէջ (1436): Միւս կողմանէ Հայ իշխաններու վերջին մնացորդ մըն ալ, Պելգին Օրբէլեան, Վրաց դաւաճանութեամբ կը սպանուէր Սիւնիքի մէջ (1438), և այսպէս հետզհետէ կ'անհետանային Հայ իշխանութեան մանր բեկորները:

219. Այդ կացութեան մէջ էր Կոստանդին երբ Արևմտեայց հետ յարաբերութիւններ վերսկսելու ձեռնարկեց: Առջի ժամանակներու մէջ Կիլիկեցիք Արևմուտքի յարաբերութիւնները կը մըշակէին քաղաքական օգնութեան ակնկալութեամբ, որ այլ ևս տեղի չունէր, քանի որ ոչ միայն քաղաքական կացութեան յետին մնացորդներն ալ ջնջուած էին, այլ և վերականգնելու ակնկալութիւնն իսկ անհետացած էր: Կրցաւ արդեօք Կոստանդին, գոնէ երա-

զատես յուսախաբութեամբ կամ թէ անբացատրելի յանդգնութեամբ մը այդպիսի նպատակի մտաբերել: Ոչ մի նշան և ոչ մի հեռաւոր նշոյլ իրաւունք չտար այդ ենթադրութիւնը կազմելու: Մանաւանդ որ Կոստանդին իր կողմէ ինքաբերաբար այդ բանը մտածած չէ, որ ալ Սոոյ աթոռը կամ Հայ եկեղեցին ուղղակի յարաբերութեան գաղափարը յղացած է: Բովանդակ գործը Խրիմի Կաֆա կամ Թէոդոսիա քաղաքի լատինասէր և լատինահպատակ գաղթականութեան կը պատկանի, որ այս կերպով ուզած է փոքրիկ շարժում մը ցուցնել ի շնորհուկս իւր Գենուացի տեարց որոյ ձեռքն էր Կաֆա քաղաքին տէրութիւնը:

220. Լատին եկեղեցւոյ մէջ ծագած պապական հերձուածը առիթ տուած էր շարք մը ժողովներու Բասիլէա և Կոստանդիա քաղաքներու մէջ, որոնք վերջապէս բաժաննալ պապերը դատապարտելով, նոր պապ մը ընտրած էին (1417), որ եղև Մարտինոս Ե: Սա իւր պապութեան տասուերեք տարիներու մէջ պարտաւորուեցաւ հերձուածներուն միացորդներուն դէմ մաքառել, և հրը Եւգինէոս Դ. իրեն յաջորդեց (1431), պէտք զգաց ժողովները շարունակել, որպէսզի համաձայնութիւնն և խաղաղութիւնը ամրացնէ: Պապական հերձուածը վերանորոգուեցաւ, և Փելիքս Ե. հակառակաթոռ ընտրուեցաւ (1437), բայց Եւգինէոս Դ. կրցաւ իւր զօրաւոր դիրքը պահել: Այդ միջոցին Օսմանեանք վերջին նեղութեան մէջ թողած էին Կոստանդնուպոլսոյ կայսրութիւնը, և կայսրն Յովհաննէս Է. Պալէոլոգ սկսած էր յուսալ թէ Արևմտեայց օգնութեամբ կարող է զօրանալ և վերահաս վտանգէն ազատել, և մտածեց նորոգել իւր նախորդներէն Միքայէլ կայսեր դարուկէս առաջ ըրած փորձը Լուզդոնի ժողովին առեմն (1274): Այդ պարագայն կը գգուէր մանաւանդ Եւգինէոսի անձնասիրութիւնը. և կը զօրացնէր նորա կողմը. և իւր դիրքը ամրացնելու համար ուզեց մշակել Յոյներու և ուրիշ արևելեան եկեղեցիներու հետ միութեան խնդիրը: Այդ ձեռնարկը մասնակի արդիւնք ունեցաւ Եւգինէոսի կազմած ժողովին մէջ, որ առաջ գումարուեցաւ Ֆէրրարա քաղաքը (1438), և յետոյ փոխադրուեցաւ Փլորինտիա (1439), ուսկից իւր անունն ալ առաւ: Ինչ որ Յունաց հետ տեղի ունեցաւ զանց կ'ընեմք, և կանցնենք Հայոց հետ կատարուած գործերը պատմել:

221. Եւգինէոս ուզելով Արևելեան եկեղեցեաց միութեան գործը ընդարձակել, յատուկ հրաւիրագիրեր ուղղեց ամէն ազգային եկեղեցիներու, որոնց անունը լսած էր, և հրաւիրագիրերը ցրուեց Արևելքի մէջ գործ և իշխանութիւն ունեցող Իտալական տէրութեանց ձեռքով. որոնց մէջ առաջնակարգ դիրք ունէին

Գեներալները, որք են ռամկօրէն ձինիվիզ կոչուածները: Եւ-
գինէոս Հայերուն ուղղած հրաւիրագիրը յղեց Երուսաղէմի Եսայի
պատրիարքին, որ հաղորդեց զայն Կոստանդին կաթողիկոսին, և
սա ալ դիմեց Ամիդի եպիսկոպոս Նաղաշ Մկրտիչին, զոր ինքն
ձեռնադրած էր իւր առաջին տարին (1430), և որ մեծ վարդա-
պետի և աստուածաբանի համբաւ կը վայելէր, և Աքքօյունլու
փատիշահներուն առջև զօրաւոր զիրք մը կազմած էր: Չեմք գի-
տէր թէ ինչ աշակերտութենէ էր այդ Մկրտիչը, որ թէպէտ իւր
ուղղութեամբ Արևելեայներու կը պատկանի, սակայն անունը ո-
րոշակի նշանակուած չենք գտներ, և կարող չեմք Տաթևացւոյն
համանուն աշակերտներէն մէկուն հետ նոյնացնել: Մկրտիչ Նա-
ղաշ բացարձակապէս մերժեց Լատիններուն մօտենալու կամ ա-
նոնց հետ միանալու կարծիքը, և այս մտքով յատուկ զիր ալ
զրկեց կաթողիկոսին (1436 մայիս 16): Արդմսեհ սարկաւազ որ
շարունակուած խորհրդակցութեանց հաստատուն թղթատարն
էր, Նաղաշի նամակը բերաւ Վահկացիին, որ սոյն գրոյն վրայ
գործը խափանեց, և ոչ իսկ Եւգինէոսի հրաւիրագիրին պատաս-
խանեց: Չեմք գիտեր թէ ուրիշ վարդապետներու ալ դիմեց կա-
թողիկոսը, մանաւանդ որ օրերը նպաստաւոր չէին, և Իսքէնտէրի
ու Գարամանցոց ու Օսմանեանց պատերազմներուն միջոցն էր
(2ամչ. Գ. 474): Այս կողմանէ դժուար չէր Կոստանդինին իմա-
նալ թէ ինչ պիտի ըլլար Արևելեայց պատասխանը, բանի որ շատ
յայտնի էր Տաթևեան դպրոցին կարծիքը, և հարկաւ բաւական
սեպեց Նաղաշին խորհուրդին դիմել, որ նոյն դպրոցին խոհակա-
նագոյն և չափաւորագոյն մի անձն էր: Հարկաւ, երբ նորա բա-
ցարձակ ընդդիմութիւնն ալ տեսաւ, այլ ևս աւելորդ դատեց Ա-
րևելեայ վարդապետներուն դիմել, և լաւագոյն սեպեց խնդիրը
փակել: Այդ կողմէն պէտք է կատարելապէս հաւնիլ Վահկացիին
ընթացքը:

222. Եւգինէոս տեսաւ որ իւր հրաւիրագիրերը ընդունելու-
թիւն չէին գտներ, որով և իւր գործի էութիւնը կը պակսէր,
հարկադրուեցաւ լոկ երևութական ցոյցերով ալ գոհանալ: Յատ-
կապէս նուիրակներ հանեց Արևելքի կողմերը. և Գեներալներու
դիմեց որպէսզի իրենց ազդեցութիւնը գործածեն իրենց եկեղեց-
ւոյն օգտին: Առաջին հրաւէրէն երկու տարի ևս չէր հրաւի-
րագիր մըն ալ հասաւ Վահկացիին, այս անգամ Կաֆայի ազգա-
յիններուն ձեռքով: Յակոբ նուիրակ պապին, Պօղոս հիւպատոս
Գեներալացոց և Սարգիս եպիսկոպոս Հայոց, զատ զատ գիրերով
Կոստանդինը կը յորդորէին, որպէսզի հաճի իւր հաւանութիւնը
տալ, որ իւր անունով պատգամաւորութիւն մը զրկուի Իտալիա

պապին հրաւերին համեմատ: Ինչպէս գործին ընթացքէն կը տեսնուի, միայն պաշտօնական գրութիւն մըն է Կոստանդինէ ուղուածը, մնացածը պիտի կարգադրէին Կաթացի Հայերը, իսկ արտաքին միջոցները պիտի հոգային Գենուացիները: Հարկաւ թելադրած են թէ այդ մօտաւորութենէ վնաս մը չկրնար ծագիլ, զի իրենց ազատութիւնը կրնան միշտ պահել, և եթէ օգուտ մը ծագի, այն ալ բացէն շահ մը կը սեպուի: Մեծագոյն շահ մը կար արդէն, որ Կաթացի Հայեր իրենց Գենուացի տիրապետողներուն առջև աւելի հաճելի եղած պիտի ըլլային: Կոստանդին զիջաւ և համառօտ թուղթ մը գրեց Կաթացի Սարգիս եպիսկոպոսին (1438 յուլիս 25), և անոր հետ գտնուող վարդապետներուն, որ չորս հոգի երթան և խաղաղութիւն և սէր և միութիւն հաստատելու աշխատին, և ինչպէս Գրիգոր ու Սեդրեստրոս, և Տրդատ ու Կոստանդինոս իրարու հետ կոհեցին դաշինս, այնպէս իրենք ալ միաբանութեան պայմանագրութիւն մը հաստատեն (Պալճեան 261): Այդ նամակին բնագիրին վրայ շատ չեմք պնդեր, միայն Կաթայէ Սիս եկող պատգամաւոր Եմանեսիոս եպիսկոպոսի անունը օտարախորթ և անհարազատ կը գտնեմք, և Կոստանդինի գրութեան ուճին մէջ չեմք տեսներ բացարձակ հպատակութեան հոգին, այլ լոկ միաբանութեան և խաղաղութեան փափաք մը: Եւ ոչ իսկ կը յիշուի թուղթ մը կամ դաւանանք մը պապին ուղղուած, այլ լոկ սովորական հրամանագիր մը Կաթացիներուն ուղղուած, որով Կոստանդին պատգամաւոր կը նշանակէ Կաթայի արքեպիսկոպոս Սարգիս վարդապետը, Մարկոս վարդապետը, Թովմաս վարդապետը և Բերիայի Յովակիմ եպիսկոպոսը, որոնք արդէն Որիմի կողմերը կը գտնուէին: Նամակաբեր եղող Եմանեսիոս եպիսկոպոսին անունը չկայ պատգամաւորներու կարգին, և կարի բռնադրօսիկ կը կարծենք Եմանեսիոս և Յովակիմ անունները նոյնացնելու համար ոմանց ջանքը (Չամչ. 475):

223. Կոստանդինի նամակին թուականէն տարի մը ետքը (1439 յուլիս 6) կատարուեցաւ Փլորենտիոյ մէջ Յոյներու և Լատիններու կարծեցեալ միութեան ժողովական նիստը, և կարդացուեցաւ Եւգինէոսի շրջաբերական կոնդակը, և տակաւին Հայ պատգամաւորներ ժողովին եկած չեն: Պապը կոնդակին մէջ կըսէ, թէ ի դուրս հասեալ կան Հայք, որ ըսել է թէ Կաթացի Հայերն ալ շատ չեն աճապարած Իտալիա հասնելու: Յոյներ կոնդակէն յիսուն օր ետքը (1439 օգոստոս 26), Փլորենտիայէ մեկնեցան, և հազիւ վերջին օրը համառօտ տեսակցութիւն մը կրցան ունենալ Հայ պատգամաւորներուն հետ, որով վերջիններ օգոստոսին կէ-

սէն ետքը Փլորենտիա հասած կըլլան: Անկէ մինչև Եւգինէոսի գրած Հայոց հրահանգին թուականը (1439 նոյեմբեր 22) երեք ամիս ևս անցած է, և այդ միջոցին Եւգինէոս պարտաւորութեամբ զբաղիլ, Բասիլէայի ժողովին իրեն դէմ տուած վճիռով և Փեղիքս Ե. մրցակից պապին գործերով, իսկ Հայոց համար յատուկ անձեր որոշեց, որ պատգամաւորներուն հետ բանակցին և միութեան կէտերը որոշեն: Այդ բանակցութեան արդիւնքն եղաւ, Եւգինէոս Դ. պապին Հրահանգ առ Հայս կոչուած կոնդակը, և համառօտ յայտարարութիւն մը, որով Հայ պատգամաւորներ կընդունին այդ հրահանգը, յանուն մեր եւ յանուն մեծի կաթողիկոսին մերոյ եւ ամենայն Հայոց (Չամչ. Դ. 481): Յայտարարութիւն մը որոյ ոճն իսկ, ըստ ամենայնի լատինական, կը ցուցնէ թէ Հայոց ինքնաբերաբար յայտարարութիւնը չէ, այլ ուրիշէ պատրաստուած ձևի մը համակերպութեան արդիւնքն է: Այդ հրահանգէն ամիս ևս ետքը (1439 դեկտեմբեր 15), դեռ Հայ պատգամաւորներ կը գտնուին Փլորենտիոյ մէջ, և Եւգինէոս Դ. յատուկ գրութեամբ կը պատուիրէ Կաֆայի Գեոուացիներուն, որ չարգելեն Սարգիսի Հայոց վրայ ունեցած իրաւասութիւնը, չանարգեն նորա եպիսկոպոսական պատիւը, չկրկնեն Հայոց մկրտութիւնը, և այլն: Պատգամաւորներ խաչերու և մասունքներու նուէրներ ալ ընդունելով Փլորենտիայէ կը մեկնին նոր տարւոյն մէջ (1440): Դիտելու արժանի է որ այդ գործողութեանց կարգին, Եւգինէոսի կողմանէ ոչ մի գիր, ոչ մի նուէր, և ոչ մի յիշատակ չկայ Հայոց կաթողիկոսին ուղղուած, որով պապին գործողութիւնները իրեն և Հայ եկեղեցւոյն միջև կատարուած չեն, այլ պարզապէս Գեոուացւոց հպատակ Հայ գաղթականութեան հետ:

224. Այդ եղելութեան մասին գտնուած պատմական տեղեկութիւններ, ասկէ անդին չեն անցներ: Հայ պատգամաւորներ, ինչպէս ուղղակի Կաֆայէ եկեր էին, այնպէս ուղղակի Կաֆա կը դառնան, և ինչպէս իրենց առած ընծաները, նոյնպէս իրենց յանձնուած հրահանգն ալ Կաֆա կը տանեն, իսկ Հայոց աթոռն ու կաթողիկոսարանը, ոչ կը տեսնեն և ոչ ալ կիմանան այդպիսի գրութեան մը գոյութիւնը: Հոովմի հետ ալ հաստատուած միութիւնը, Կաֆացի Սարգիսին և իր ընկերներուն, և առ առաւելն Կաֆացի Հայերուն շրջանակէն անդին անցած չէ, որ կարող լինէինք անոր որևէ ծանրակշռութիւն մը տալ, և իրաւունք ունենայինք անոր արդիւնքն ու ընդարձակութիւնը քննել: Հոովմէական Հայեր, և մանաւանդ վերջին դարերու գրողներ, այնպէս կուզեն ներկայել Փլորենտիոյ ժողովին անունով եղած

գործողութիւնը, որ իբր թէ վճռական օրէնք մը ըլլար Հայոց եկեղեցւոյն համար, և արդարացնէր իրենց ընթացքը: Անոնցմէ մէկն ալ (Ըստկարեան 247), իզուր Մարկոս եփեսացի մը կը փնտռէ, որ Հայոց կողմէ աշխատէր մաքառել Փլորենտինայի վրէժիւններուն ոյժը ջախջախել, ինչպէս Յունաց մէջ տեղի ունեցաւ: Դժբախտաբար, Հայոց մէջ եղածին յիշատակն ալ չկայ, որ աւրող մը փնտռենք, պաշտպանող մը չկայ որ ընդդիմադիր մը հարկ ըլլայ գտնել: Արդէն ցուցուցինք Վահկացի կաթողիկոսին գործածած ընթացքը: Առաջին հրաւերին վրայ կը խորհրդակցի, և հեղինակութիւն ունեցողի մը կարծիքն ալ բաւական կը սեպէ, հրաւերը մերժելու և միութեան գաղափարը հեռացնելու: Երկու տարի ետքը քանի մը վարդապետներ Գենուացի տիրապետողներուն ճնշման կամ ազդեցութեան ներքե կերթան Փլորենտինա, և իրենք իրենց կողմէն կը խօսին, կը ստորագրեն և կը դառնան իրենց տեղը: Կաթողիկոսին կողմանէ պաշտօնական գրուած մը, և կաթողիկոսին ուղղուած ժողովական գիր մը, բնաւ իսկ տեղի ունեցած չեն: Կոստանդինի նամակ մը կայ, բայց ոչ առ պապն այլ առ Կաֆացիս գրուած, և որոյ բոլոր վաւերականութիւնը եմանեսիոս նորահնար անունէն աւելի հիմնաւոր չէ և թերեւ բոլորն ալ ճարտար հնարագիտութեան արտադրութիւն (emanation) մըն է: Հետեւաբար չեմք ալ բացարձակօրէն ընդունիլ թէ Կոստանդին այսպիսի արտօնագիր մը տուեր է, բայց եթէ տուած ալ ըլլար, քանի որ առանց ժողովի և առանց եպիսկոպոսական դատու և առանց իւր եկեղեցւոյ, անձնապէս միայն այսպիսի կենսական գործի մը կը միջամտէ, եկեղեցական կանոնաց համեմատ, օրինաւոր գործ մը ըրած չըլլար, և իւր գործը Հայ եկեղեցւոյ համար գորութիւն չունենար: Մեր եկեղեցւոյ յիշատակաց, պատմութեանց, աւանդութեանց և գործոց մէջ Փլորենտինոյ գործողութենէն նշանախնց իսկ չկայ, որ կարենանք անոր համեմատ կարծիք մը յայտնել: Մեզի համար չեղեալ բան մըն է:

225. Իբր հետաքրքրական պարագայ աւելցնենք, թէ Եւգինէոս Դ. պապին վերոյիշեալ հրահանգը, կամ Յնծացէր առ Աստուած, Exaltate Deo կոնդակը, իւր պարունակութեամբ և զանազան հանգամանքներով մեծ խնդիրներու ենթարկուած է նոյն իսկ լատին եկեղեցւոյ աստուածբաններուն կողմէն: Նախ կը վիճեն թէ այդ պաշտօնագիրը ժողովական է, թէ ոչ, և ողջամիտներ Յունաց հետ տեղի ունեցած նիստէն (1439 յուլիս 6) ետքը գործուածները ժողովական և իբր ընդհանուր ժողովոյ գործ չեն ընդուններ: Երկրորդ կը վիճեն, թէ վճիռ է՞ արդեօք, թէ ոչ պարզ

հրահանգ մըն է այդ գրուածը, որուն պարունակութիւնը այնպիսի կէտեր կը շօշափէ, և այնպիսի թերութիւններ ունի, որ վրձիռի մը չեն կրնար յարմարիլ: Մինչև ցայժմ ալ հրահանգ անունը կը տիրէ, և ամէնէն նախանձայոյզներն ալ Վճռահրահանգ (Decretinstruction) կոչումէ աւել չեն տար: Երրորդ նկատողութեան կառնուի, թէ խորհուրդներու վարդապետութեան մէջ նշանաւոր թերութիւններ կամ սխալներ կը պարունակէ, զորօրինակ, թէ դրոշմի և թէ քահանայութեան համար ձեռաց գրութիւնը զանց ընելով, լոկ օծման կամ գործիքի տուուչութեան պարագայն խորհուրդին համար էական և բաւական կը սեպէ, ինչ որ նոյն իսկ հռոմէականաց վարդապետութեան հակառակ է: Վերջապէս դաւանական և ծիսական և բարեկարգական կէտերը իրարու խառնելով, և ամէնքը մէկ շարքի վրայ դնելով, և ամէնուն նոյն կարեւորութիւնը տալով, հաւատոյ և եկեղեցւոյ դրութիւնը կը շփոթէ: Եւգինէոսի հրահանգին պարունակութիւնը քաղել աւելորդ կը սեպենք, քանի որ նորութիւն մը չունի, և ինչպէս տեսանք, կարեւորութենէ զուրկ գրութիւն մըն է:

226. Կաֆացի պատգամաւորներ երբ իրենց տեղը դարձան, իմացան թէ Կոստանդին վախճանած էր իրենց Փլորենտիա եղած ատեն (1439), թէ և թուականը չենք կրնար ճշտել: Եթէ պինդ բռնենք Մեծոփեցիին ընդհանուր խօսքը (Կոստ. 55), պէտք է կարծել թէ սա ևս դեղակուր սպանուած վեց կաթողիկոսներէն մէկն է: Իսկ այլուր կըսէ թէ Տէր Կոստանդին կաթողիկոս Սոյ զնացաւ Աստուած (Կոստ. 63), և նոյն իսկ այս կէս հեգնական բացատրութեան մէջ կը տեսնուի նոյն դժպիսի ենթադրութիւնը: Կոստանդինի անմիջական յաջորդ կը նշանակուի Յովսէփ մը, զոր Դավրիթեցին (Առաքել 336) և Երևանցին (Ջամբու. 17) ընդունած են կաթողիկոսաց շարքին մէջ, այլ մեք պիտի չհամաձայնինք: Մեծոփեցին, որ ժամանակակից է, կըսէ թէ Կոստանդինի մահունէ ետքը Գրիգոր անուն եպիսկոպոս մի ղնեն կաթողիկոս (Կոստ. 63), և չուզեր ընդունել Յովսէփը: Միւս կողմանէ զանազան յիշատակարանք (Ջամջ. Գ. 485 և Փիրդ. 119), միևնոյն տարւոյն համար կը նշանակեն ի հայրապետութեան Լուսաւորչին իմացնելով թէ կաթողիկոսական աթոռը օրինաւոր գահակալ չունէր: Յովսէփի համար կըսուի թէ պարզ երէց մըն էր, որ ձեռներէց եղաւ կաթողիկոսական աթոռը գրաւել, թէ հպիսկոպոս չէր և չեղաւ, և թէ չկրցաւ կաթողիկոսական օծում ստանալ, և իսկոյն մերժուեցաւ: Արդէն Կոստանդինի մահուան տարին չելած, Գրիգոր իբր կաթողիկոս կը յիշատակուի (1439 նոյեմբեր 7), հեռաւոր Խրիմի

մէջ (Փիրդ. 119). Այդ ամեն տեղեկութեանց վրայ հիմնուելով արժան չեմք տեսներ Յովսէփ Գ. անունը ընդունել մեր կաթողիկոսաց գաւաղանագրութեանց մէջ: Յովսէփը պարզապէս մերժուած ըսինք, և զգուշացանք սպանուած կամ մեռած ըսելէ, վասն զի այլուր կը գտնենք, թէ նոյն իսկ Գրիգորի կաթողիկոսանալէն իտքը, և աթոռին էջմիածին փոխադրուելէն յետոյ, Յովսէփ մը կայ տակաւին, որ կաթողիկոս ըլլալու ձգտումներով կը յուզուի, և բարեկամներ իսկ կունենայ, որ զինքն իբր կաթողիկոս կը յիշատակեն (Սիսուան 218):

ՄԱՂ. ԱՆ. ՕՐՄԱՆԵԱՆ

ԷՊԴՐ ԱԼԼԵՆ ՊՅ

Եթէ անցեալ դարի սկզբներում բօսեակութիւնը քաղաքացիութիւն վայելէր, Պետերբուրգի բօսեակները կարող էին պարծենալ իրենց բախտակից հանճարեղ բօսեակ էդգարով, որը ամբողջ Եւրօպան թափառելուց յետոյ Ռուսաստանի մայրաքաղաքում էր իր հանգիստը փնտրում: Դուք էլ զարմանալի թուայ, որ այն թափառաշրջիկը մի կիսագնդից անցիլ էր միւսը առանց որոշ նպատակի՝ միմիայն թափառելու. իսկ ինչո՞ւ էր թափառում. ինչո՞ւ նա դեռ 18 տարեկան հասակում թողեց Ամերիկան և ուղեւորուեց Յունաստան՝ գիտութիւնների և գեղարուեստի կլասսիկ հայրենիքի ազատութեան համար կռուելու: Բայրօնը նոյնպէս, ճիշտ է, կռոււմ էր այդ մարտիկների շարքում, բայց զօրուար թէ Պօի վարմունքի շարժառիթները նոյնը լինէին, ինչ թափառաշրջիկ «Չարլզ Հարոլդին»: Փոթորկալից կեանքը, պատերազմի սարսափները հարկաւոր էին Պօին աւելի սարսափելի փոթորիկը խլացնելու համար, փոթորիկ, որը եռում էր նրա հոգում: Արկածալից կեանքը սկսուել էր հէնց արկածներով. երեք տարեկան էդգարի հայրը մեռնում է ալկօհօլից, մայրը թոքախտից և փոքրիկը մնում է քաղցած մերկ. հարուստ ամերիկացի Ալլէնը վերցնում է այդ բախտահալածին և խնամում հայրաբար, վերջում տեղաւորում է նրան զինուորական դպրոցում. բայց իր անհաստատ բնաւորութեան շնորհիւ 20 տարեկան հասակում արդէն ամեն բան թողած (և համալսարանից արտաքսուած) թափառում է, և այդպէս շարունակում մինչև կեանքի վերջը: Նրա խռովայոյզ հոգին ոչ մի տեղ հանգստութիւն չէր գտնում. մայրական կաթի և հայրական գգուանքների հետ նա ծծել էր ալկօհօլի թոյնը, որի շնորհիւ հարուստ հոգու տէր մարդը երբեմն ընկնում, այնպիսի ոճիկների ընդունակ էր դառնում, որ սարսափելի էր տեսնել նրա մէջ, ծայրայեղ ալկօհօլիկը միշտ ապրից և զարգացաւ էդգարի մէջ: Վիլեամ Վիլսօնի մէջ իւր հերոսի բերանով պատմում է, թէ ինչպէս մի շաբաթ ամենագեղիս կեանք վարելուց յետոյ գիշերը իր մօտ

օրգիա է սարքում, որտեղ գինին հոսում էր գետի պէս, և միւս անառակութիւնները ևս չէին մոռացուած:

Պօի թշուառ գոյութիւնը մի փայլուն շրջան ունի միայն. այդ նրա ազգակցական ամուսնութիւնն է իր կուզէնի 14-ամեայ Վիրգինիայի հետ. Վիրգինէն ապրում էր իր մօր՝ միստրիս Կլեմմի մօտ. ահա այս երկուսի ընտանիքում օթեան է գտնում և էդգարը, կազմելով նրանց փոխադարձ մխիթարութիւնը և ուրախութիւնը: Բախտաւոր էր այս փոքրիկ ընտանիքը. բարեսիրտ, առաքինի մայրը՝ Վերին աստիճանի հոգատար վերաբերմունք էր ցոյց տալիս դէպի փեսան, միջնորդում էր նրա և հրատարակիչներին մէջ, սրանցից փող էր վերցնում և հոգում ընտանիքի կարիքները և երբեմն իր հարբած փեսային անզգայ դրութեան մէջ տուն էր բերում: Վիրգինէն մի չքնաղ, հրապուրիչ արարած էր և շնորհալի երգչուհի, և Պօն նրան սիրում էր անզուսպ սիրով, այնպէս ինչպէս Դանտէն Բեաթրիչէին, Պետրարկան՝ Լուարաին կամ Ռաֆայէլը Ֆօրնաբինային: Ափսոս սակայն, որ Վիրգինէի դեռատի կեանքը թունաւորուեց թոքախտով և մի երեկոյ էլ սոսկալի կատաստրօֆը լռեցրեց երգչուհուն, և այնուհետև նա սկսեց խամրել ու թաղամել. Պօն խելագարւում էր՝ զգալով ամուսնու մօտալուտ մահը... մի երեկոյ նրա զրկի մէջ Վիրգինէն անշնչացաւ և Պօի համար ընդմիջտ կտրուեց այն թելը, որ նրան կապում էր կեանքի հրէշային քաօսի հետ: Ասում են, որ Պօն ինքը Վիրգինէի վաղաժամ մահուան պատճառը դարձաւ, որպէսզի առիթ ունենայ գրելու գերազգայուն էլիգիաներ: Այս բանն է յիշում ընթերցողը, երբ կարդում է Պօի «Ձուռնիկ պատկերը», որտեղ երիտասարդը իր կնոջ կեանքի փնով ստեղծագործեց այն հոյակապ նկարը, որը իր հրճուանքի և փառքի աղբիւրն էր. բայց նա չէր ուզում տեսնել կտաւի վրայ կաշող ներկերը, վերցնում էր իր կնոջ երեսից, երբ պատկերը պատրաստ էր և նկարիչը բացականչեց «ճիշտ որ՝ սա հէնց կեանքը ինքն է» նկատեց, որ կինը անշնչացած էր: Ինչ էլ որ լինի Վիրգինէի մահով Պօն միանգամայն կորցրեց իր հաւասարակշռութիւնը և դարձաւ դեկը կորցրած մի նաւ. այնուհետև նա շատերի մէջ փնտրեց իր սիրոյ արձագանքը, շատերին էր ուզում հաւատացնել իր անկեղծութեան մէջ, նա մտադիր էր նոյն իսկ ամուսնանալ այդպիսիներից մէկի հետ, բայց ակօհօլի վերջին հարուածը խորտակեց նրան. մի օր Պօին գտան անղգայ-հարբած՝ սալտակների վրայ. բերին հիւանդանոց, բայց նա գիտակցութեան չեկած մեռաւ:

Պօին անուանել են մոլորակ՝ առանց ուղեգծի և շատ յարմար է նրան այս կոչումը. Պօի ուղին կարելի էր որոշել միայն

այն ձգտմամբ, որով նա դիմում էր անըմբռնելի աշխարհներին. նա կարծես այս ուշալ պայմանների և երևոյթների ծնունդ չէր, այլ բաղկացած էր մի առեղծուածային զանգուածից, որի իւրաքանչիւր տարրը ձգտում էր դէպի մի անիմանալի աշխարհ: Իր այդ արտակարգ հոգեկան կառուցուածքի արդիւնք են և նրա արտակարգ զգացողութիւնները և տպաւորութիւնները. Պօի ստեղծագործութիւնները մեծ մասամբ բեֆլէկտօր ոյժերի արդիւնք են, նա ստեղծում էր իր կամքին հակառակ, որովհետեւ մի տեսակ օրգանական պահանջ էր զգում այդ բանին. Պօն նախազգում էր զգացածը-վերլուծածը և գիտակցում էր իմացածը—ստեղծածը: Ահա թէ ինչու Պօին կարելի է համարել բոլորովին ինքնուրոյն, ազդեցութիւնից զուրկ մի գրող, իսկ իբրեւ մարդ՝ մի առանձին, ալիօօլիկ խառնուածքի տէր:

Տարբերային զգացողութիւններ, հալիւցինացիա, սարսափ, յուսահատութիւն—ահա Պօի էութիւնը և զգացողութիւնը: «Ոգևորութեան» բոլէներին չէր Պօն յանձնում այդ զգացմունքներին, այլ միշտ էլ՝ ընդհանրապէս՝ Պօն լինքն էր այդ գառանցողը, ինքն էր մարմնացած սարսափը, յուսահատութիւնը, և ինքն էր այդ հրէշների զոհը: Զարմանալի բան է, այս մարդը չի ճանաչում սովորական տպաւորութիւններ, նրա հերոսները սովորական սէր կամ իղձ չեն արտայայտում, այլ բուն կատաղի կրքեր, որոնք տանում են միշտ դէպի վաղահաս բայքայում և ոչնչացում: Սովորական թախիծ չէք գտնիլ նրա մէջ, այլ մի ծովացած, ողբերգական մեղանխօլիա, որ իր խորութեամբ սարսափեցնում է մարդու:

Նայեցէք այս մարդու պատկերին և դուք որոշ ոչինչ չէք եզրակացնիլ. ալիօօլիկի արտայտութիւն, բայց որպիսի նուրբ դիմագծեր, որպիսի քնքոյշ թախիծ ու յուսահատութիւն աչքերի մէջ, և այս բոլորը քողարկւում է մի գաղտնի խորհրդաւորութեան տակ, որը անզօր ենք մենք ըմբռնելու: Պօն ունի մի պատմուածք, որ լոյս է տեսել իր մահից յետոյ. այդտեղ նա պատմում է իր թափառումները անդրգրեքեզմանային սահմաններում: Կարդում ես և չես հասկանում, արդեօք միստիֆիկացիա է սա թէ իրականութիւն՝ Պօի տեսակէտով իհարկէ: Ինչ էլ որ լինի, սակայն, սարսափում ես, երբ հեղինակի հետ զգում ես դու գերեզմանների սառն բուրմունքը և երեսիդ թափուող հողակոշտերը, այնպիսի բնական սարսափ է շնչում այդ տողերից. ասենք Պօն միշտ մի անցողական դրութեան մէջ էր գտնւում, միշտ մի թափառական էր այս գերփորձնական կեանքի շրջանում:

Շատ ձիշտ է նկատած, որ Պօին հետզհետէ աւելի լաւ են հասկանում յաջորդող սերունդները, որովհետեւ ներկայիս նեար-

դայնացած հասարակութիւնը իւրաքանչիւր տասնեակ տարուայ ընթացքում ծնում է իւր տրամադրութիւնների հարադատ թարգման Մետերլինկ, Դոստոևսկի, Նիցշէ. նրանց դաւանած սիմբոլիզմը և էստէտիկան և՛ մեր դաւանանքն է: Պօն իր երկերով արդէն միանում է վերոյիշեալ պլէնադային: Որպիսի՜ հոգեկան համապատասխանութիւն «Կոյրերի» հեղինակի (Մետերլինկ) և «Ազաւախ» հեղինակի մէջ: Սիմբոլիզմի հիմնադիր համարուող Բոդլէրը կամ աւաւանուր Մեյլարմէն Պօից յետոյ միայն կարող էին «չարութեան ծաղիկներ» ստեղծագործել, երբ ծանօթանալով Պօի հետ՝ մարմնացրել էին իրենց մէջ էդգարեան պօէզիայի փիլիսոփայական սուրաստանքը:

Իր գրութեաններում Պօն գեղեցիկ կերպով նկարագրում է այն պայքարը, որ կատարւում էր ալկօհոլիկի, անառակի և միւս կողմից հոգեկան կատարելութեան ձգտող հարուստ ոյժերի տէր անձնաւորութեան մէջ. գեղեցիկ է Վիլեամ Վիլսօնի վերջաբանը, երբ մարմնացած խիղճը դիմում է նրան՝ ասելով. «Դու յաղթեցիր, իսկ ես մեռնում եմ. բայց այս ըոպէից սկսած դու էլ մեռար՝ մեռար աշխարհի համար, երկնքի և յոյսի համար: Իմ մէջ էիր դու ապրում, իսկ հիմա դու իմ մահուամբ տեսնում ես՝ թէ ինչպէս վերջնականապէս ինքդ քեզ սպանեցիր:

Սեղճ մարդ. Պօի կամ Գոգօլի պէս հանճարները խղճալի են դառնում, երբ անգոր են լինում իրենք ընթացք տալ սեփական հոգու պայքարին, և տառապում ու դեգերում յուսահատութեան, թախիծի ճանկերում: Գոգօլի համար ասողներ կան, որ „Нос“-ի կամ „Вид“-ի նման պատմութեանները գրում էր իր մաղձը ցրուելու համար: Երևի Պօն էլ այդպիսի ինքնամոռացութեան միջոց էր ճանաչում իր երկերը: Ի հարկէ այսպիսի խճճուած հիւսուածք ունեցող երկերի հեղինակը ամբողջապէս կլանուելու էր իր գրութեաններով: Մենք, սոսկ ընթերցողներս նոյն իսկ տարւում ենք Պօին կարգալիս. վերցրէք պատանեկական «Ոսկի բզեզը», վերցրէք «սպանութիւնը» և կը տեսնէք՝ ինչպիսի կարևոր մանրամասնութիւններ, վարպետօրէն իրար շաղկապուած: Այս բարդութեան կողմից մարդ յիշում է «Սոլմսի արկածները», չնայած որ վերջիններս զուրկ են դադափարականութիւնից և չունեն առանձին գեղարուեստական արժէք:

Պօի որ գրութեանն էլ որ վերցնես, կը գտնես մի ընդհանուր մօտիւ. սարսափ, անխուսափելի մահ, քայքայում: Բրազօլինկօի ասածի պէս Պօի պօէզիան յանդուգն է ու յանցագործ, որովհետև նա խլում է ընթերցողներից մէկի հաւատը, միւսի յոյսը. երրորդից յուսահատութեան բողբոջ է դուրս կորզում, չորրորդից

սարսափի ու ցաւի մի ճիշտ: Ոչ մի սրբութիւն չի թողնում, ամեն ինչ քայքայում, քանդում, ոտնատակ է տալիս: Բայց եթէ սրբութիւնները ոտնահարողին մենք նինգ սրբապիղծ ենք անուանում, այդպէս չենք անուանիլ Պօին, քանի որ նա ինքը խորապէս տանջւում ու տառապում էր այս դատարկութիւնից ու անհաւատութիւնից: Իսկ սարսափները, ինչ ծանր գնով էր նկարագրում դրանց. «Կարմիր մահուան դիմակը» կարդացողի մէջ սարսափը աճում է հետզհետէ և հասնում է սոսկումի երբ ժամացոյցը խփում է 12. մօտենում է ժանտախտի ուրուականը, պրինց Պրօսպէրօն չի ուզում յանձնուել նրան, թափահարում է սուրը, բայց իզուր, մահը անխուսափելի է, նրան էլ է ճանկում: Եթէ ուզում էք ճանաչել մահուան ու թախծի կամ մոռացութեան անխուսափելիութիւնը, կարդացէք Պօի «Ագռաւը». ահա այդ պօէմից մի պատկեր Բալմօնտի խօսքերով.

„Удались-же дух упрямый! Быть хочу один всегда!

„Винь свой жесткий клювь из сердца моего, гдѣ скорбь-всегда!“

Կարկռւ Վորոն:

„Никогда!“

Երբէք! (Never more) այս յուսահատական կանչն է, որ շարունակ լսում է սև-ագռաւից, երբ ինչպէս ինքն է գրում՝

«Երբ էր մի օր կէս գիշերուայ սև ժամերին հոգետանջ հին փոշեպատ հատորները քրքրում էի կիսարթուն ..

Ներկայ սիմօլիզմի ամենափայլուն արտայայտութիւնն է «Ագռաւը» պօէման. մի քնքոյշ թախծով ու յուսահատութեամբ է ճարակւում ընթերցողի սիրտը, երբ համոզւում է, որ հիասքանչ գեղեցկութեան հակադրւում է անողորմ մահը, երբ մտածում է, որ ամեն ինչ վաղաժամ քայքայւում, ոչնչանում է. հէնց սկզբի տողերը տրամադրում են ընթերցողին մի վատ բան գուշակելու, երբ սև գիշերուայ խորհրդաւոր լուծիւնից յետոյ, մենաւոր սգուորովանելով իր խօլ մտքերը, իսկոյն բացում է փեղկերը

(և ահա ինչ է տեսնում)

Հին օրերի սև ժառանգը, սև-ագռաւը երևաց.

Ասես լօրդի հպարտութեամբ, և թեքի դանդաղ շարժմամբ

Անցաւ դատարկ խցիս միջով՝ դռան վերև ամրացրած

Պալլադայի գեղ կիսանդրին իրեն կայան էր ընտրած.

Այնտեղ բազմեց վեհապանծ:

Սև ագռաւը—դատարկ խցում, Պալլադայի հրաշապեղ ձիւնափայլ արձանի վրայ. ինչպիսի կօնտրաստներ... Խնչ-լաւ բան կարելի էր սպասել այս պարագաներում. Սև մարգարէի երևոյթը

միայն բառական է, որ մարի ամեն մի յոյս և բացարձակ ժըլտումը տիրէ:

«Ազոաւը», իբրև սիմօլիզմի կատարեալ տիպար, մի սքանչելի կողմ էլ ունի. հնչիւնների և գոյների զուգադրութեամբ, արտաքին, նոյն իսկ պրօզայիկ առարկաների նկարագրութեամբ նա տալիս է ընթերցողին հեղինակի բուռն զգացմունքները, զօրեղ տրամադրութիւնները:

Ясно помню... ожидания... поздней осени рыдания...

И в каминѣ очертанья тускло тлѣющих углей...

կամ՝

И завѣс пурпурных трепет, издавал как будто лепет

Трепет, лепет, наполнявшій темным чувством сердце мнѣ

կամ վերջապէս՝

И сидит, сидит злобѣщій ворон черный, Ворон Вѣщій,

С бюста блѣднаго Паллады не умчится

Никогда...

Այսպիսի բնավորութեամբ կտորներ կան և ուրիշ գրութեաների մէջ. ահա և մի ուրիշ հատուած, որտեղ Պօն բառերի միջոցով արտայայտուած է զանգերի հնչիւնը, մերթ մեղմ ղօղանջիւնը, մերթ ահեղ և գոռացող, մերթ կաշկանդող և կանչող, մերթ մօայլ ու խորհրդաւոր:

Факел траурный горит,

С колокольни кто-то крикнул, кто-то громко говорит,

Кто-то черныи там стоит,

И хохочет и гремит,

И гудит, гудит, гудит.

К колокольнѣ припадает,

Гулкій колокол качает,—

Гулкій колокол рыдает,

Стонет в воздухѣ нѣмом—

И протяжено возвѣщает о покоѣ гробовом.

Ինչպիսի երաժշտութիւն, ներդաշնակութիւն, ինչպէս զգուշութեամբ և տեղին են գործածած բառերը. գուցէ թարգմանութիւնով չի կարելի ճիշտ գնահատել այդ կողմերը. Պօն վերաբերմամբ այդ ճիշտ է, միայն յօգուտ դարձեալ Պօն. անգլիներէն իմացողները վկայում են որ Պօին չի կարելի թարգմանել. թարգմանութիւնը միշտ ճապաղ է թւում բնագրի մօտ: Անգլիական լեզուի ժլատ ձևերով Պօն հրաշալիքներ է արտադրել: Պօն կտրուկ, սեղմ ոճը, առնական կորովը և որոշութիւնը միմիայն իսկականում է

ՆՈՐԱԳՈՅՆ ՊԱՏՄԱԳԻՏՈՒԹԻՒՆ ¹⁾

ՀԻՆԳ ԴԱՍԱԽՕՍՈՒԹԻՒՆ

ԿԱՐԼ ԼԱՄՊՌԵԽՏԻ

IV

ԸՆԴՀԱՆՐԱՊԷՍ ԿՈՒԼՏՈՒՐԱԿԱՆ ԺԱՄԱՆԱԿԱՇՐՋԱՆԻ
ՀՈԳԵԲԱՆՈՒԹԵԱՆ ՄԱՍԻՆ

Մի անգամ էլ համառօտ գծերով առաջ բերենք այն հոգեկան ընթացքը, որի մասին նախկին ժամում խօսեցինք մանրամասնօրէն, չափապէս անցման ժամանակների մասին մինչև գերմանական կուլտուրայի նորագոյն ծաղկած ժամանակը:

Տեսանք ինչպէս 1850-ից մինչև 1880 թ-ը ապրող սերունդների համար անժանօթ կամ առնուազն անսովոր զրգիւների ահագին խումբ առաջ եկաւ, տեսանք, թէ ինչպէս սրբանց հոգիների համար դժուար էր այս նոր պահանջներին իրենց գոյութեան ընթացքում տէր դառնալ: Սկսուեց մի աստիճան, երբ նորի ոչ այնքան էլ մեծ թափը կարելի էր հնի հետ հաշտեցնել. առնուազն միայն մի խումբ աչքի ընկնող անձինք կարողացան այս անել: Սրա հետ միասին ընդարձակ շրջաններում արժէք են ստանում խառն զգացումները. տարածւում է որոշ զգայնութիւն. բազմանում են յուետեսական և միաժամանակ հումօրիստական տրամադրութիւնները: Զարգացման երկրորդ շրջանը առաջ բերեց նոր ապաւորութիւնների այնպիսի մի դժ, որ այս խառն դրութիւնը անչայտացաւ: Տեղի ունեցան խիստ չարժանկումներ, բնութեան մէջ կորաւ մարդը, սովորական մտապատկերների մէջ առաջ եկաւ աններդաշնակութիւն, ծղոտումների, կամեցողութեան և ընդհանրապէս զգացումների մէջ անապահով դրութիւն անձնաւորութեան համար գերիշխող:

¹⁾ Լուծայ № 4

ոյժը կորաւ. հոգիները անձնատուր զգացումների, մտապատկերների, զուգորդութիւնների և սրանց ամբողջ դրութիւնը մինչև այժմ անձանօթ ձևերին: Այս անձանօթ ձևերը մինչև այժմ ունեցածների համեմատութեամբ շերտաւորուած էին և մասամբ հոգեկան գոյութեան պնդիսի շրջան լայտնագործեցին, որը մինչև այժմ դիտակցութեան սահմաններից դուրս էր մնացել: Խիստ զրգուժան ժամանակ էր, երբ սկզբում ազգի միայն մի մասը տարուեց դրանով և նկատուեց իրրե հիւանդագին, նեարդային մի դրութիւն: Սակայն շուտով այս դրութիւնը ընդհանուր դարձաւ, որքան վերջինս տնտեսական հաղորդակցութիւն ու սօցիալական կեանքից առաջ եկած գրգիռների ընդհանրութեամբ էր պայմանաւորուած և վերջապէս նկատուեց իրրե զարգացման անհրաժեշտ ընթացք: Նեարդային խօսքի տեղ բռնեց մի նոր լատուկ դրութիւն, որի համար կազմուեց զրգուռող խօսքը: Այս անցման և սրա դիտակցութեան մէջ պարզ արտայայտուեց, որ ժամանակի սօցիալական ոգուն առաջնորդող հոգիները արամադիր չէին նաև այդ զրգուռող դրութեան ինչպէս նա կար իւր բնական, քայքայող ազդեցութեամբ, ենթարկուել: Երբ ըմբռնեցին այս դրութիւնը պարզ թէ միայն բնազդաբար, պատարասութիւն լայտնեցին դիմադրել: Հոգեկան մի նոր միջուկի կազմուելը, անձնաւորութեան համար մի նոր զերակշռող ոյժի կազմուելը, առաջ եկաւ նոր, գոյութիւն ունեցող գրգիռների զուգորդութիւնների, ձգտումների ու զլացմունքների ազդեցութեան տակ: Մարդը նորից բարձրացաւ իբրե իւր համար եղած լանկարծակիների իշխանաւոր. հոգեկան նոր ժամանակի իդիալիստական շրջանն սկսուեց:

Ըստ ինքեան ինկատի ունենալ այս դէպքը, սրա անհատական ընթացքը, ամեն մի աստիճանը շատ հետաք թիր է: Սակայն սրա հիմնական հոգեկան պատճառները, հոգեկան մկանների ու շղերի ցանցը բացատրեցինք ոչ այդ նպատակով. աւելի հետաքրքիր է այն, որ աւելի լաւ դիտելու դէպքում, այս մկանների ու շղերի ցանցի մէջ նկատուում է մի որոշակի ընթացք, որով կուլտուրական ժամանակաշրջանների անցումները գնացել են. պարզուեց ուրեմն, որ այս է ընդհանրապէս կուլտու-

բախտն ժամանակաշրջանի անցման հոգեկան մեխանիկան:

Անշուշտ չպէտք է հասկանալ այն մտքով, որ 19-րդ դարու երկրորդ կիսի անցման ամեն մի երևոյթ նախկին անցումներին իւր ամենայն մանրամասնութեամբ նման է: Աւելի մանրամասն ուսումնասիրութիւնը ցոյց է տալի ընդհակառակը որ անցման ժամանակի երևոյթներին մի ամբողջ շարք կրճատուում է, կամ առնուադն աւելի թոյլ է հանդէս գալի: Բացի այս, երբ մենք համեմատութեան համար ի նկատի ենք ունենում ոչ միայն դերմանական պատմութիւնը, այլև ուրիշ ազդեքներ՝ արեւմտեան ու միջին եւրոպայի ժողովրդներին, ինչպէս և ուրիշ ժողովուրդներին, օրինակ ճափոնացոցը, ստանում ենք որոշ տարբերութիւններ, որոնք մեծ մասամբ առաջ են գալի այն բանից, թէ որքան մի ազգային տիպ միւսից բանական, այլ և զգացողական տեսակէտից տարբերուում է: Ի նկատի չունենալով այս ամենը տեսնում ենք, որ այնուամենայնիւ հոգեկան անցման ժամանակի մեխանիկայի նման երևոյթները ամեն աեղ կրկնուում են:

Հետազոտենք այս երևոյթը գերմանական պատմութեան մէջ աւելի որոշակի մի քանի խօսքով:

Այս դէպքում 16-րդից մինչև 18-րդ դարը եղող անհատական սերունդներից նոր ժամանակի 1750-ից յետոյ եղող անձնականութեան անցման ժամանակը շատ ուսանելի է: Այս ժամանակում նկատում ենք վերին աստիճանի բազմացումը գրգռներ ու զուգորդութիւններ առաջ բերող առիթների: Նախ առաջ է գալի մարդկանց համար հանգստանալու մի նոր եղանակ 30-ամեայ պատերազմների ժամանակ, կուլտուրայի ամբողջապէս տակն ու վրայ լինելուց յետոյ լրագիրները 1725 թուից սկսած ընդհանրապէս բազմանում են. ժողովրդագիտութեան և ճանապարհորդութեան վերաբերեալ գրականութիւնը շատ մեծ չափեր է ընդունում և հազարաւոր այլ խորաբնուրդ անցող դէպքեր հոգեկանի արթնանալուն նպաստում են: Այս դէպքերը կատարուում են շնորհիւ նախկին փորձերի, մի խումբ հին ու նոր աչքի ընկնող մարդկանցից, չէնդէլ, Բախ, Փօն չալէո. հոգեկան կուլտուրայի ժամանակաւոր փորձառութեան խառն զգացումներն են այժմ զգայնութիւնը և կեղծ բարե-

պաշտութիւնը. նորը յանկարծ ժայթքում է, լոյզերի ու որոնումների ժամանակ է. զրկւում են բոլոր հրամայականներից: Այս քառսից աչքի ընկնող անծինք աղատում են շնորհիւ իրենց ուժեղ անձնաւորութիւն լինելուն, այլ և մասամբ շնորհիւ հիլլենիզմի՝ նախկին իշխանական կուլտուրայի հետ սերտ առնչութիւն պահելուն. սրանք են՝ Կանտոր, Շիլլերը, Գեթէն, Բէթհովէնը: Յայտնի է, որ հէնց սրանք էլ իրենց ժամանակի տէր լինել չկարողացան: Զարգացման իսկական ճանապարհը աւելի շուտ յառաջադիմող աններդաշնակութեան ուղին է եղել, որը երևում է և ռոմանտիզմի առաջին աստիճանում. յետագայ ռոմանտիզմում երևում է փոփոխութիւն. սկսում են փնտրել մի նոր հրամայական. իշխալիզմի փրկափայտութիւնը նորից երևում է Նապօլէօնի դէմ մղած կռիւ լարում է կամքի ոյժը. հանդէս է գալի 19-րդ դարու առաջին կիսի անձնաւորութիւնը:

Մի հոգեկան ժամանակից միւսին անցնելու անցման դէպքը այսպէս վերջանում է, սակայն այստեղ, բացի ներկայի մասին եղած դիտողութիւնները, կայ և միայլ շարունակուող ընթացք: Սա բնորոշում է բանականութեան և իսկական կամքի ոյժի ուժեղ, զերակշռող դիրք ստանալու հանդէս գալովը. 30-ական թուականներին երևում է ռէալիզմը, 40-ականին՝ քաղաքական ձգտումները: Այս վերջանում է նախորդների զաղափարները կատարելագործողների առաջ գալով, որոնք հիանում են մեծ արժէքներով և աշխատում են նմանուել կամ կատարելագործել. մի բան, որ մինչև այդ եղած ժամանակաշրջանը իւր նախկին ընթացքով, որքան և եղակի արտայայտութիւններում հրամայականներ է արտադրել, այնուամենայնիւ սրան ետև է թողնում: Այսպիսով նախ զերակշռում են զուտ բանականութիւնը ու ուժեղ կամքի համապատասխանող հակումները համեմատած նախկին ժամանակի ոգևորութեամբ ղգայուն ու անորոշ ձգտմանը, ապա զարգանում է անկասկած նոր հրամայական ոյժը, իբրև ուղեկից երևոյթ. այնուհետև սկսւում է նոր կարգաւորութեամբ անպտղաբերութիւնը և քարացման դանդաղ սկզբնաւորութիւնը:

Եթէ աւելի խորը թափանցենք զերմանական պատմու-

Թիւնը ամեն տեղ էլ կգտնենք ոչ միայն անցումների, այլ և եզակի կուլտուրական ժամանակների ընթացքի հոգեկան մեխանիկայի նման հիմնական գծեր:

Այս երևոյթները մօտից դիտելու համար պէտքէ անցնենք բարենորոգութիւնների ժամանակը, ընդհանուր պատմութեան լեզուով ասած անհատականութեան դարերը. (15-ից-18-րդ դար): Այս դէպքում իրօք մի քանի սրամիտ խօսքեր մէջ բերելը բաւական է էութեամբ նման հոգեկան մեխանիկայի երևելոյթը իսկոյն յիշելու. առաջ է դալի զրամատնտեսութիւն և սրա հետ միասին 14-րդ դարուց սկսած մի չլուած, մինչև 16-ր դարը շարունակուող ընդարձակումն տարածութեան և վերջն էլ ժամանակի հորիզոնների, այլև զուգորդութիւնների ու գրգիռների անհատների հարստութիւն. 15-րդ դարում միջնադարեան աշխարհի հրամայականների վերաբերմամբ անհանգստանում են և վերջն էլ նրանց կործանում: Հազարաւոր մասնակի քաղաքական և սօցիալական լեզափոխութիւններ են տեղի ունենում. երևակայութեան գործունէութեան մէջ նկատուում է մինչև. այդ չլուած նատուրալիզմը, զգացմունքի կեանքը գնալով անլստահելի է դառնում, մանաւանդ կրօնական զգացումների մէջ: Բարենորոգութեան դէպքում նկատուում է նոյժով անցումն դէպի նորը և նոր հրամայականի դիւար. վերսկազմում է կամբի և մտնաւանդ բանականութեան կեանքը, որը միացած է այս հրամայականի հետ. այլև կրօնը, գեղարուեստը և բանաստեղծութիւնը վերածւում են բնական իրաւունքի և բանականութեան վարդապետութեան:

Եթէ աւելի ետ գնանք, հասնենք իսկական միջնադարին և դեռ աւելի վաղ ժամանակների, կտեսնենք հոգեկան մեխանիկայի նոյն պատկերը: Այն մանրամասն դիտողութիւնը, որ մինչև այժմ քննած ժամանակների համար հնարաւոր էր, երկու կերպ է երևան գալի. նախ որ սօցիալական հոգում գերիշխողը կրօնականն է. արդէն անհատականութեան ժամանակում այս երևոյթը ի նկատի առնուեցաւ. կարիք չկայ աւելի ևս հիմքեր որոնելու այն բանի համար, որ իւրաքանչիւր ազգի միջնադարում և նախաժամանակում նոյն բանն է երևում: Սրա հետե-

ւանքը լինում է այն, որ պատմութեան աղբիւրները շատ միակողմանի են լինում և մենք կարողանում ենք միայն կրօնական շարժումը հիմնաւորապէս հասկանալ. այս սխալը կարելի է միայն այն չափով ուղղել, որ պէտք է ասել, թէ հոգեկան զարգացման կեդրոնը իսկապէս կրօնականն է կազմում: Սրան աւելանում է երկրորդը: Ամեն մի համեմատական հոգեբանութեան հիմքն այն է, որ համեմատում է օտարի հոգեկան կեանքը իւրի հետ. հետեւանք այն է լինում, որ համեմատութիւնից առաջ եկած սխալները ընդհանրապէս այնքան աւելի քիչ են լինում, որքան օտարի հոգեկան կեանքը սեփական հոգու կեսնքին որոշ չափով նմանում է. որքան այս բանը պակասում է, այնքան սխալների թիւը շատանում է. միայն խիստ փորձուած վարպետներ կարողանում են կոպիտ սխալներից զերծ մնալ: Մեծ սխալներ առաջ բերող զայթակյութեան շրջաններին են պատկանում հետազօտութեան գէպքում գերմանական միջնադարը և ի հարկէ աւելի ևս գերմանական նախաժամանակը:

Հակառակ այս կրկնակի դժուարութիւններին, առնուազն միջնադարի հոգեկան գործերը այնպիսի պարզ լեզուով են խօսում, որ մենք մխիթարուած կարող ենք նրանց վկայ կանչել: Նրանց վկայութիւնը հաստատում է միայն, որ 9 և 10-րդ դարերում ազգի և պետութեան միութեան առաջ գալու հետ սկսում է զրդիւնների բազմանալը և զուգորդութիւնների ուժեղացումը: 10-րդ դարի բարեպաշտութեան զարգացման ժամանակ երևում են կոպիտ տեսակի խառն զգացումներ և աններդաշնակութիւններ. Լօտրինգիայի ասկէտականութիւնն է առաջ գալի, Կլիւնիական և ընդհանրապէս բարենորոգչական շարժումներ են տեղի ունենում. Գրիգոր Է-ի ժամանակ եկեղեցում և բարոյականութեան մէջ ձեռք են բերում կրօնական-բարոյական, մտաւոր գերիշխող ոյժեր. վերոկաղմութիւնն այս համակարգութեան մտաւորի և կամեցողականի տեսակէտից միջնադարեան եկեղեցու սարսափելի ժամանակում (Իննովկենտիոս Գ.). անմխիթար, բծախնդիր բանականութեան հասնող ժառանգներ են երևում 14 և 15-րդ դարերում:

Ինչպէս նախկին դասախօսութեան մէջ նկարագրեցի անց-

ման ժամանակի երևոյթները, այս դասախօսութեան մէջ էլ լրացրի նոյնը. այսպիսով արդէն առւելի կուտուրական ժամանակի ընթացքի ընդհանուր հոգեկան մեխանիզմի նկարագիրը:

Այս հետեանքը ըստ ինքեան նոր բան է. մենք շարունակ կտեսնենք, թէ պատմադիտութեան զարդացման ժամանակ ինչպիսի ծանրակշիռ նշանակութիւն ունեցող եղբակացութիւնների է տանելու: Արդեօք այս բանը նրանց համար, որոնք նորագոյն հոգեբանութեանը մօտիկից ծանօթ են կամ առնուադն ընդհանուրի կողմից ճանաչուած հիմքերը զիտեն, իրօք անսպասելի է: Կարծում եմ, որ հազիւ թէ. տպաւորութիւնը այն պիտի լինի, որ հազիւ թէ այլ կերպ էլ լինէր: Այն ընթացքը, որի հետ ծանօթացանք եղակի հանճարի հոգեկան մեխանիզմին այնպէս նման է, ինչպէս որ սօցիալ հոգեկան օրէնքները, անհատական հոգեկան օրէնքների գործադրութեան օրինակներ են միայն*):

Երբ սօցիալ-հոգեկան մեխանիզմի գործօնները եղակի կուտուրական ժամանակների ընթացքում էսպէս նոյնն են մնում, այլ դէպքում հարց է ծագում, թէ ո՞րտեղ է գտնուում ժամանակաշրջանի տարբերութիւնը: Այս տեսակէտով քննելով, կրտեսանենք երկու տեսակի զրդիչներ. նախ այսպէս կոչուող հոգեկան հրամայական ոյժը և երկրորդ այն, ինչ որ հոգեկանընդլայնում է կոչուում. եղակիի և սրտ հետ միասին ընդհանուրի հոգեկան կենանքում հնարաւոր երևոյթների ընդգրկումը:

Նախ զբաղուենք հոգեկանի ընդարձակման խնդրով:

Այստեղ հանդիպում ենք նախ գիտակից և անգիտակից հոգեկան կենանքի մէջ եղած տարբերութեանը: Ակներև է, որ հոգում զգացումներից ու մտածողութիւնից առաջ եկած գէպքերի տհազին քանակութիւն կայ, թէև պարզ կամ ընդհանրա-

*) Իբրև ծանօթութիւն պէտք է աւելացնել, որ մասնաւոր, ընդհանուր կուտուրայի որոշ տարրերի համար արժէք ունեցող հոգեկան աննորոգչնակութիւնները ու լսառնակութիւնը իսկապէս կուտուրայի պատմութեան մէջ միանման երևոյթների հետ այնպէս են հանդէս գալի, ինչպէս նման անցքեր անհատի կանոնաւոր հոգեկան կենսաբանութեան կողքին հազուադիւտ չեն:

պէս գիտակցութեան որեւէ բովանդակութիւն զրանց չի համապատասխանում: Մենք նրանց գոյութեան և նշանակութեան մասին էապէս միայն զգացումներից ենք իմանում, որոնք նրանց ուղեկից են. զգացումների այս խիստ խառնիճաղանճ զրութիւնից, ինչպէս և այլ զուգորդութիւններից կարող ենք եզրակացնել, որ անգիտակից հոգեկան կեանքի այս դէպքերի քանակը շատ աւելի մեծ է. քան գիտակից դէպքերի քանակը:

Արդեօք գիտակից և անգիտակից հոգեկան կեանքի մէջ ամուր և անփոփոխ սահմաններ կան: Ամեն մէկին էլ փորձը ասում է, որ ոչ: Ամենաշատը կարելի է այս սահմանները ուժեղ ուշադրութեան շնորհիւ, այսինքն հոգեկան մեծ ոյժի հետոգհետէ աւելի մեծ գործադրութեան շնորհիւ, առաջ մղել. սրա համապատասխան մեծանում է թիւը, այլ և սպաւորութիւնների, երեակայութեան, զուգորդութիւնների գումարը, ձրգտումների և զգացումների որակը փոխում է: Այս փորձը ճշտում է եթէ ի նկատի ենք ունենում եղակի անհատին իւր գոյութեան ընթացքում և անհատներին միմեանցից սարբերելու դէպքում, այնպէս և մարդկային հասարակութիւնները, այսինքն սօցիալ-հոգեկան անհատներին, ի նկատի ունենալով սրանց սեփական փոխոխութիւնները, այլ և նրանց յարաբերութիւնները դէպի միւս հասարակութիւնները:

Որովհետեւ իւրաքանչիւր բնական ճանապարհով զարգացած հոգեկան էակում գիտակցական կեանքի մօմենտը հետոգհետէ աճում է, ուստի Գնարաւոր է այս կեանքը երկու. շրջանի բաժանել՝ մի նեղի և մի լայնի: Ընդարձակ շրջանը ընդգրկում է գիտակցութեան այն բովանդակութիւնները, որոնք շատ յախա երեւան են գալի գիտակցութեան մէջ, ուստի համապատասխան զրգիւնների ազդեցութեան տակ բնագդաբար կրկին վերադառնում են իրենց տեղը. նեղ շրջանը ընդգրկում է այն բովանդակութիւնները, որոնք միայն յատուկ ուշադրութիւն դարձնելու դէպքում գիտակցւում են, որոնց կարելի է նաև ուշադրութեան բովանդակութիւն անուանել:

Երկու խմբի՝ գիտակցութեան և ուշադրութեան բովանդակութեան վերաբերմամբ ևս որոշ է, որ սրանք անհատական,

այլ և սօցիալ-հոգեկան կեանքի զարգացման հետ իրենք էլ զարգանում են, կամ այլ կերպ ասած, պարզ է, որ սրանց հարգացման մէջ մի ուժեղ հոգեկան ոյժ է ազդում: Հոգեկան կեանքի ընդարձակ տարածութիւնից միշտ աւելի ու աւելի մեծ, ամեն տեսակ կտորներ են անցնում ուշադրութեան, ապա գիտակցութեան կեդրոնները:

Ստիպյալ այլ մտքով էլ կարելի է հոգեկան կեանքի ընդարձակութեան մասին խօսել:

Հոգեկան երեւոյթների հիմնական օրէնքների մի ահադին թիւ կայ, ուր որ ամեն մի օրէնք եթէ բացարձակապէս գործադրենք, միւսին պէտք է բացասէ, այսինքն իւր հիմքով տրամաբանօրէն միւսին կհակասէ: Այս նրանից է առաջ գալի, որ հոգին վերջի վերջոյ միշտ երկու կողմից է շարժման մէջ զըրւում, նախ դրսի երեւոյթների աշխարհից և երկրորդ իւր իսկ ներսի կեանքից: Շատ յաճախ, եթէ ոչ միշտ, այս շարժումների մէջ մի տարբերութիւն լինում է. այս գուգորդութիւններում, ուր մի բաղմագանութիւն կայ, նոյն կերպ միաւորութիւն է տեղի ունենում, ինչպէս որ տարբերութիւն և առանձին առանձին ըմբռնում, այսպէս և կամքի արապայտութիւններում, ուր երևում են հնարաւորութիւններ և սրանց հակառակները, ուր որ մի մղում մեղ ստիպում է հասկանալ մի բան, որը մեր բնութեան հսկառակ է. վերջապէս զգացումների մէջ ևս, ուր որ դրականի և բացասականի պայքարը ամենքից առաջ է նկատւում: Այստեղից հասկանալի է, որ ամեն հոգեկան դէպք, թէ անհատի, թէ մարդկային հասարակութեան մէջ բեւապին հակադրութիւններով է տեղի ունենում: Այսպիսով անհատական և սօցիալական հոգու գրութիւնը տարբերութեամբ է. գործօնների հաւասարակշռութեան մի բեւոյց միւսին կարող է անցնել:

Տեսնում ենք, որ այս մտքով էլ գոյութիւն ունի հոգեկանի ընդլայնումը. կողմի այս ընդլայնմանը, հակառակ նախկին ընդլայնման, որին անուանեցինք գիտակցութեան ընդլայնում, հոգու գործօնների ընդլայնում անուանել:

Պատմական զարգացման տեսակէտից ի՞նչ յարաբերութեան

մէջ են գտնուում գործօնները և գիտակցութեան ընդլայնումները: Պարզ երևում է, որ գործօնների ընդլայնումը կախուած է գիտակցութեան ընդլայնումից, որովհետև որքան վերջինս մեծանում է, այնքան առաջ են մղւում այն ծայրերը, որոնց միջև գործօնները կարող են հանդէս գալ: Սրանով ի հարկէ չեմ ասում, որ երբ գիտակցութիւնը ընդլայնւում, մեծանում է, գործօնները աւելի ևս մեծ հակադրութեամբ պէտք է գործեն. աւելի շուտ գիտակցութեան նոր ընդլայնմանը գործօնների համապատասխանող գործօնների ընդլայնումը նոր պէտք է ձեռք բերել. այն պրոցցէսը, ուր որ այս բանը տեղի է ունենում, սօցիալ-հոգեկան յարաբերութիւններում է գտնւում, մի բան, որ կարելի է շուտով գուշակել. այսինքն մի կուլտուրական ժամանակից միւսին անցնելու անցման պրոցցէսն է այս:

Երևում է ուրեմն, որ մարդկային անհատի, ինչպէս և հասարակութեան հոգեկան կեանքի փոփոխութեան ունակութիւնը մեծ մասամբ գիտակցութեան ընդլայնումից է կախուած. այլ և միաժամանակ պարզւում է, որ զրգիռների ու զուգորդութիւնների փոփոխութիւններն իբրև հոգեկան փոփոխութիւնների համար ամենանշանակալիները, մեծ կարևորութիւն ունին: Ամենազլխաւոր հարցը այս դէպքում սակայն ուրիշ է: Երբ անհատական կամ հասարակական հոգեկան գիտակցութեան ընդլայնումների փոփոխութիւններ են առաջ դալի, ի՞նչ սկզբունքով են առաջնորդւում: Այս պրոբլեմի լուծումը մեզ պատմագիտական տեսակէտից առաջ կտանէ:

Pessimist

(Կը շարունակուի)

ԱՔՍՈՐԱԿԱՆՆԵՐԸ

I

Այս հեռաւոր վայրում նրանք միայն երկու հոգի էին և ապ-
րում էին միասին մի փոքրիկ սենեակի մէջ:

Ապրիլ ամսի մի գեղեցիկ պայծառ օր էր. արեգակը նոր
բարձրացել էր ջինջ հորիզոնի երեսը և իր փայլուն, շլացուցիչ
ճառագայթների տարափով ողողել ողջ Տ... քաղաքը իր սիրուն
շրջականերով: Այդպիսի մի օր այս երեք ամսուայ ընթացքում նը-
րանք գրեթէ չէին տեսել: Առաջին անգամն էր. որքան ուրախ էին,
որ վերջապէս արժանացան մի լաւ օր տեսնելու:

Թեթեւ քամին սլալալով անցնում էին նրանց սենեակի բաց
լուսամուտի առաջից և երբեմն մտնում սենեակը՝ քնքշաբար դիպ-
չում, հաւում խոնաւ պատերին ու կրկին դուրս գնում:

Բաց լուսամուտից երևում էին ծաղկափթիթ մեծ ու փոքր
ծառեր, որոնք, ինչպէս ահագին ծաղկէփնջեր՝ օրօրում էին փշող
բարակ հովից և անդադար մեղմութեամբ՝ ինչպէս ձիւնի թեփուկ-
ներ իրանց շուրջը շաղ էին տալիս սպիտակ ծաղկաթերթեր, որոնք
տատանուելով, ոլոր-մոլոր պտոյտներ գործելով օդի մէջ՝ թափւում,
ծածկում էին գետինը ու կանաչները: Նրանց ծաղկազարդ ճիւ-
ղերի շուրջը թռչկոտում էին ժրաջան մեղուները և իրանց միա-
կերպ բզզոցով լցնում օդը: Իսկ ներքև կանաչների վրայ խաղում
էին երեք մատաղահաս երեխաներ: Հեռուն, մի խնձորենու վրայ
թառած, կռաւում էր մի սև ագռաւ, որը իր անախորժ կոնչոցի
ձայնով խռովում էր դրսի հանդիսաւորութիւնը:

Աւագ հինգշաբթի օրն էր. տօնի պատճառով նրանք ազատ
էին իրանց մասնաւոր, հասարակ զբաղումներից: Երկուսով էլ
սենեակումն էին:—Ուսուցիչ Միհրանը, մօտ քսան և հինգ տարե-
կան, առողջակազմ, բարեհամբոյր ղէմքով մի երիտասարդ էր:
Իսկ գիւղացի Սիմոնը մոայլ, կնճոռոտ ղէմքով, ոսկրոտ, բարձրա-
հասակ կմախքացած մարդ էր. նա քառասուն հազիւ կար, բայց
արտաքինը յիսունից աւել տարիք ունեցողի տպաւորութիւն էր
թողնում, որովհետև երեք ամսուայ մէջ նա այնպէս էր մաշուել ու

հալից ընկել, որ առաջուայ տեսնողը եթէ հիմի տեսներ—էլ չէր ճանաչի: Առաջ նրա մազերի մէջ մի հատիկ սպիտակ մազ անգամ չկար. բայց այժմ գլխի և երեսի մազերը բոլորը սպիտակել էին. նոյնիսկ յօնքերի մէջ երևում էին սպիտակ մազեր, որ այնպէս աչքի էին ընկնում ու փայլում: Նրա խիտ յօնքերի տակից նայում էին զոյգ սևորակ, խոհուն, շիջած փայլով, խոր ընկած աչքեր, որոնք մի ինչ որ բանի վրայ ասես միշտ երազում, միշտ խորհում էին: Նրա դէմքին ժպիտի հետք անգամ չկար. ժպիտը վաղուց մարել էր՝ ծիծաղը լռել... այժմ թախիծն էր նստել նրա չոր-չոր, գունատ երեսին:

Ուսուցիչը—ընդհակառակը. նա զուարթ էր, միշտ ասում, խօսում ծիծաղում էր, և երբէք տխուր չէր մնում:

—Ի՞նչ արած, կեանք է, շատ ժամանակ ասում էր նա,— պէտքէ յարմարուել, բայց երբէք չպէտք է ընկճուել...

Եւ այդ նա ասում էր հեշտութեամբ, որովհետեւ տանը կին, երեխաներ չունէր: Բայց Սիմոնը ինչ անէր: Անդրկովկասի մի հեռուոր անկիւնի յետ ընկած գիւղում կինը և հինգ երեխան տառապում ու գալարում էին ամեն տեսակ զրկանքի առաջ:

Առաջինը արքայութեամբ էր իր «վասակար վարքի» համար, իսկ Սիմոնը իբրեւ նրան մեղսակից: Երկուսն էլ Ն. գիւղիցն էին արքայութեւ միևնոյն օրը միասին: Գալով Տ... քաղաքը նրանք միասին էլ բնակուեցին:

Ուսուցիչը կանգնած բաց լուսամուտի առաջ՝ հիացած նայում էր ծաղկած ծառերին, մանուկների ուրախ խաղին և հողը քջող փոքրիկ ճուտերով շրջատատուած թխսին, որը անդադար խառնում էր հողը ու թաւալում:

Միհրանը շարունակ նայում էր. և սակայն ի՞նչ խոհեր էին ծնւում նրա գլխի մէջ, ի՞նչ դառն մտքեր յուզում նրա կուրծքը... Բայց նա արտաքուստ ցոյց չէր տալիս այդ, այլ յափշտակուած նայում էր և ուզում էր վանել այն մտքերը, որ անհանգիստ կերպով պաշարում էին իրան:

Նրանից մի քիչ հեռու՝ գլուխը յենած աջ ձեռքին, խոհուն աչքերը յառած դէպի դուրս—հեռուները, սեղանի մօտ նստած էր Սիմոնը: Նա մտածում էր. նրա մտածումները դառն էին, ծանր և ճնշող:

—Լաւ օր է, այսօր, Սիմոն բիձա. հտ դառնալով ասաց ուսուցիչը:

Սիմոնը գլուխը շարժելով նայեց ուսուցչին և ոչինչ չխօսեց: Ի՞նչ էր ասում—չհասկացաւ. միայն լսեց, որ խօսեցին, ձայն դիպաւ ականջին և ուրիշ ոչինչ: Նա այդ ժամանակ գտնւում էր

իր տանը, երեխաները հաւաքուելէին շուրջը և թրււրալով խօսում ու կարօտազին մօտենում էին իրան՝ ժպտերես։ Ինքը փայփայում էր նրանց գանգրահեր գլուխները, համբուրում և ժպտում ամեն-քին...

— Գեղեցիկ օր է, կրկնեց ուսուցիչը և հրճուանքից նրա բարակ շրթունքները յետ գնալով բացեցին սպիտակ ատամները։

Սիմոնն այս անգամ պարզ լսեց նրա խօսքերը. բայց կրկին չը հասկացաւ։

— Ի՞նչ ասիր, վարժապետ, հարցրեց նա մտադրադ։

— Ասում եմ՝ հրաշալի օր է, պատասխանեց ուսուցիչը և հիասթափ հայեացքով շարունակեց նայել դուրս։

— Լմւ, հա լաւ օր է, հոգոց քաշելով խօսեց Սիմոնը. բայց ինչքան լաւ լինի, հօ մեր օրերին չի հասնի...

Նա կրկին խորասուզուեց մտքերի անյատակ ծովը. գլուխը կախ ընկաւ կրծքին և մի փոքր թեքուեց դէպի աջ։ Այդ դիրքը նրան տուեց մի խղճալի կերպարանք։

Ուսուցիչը մի ակնարկով նայեց նրան և ինքն իրան տխուր շշնջաց։

— Խեղճ մարդ...

Լոռւթիւն տիրեց. ոչ ոք չէր խօսում. լսում էին միմիայն միմեանց շնչառութեան ձայները, դրսեից մեղուների միակերպ, տաղտկալի բզզոցը և ճնճողկների ուրախ ճուղիւնը...

Լոռւթեան մէջ ժամանակը սահում էր աննկատելի կերպով։ Արեգակը կամաց-կամաց բարձրանում էր հորիզոնի երեսը. նրա շողերը այժմ աւելի ջերմ էին ու փայփայիչ։

Յանկարծ մի բան մտաբերելով՝ ուսուցիչը ցնցուեց։

— Ա՛, բացականչեց նա. ես պիտի գնամ պոստ նամակ ունիմ ուղարկելու։ Այստեղ կաց, Սիմոն բիձա, շուտով կգամ։

Ասաց և գլխարկը ծածկելով դուրս գնաց։

— Վարժապետ, տես ինձ էլ նամակ կա՞յ, ձայնեց Սիմոնը ուսուցչի ետևից և ձեռքը ճակատին դնելով՝ մօտեցաւ բաց լուսամուտին։ Քամին քնքշօրէն շոյեց նրա առջ երեսը և միբուրբ։ Նա նայում էր ծառերին, որոնց տակ խաղում էին երեխաները և ուրախ, զուարթ կանչերով լցնում օդը. նրա առաջ տարածում էր ընդարձակ, կապոյտ հորիզոնը, որի երեսին տեղ-տեղ լողում էին ծւատուած, ցանցառ ամպիկներ։ Հեռուն բլուրները ծածկուած էին մուգ կանաչով... Այդ բոլորը նրա հոգում զարթեցնում էին հանդարտ, տխուր մտորմունք։

Նա յինչեց լուսամուտի փեղկին, ձեռքով բռնեց ծնօտը և խոր մտածմունքի մէջ ընկաւ։

Նրա մտքերը սլանում էին հեռու... այնտեղ ուր իր տունն էր՝ մենաւոր ու աղքատիկ, կծկուած այն սև, մամռապատ ժայռի տակ... այնտեղ էլ հիմի պայծառ օր է. բլուրները ծածկուած են կանաչով և անտառը խիտ սաղարթով. արօտների մէջ արածում է տաւարի հօտը. հովիւը նուագում է սրինգը և նրա ուրախ դայլալի ելևէջները տարածւում են շրջակայքի վրայ:

Երբեմն կարծես նա ուշքի է գալիս ու տարակուսում: Տեսնում է անծանօթ վայրեր... շինութիւններ... սենեակ... Մի վայրկեան յիշում է իրականութիւնը և տխրում, երեսը ծածկում է կնճիռներով: Բայց ահա երեխաների ուրախ խաղը նրա առաջ հանդէս է բերում մի բան, որ թարմ կերպով պատկերանում է առաջը.

... Կիրակի օր է. ինքն ու կինը նստած են տան շէմքում մի քիչ հեռու ծառերի տակ՝ կիսամերկ, բոբիկ ոտներով խաղում են իր երեխաները: Սաղարթախիտ, ստուերաշաւղ ծառերը խշշալով օրօրում են նրանց գլխավերևը, իսկ նրանք խայտալով, ուրախ, անհոգ ծիծաղով վազում են մէկմէկու ետևից ու թափւում հեռու: Ինքն ու կինը միասին նայում են նրանց և հրճւում...

— Երեխան լաւ բան է, Նունօ, ասում է կնոջը:

— Ի հարկէ լաւ բան է, հաւանութիւն է տալի կինը:

Եւ դարձեալ նայում են երեխաներին ու ժպտում...

Նա ուշքի եկաւ և աչքերը գցեց հեռուն՝ դէպի կանաչոտ բլուրները:

— Բայց հիմա ի՞նչպէս կլինեն երեխաները, անցաւ նրա մըտքով: — Ի՞նչպէս... Ի հարկէ հիմի խեղճ երեխաները տխուր ու տրտում, որբերի նման, արցունքն աչքներին՝ լուռ ու անխօս նըստում են պատերի տակ ու նայում ուրիշների խաղերին... Իրանք էլ չեն խաղայ... այժմ նրանց սիրտը կոտրուած է. նրանք որբերի են նման... Եւ նրա առաջ պատկերացան երեխաները:

— Ա՛խ, բալէք, խոր հառաչեց նա և ուղղուեց: Նրա շիջած աչքերում արցունքը փայլեց. երկու կաթիլ դուրս թափուելով՝ զբլորուեցին նոր աւելի խոշոր կաթիլներ... Եւ նա երեխայի նման սկսեց հեկեկալ...

II

Երկար ժամանակ նա լալիս էր, տաք արցունքը առատաբար դուրս էր հոսում նրա սև աչքերի աղբրականերից ու կորչում միւրուքի մէջ: Բայց նա չէր հովանում. սիրտը միանգամից փուլ էր եկել և ուզում էր այնքան լալ, որ կուրծքը թեթևանայ...

Այդպէս խորասուզուած հեծկլտում ու լալիս էր նա, երբ յանկարծ դուռը բացուեց շառաչելով, և ուսուցիչը շտապով, ուրախ, ժպտորես ներս մտաւ՝ մի նամակ և մի փաթեթ ձեռքին բռնած:

Սիմոնը ծանրաբար բարձրացրեց գլուխը, թաց աչքերով նայեց ուսուցչին և հարցրեց.

— Ինձ նամակ կ'ա՞յ, վարժապետ:

— Ո՛չ, պատասխանեց ուսուցիչը:— Միայն ինձ վրայ մի նամակ է և այս կապոցը, կարծեմ գրքեր են...

— Գրքեր...

— Այո, գրեւէի ընկերներին, որ մի քանի կտոր դիրք ուղարկեն...

Նա ծանրոցը դրեց սեղանի վրայ, զգուշութեամբ բաց արաւ, պատռեց փաթաթած թուղթը, գցեց յատակին և սրտատրոփ բարձր ձայնով սկսեց կարդալ գրքերի վերնագրերը.

— Ը՛մմ... Աւ. Ահարոնեան՝ «Ազատութեան ճանապարհին», Մ. Գորկի՝ «պատմութեան», Կամիլ Ֆլամարիոն «Ուրանիա», Лео-ниды́ Андреевъ: „Разсказы IV томъ“...

Մնացածները մանր-մունր մօտ քսան կտոր զրոյցներ ու պատմութեան էին: Կար նաև Վ. Փափագեանի զրոյցներն ու պատկերները, որոնք միասին կազմուած էին մի շքեղ կազմով:

Մի առ մի մէկիկ-մէկիկ նայեց բոլոր գրքերին և կրկին դարսեց իրանց տեղը:

Սիմոնը, որ մինչ այդ ուշադրութեամբ լսում էր, յանկարծ հետաքրքրուած հարցրեց.

— Իսկ նամակում ի՞նչ են գրում, վարժապետ, նամակում...

Ու նստած տեղից ելնելով՝ մօտեցաւ ուսուցչին:

— Նամակում. այս րոպէիս կարդամ, ա՛յ:

Եւ գրքերը մի կողմ դնելով, նա բաց արաւ նամակը ու սկսեց կարդալ:

Նամակում մի քանի հոգի միասին գրում էին իրանց ընկերոջը, որ ուղարկում են 30 կտոր գիրք և շուտով էլի կուղարկեն. մխիթարում էին ուսուցչին, որ երբէք չմտածի, չտանջի իրան— ուրիշ ոչինչ:

— Ո՛հ... հառաչեց Սիմոնը հոգու խորքից:— Մերոնք մի նամակ էլ ա չեն ուղարկում, որ իմանանք՝ սաղ են, թէ մեռած... Ասա, ո՞վ ղարկի, ո՞ւմ գրել տայ խեղճը... խօսեց նա ինքն իրան և գլուխը առնելով ափերի մէջ՝ վերստին նստեց առաջուայ տեղը:

Ուսուցիչը գլուխն օրօրելով՝ ցաւակցաբար նայեց նրան:

— Դարդ մի անի, Սիմոն բիձա, ասաց նա:— Ինչ արած, կեանք է, պէտք է յարմարուել...

—Ախր, վարժապետ, դու էլ լաւ գիտես... ախր ինչի տէր եմ է... ինչ եմ...

—Գիտեմ, գիտեմ, Սիմոն բիձա, գիտեմ որ դու... բայց պէտք է ուժեղ մնալ. թէ չէ մտածելով՝ ինչ կշիռնենք... Անիծուած կհանք է, չպէտք է ընկճուել դրա հարուածներին տակ...

—Ախր, վարժապետ, հեշտ չէ... հինգ-վեց երեխայ՝ մի կին... ի՞նչ անի... Իսկ արտերս, տաւարս... ո՞վ պիտի գլուխ քաշի դըրանց... էլ ճնց չմտածեմ է...

—Ոչինչ, Սիմոն բիձա, ոչինչ. մի մտածի: Մտածելը վատ է: Այս գրքերից մէկը կարդամ, լսիր...

Այս ասելով նա վերցրեց մի փոքրիկ գիրք, բաց արաւ, թերթից և սկսեց կարդալ.

«Մի անգամ աշնանը ես ընկայ...

Ու շարունակեց այդպէս:

Սիմոնը տխուր, ձեռքերը ծալած կրծքին, գլուխը թեքած մի կողմի վրայ՝ ականջ էր դնում:

Դրսեից դեռ նրա ականջին էր հասնում քամու մեղմ սլսլոցը, մեղրաճանճերի միակերպ երգը, երիտանների ուրախ կանչերը և քաղաքի միջով սլացող ֆուրգիւնների բարձր, կոպիտ աղմուկը:

Այդ բոլորը նրան շնչում էին մի տեսակ քաղցր նիւրճ և ինքնամոռացութեան մէջ դնում: Նրա ականջները խլում են, էլ չի լսում ընթերցանութիւնը: Թւում էր նրան, որ ինքը իր տանն է, իսկ կարդացողը իր դպրոց յաճախող որդին, որ սերտում է դասերը վաղը դպրոց գնալու համար... Եւ նրա առաջ հանդէս է գալիս գիւղը իր գետնափոր խրճիթներով ու նեղ փողոցներով... Վար ու ցանքի ժամանակն է... ամենքն էլ աշխատում են: Առաւօտ է. բոլոր գիւղացիները ճոնչան անիւներով սայլերը լծած՝ շտապում հն հանդը: Ինքն էլ իր արօտը պատրաստել է, ճաշի խոտը կապել և եզները լծում է, որ գնայ Վանաց-Ձորի արտը վարի... Նախ Ծաղիկի ականջը բռնում է լծում, յետոյ Ալւանին: Արօրը դնում է լծան վրայ, խոտը շալակում, եզներն առաջ անում և ճանապարհ բնկնում... բայց մի բան մոռացել է, հո է դառնում:

—Կնիկ, հացը բեր... ձայնում է կնոջը—չոտ, եզնիքը գնացին...

Կինը հացը տալիս է և նա նորից ճանապարհ է ընկնում... Երկինքը ամպած է, չլի՞ թէ անձրև գայ, մտածում է նա, եզներին ճիպտում և թռչում բարակ առուի վրայից... հասնում է արտը. հենց մի քանի ակօս վարում է՝ անձրևը սկսում է կաթկթել. գընալով զաւնում է ու յորդանում. էլ աշխատել չի լինում, հողը դառնում է ցեխ... Եզները կանգնեցնում է ու սպասում, որ անձ-

րներ կտրուի. իզո՞ւր: Վարար անձրեր թափում է, անընդհատ թափում... էլ ճար չկայ, վերադառնում է տուն, Թրջուած շորերը հանում—չորացնում... յետոյ նորից հագնւում ու դուրս գալի տնից... Անձրեր կտրել է. արեւ փայլում է կրկին. հեռւում տեսնւում է ծիածանը...

Նա սթափուեց ուսուցչի բարձրացած ձայնից, որ ոգևորուած կարդում էր.

«... Անձրեն անդադար կաթկթում էր նաւակի տախտակին և նրա ձայնը զարթեցնում էր տխուր մտածմունք...»

Ու շարունակում էր:

Սիմոնը զարմացաւ. հրտեղ էր և ինչ էի տեսնում... Նա աշխատեց վանել նոր առաջ եկող մտքերը. սակայն ի զո՞ւր. նրանք գալիս պատկերանում էին առաջը և ուշադրութիւնը գրաւում...

Նա երկու ձեռքով բռնեց գլուխը, որ նոր սկսել էլ տաքանալ ու բորբոքուել, քունքերը ուռել էին մտածմունքից. աչքերը մի տեսակ մթնում էին, սևանում: Յանկարծ մարմնով տաքութիւն անցաւ և սառը քրտինքը ծածկեց ամեն տեղ... Նա բարձրացաւ աթոռից, կանգնեց մի վայրկենաչափ և ուզեց առաջ քայլել՝ աչքերը նորից սևացան, գլուխը պտտուեց և ծնկները դողացին... Թուաց թէ սենեակն էլ շարժուեց ու պտտուեց... Նա կրկին նըստեց աթոռի վրայ՝ թուլացած, ուժամալաւ...

Ուսուցիչը, որ մինչ այդ հետաքրքիր կարդում էր, զարմացած նայեց նրան և դողալով, անհանգստօրէն հարցրեց.

— Ի՞նչ եղաւ, Սիմոն բիձա:

— Ըհ, ոչինչ... հառաչելով, գլուխը կախ գցած պատասխանեց Սիմոնը. — գլուխս պտտուեց... ոչինչ...

— Ի՞նչպէս, գլուխդ ցաւում է... հարցրեց ուսուցիչը և վեր կացաւ, ձեռքը դրեց նրա այրուող ճակատին:

— Ծակատդ այրւում է, ասաց նա ձեռքը վերցնելով:

— Հա, վարժապետ, հա, ջանս էլ է այրւում:...

— Ասում ես՝ մարմինդ էլ:

— Հա, վարժապետ, հա...

Ուսուցիչը հասկացաւ բանի էութիւնը. անմիջապէս շորերը հանել տուեց, պարկեցրեց անկողնում, չաւ ծածկեց, գլուխը փաթաթեց մի մեծ սպիտակ թաշկինակով և, գլխարկը դնելով, շտապով վազեց բժշկի ետևից:

Սիմոնը մնաց մենակ. նրա մարմինը շուտ-շուտ ծածկւում էր սառը քրտինքով: Գլուխը տրաքում էր սաստիկ ցաւից. աչքերը ասես ուզում էին դուրս դալ իրանց խորշերից...

Բոճճօր

ԳԻՏՈՒԹԻՒՆ ԵՒ ԱՐՈՒԵՍ

1. 606 ԿԱՄ ՀԱՏԱ

Ամեն երկիրների հասարակութիւնների մէջ մ. իրարանցում է առաջ բերել զիտական աշխարհում նորերս կատարուած մի նշանաւոր գիւտ, որ կոչուած է բժշկելու աշխարհիս ամենատարածուած և իր բարդութիւններով ամենից փառնգաւոր հաճարուած մի հիւանդութիւն, այն է սիֆիլիսի բոլոր տեսակները: Գիւտը արուած է Գերմանիայի Ֆրանկֆուրտ քաղաքում պրոֆ. Էրլիխի և նրա օգնական Եսպօնացի բժշկապետ Հատար ծեռքով և անուանել են 606 կամ Հատար՝ վերջնիս անունով, իբրև դեղի ներդործութեան առաջին դիտողի: 606 կոչուած է այն պատճառով, որովհետև Էրլիխի լաբորատորիայում կատարուած փորձերի 606 անգամն է գտնուած այդ դեղը, որ մկնդեղային («արսէնօբէնզոյ») մի խառնուրդ է և լոկ մի անգամի սրսկումով բժշկում է սիֆիլիսի յամառ ձևերը:

Հեռագիրները հաղորդեցին, որ մի պրոֆէսոր այսօրերս բժշկական համաժողովում կարգացած մի զեկուցման մէջ յայտարարեց, որ 4000 կատարուած իր փորձերից միայն 4 մահուան դէպք է տեղի ունեցել, այն էլ յօրինուածքի բնդհանուր թուլութիւնից պատճառած, իսկ մնացեալ բոլոր փորձերը պրտակուել են լիութի յաշոգութեամբ: Սակայն նորագիւտ դեղը, թիւրիմացութիւնների չբաղխելու պատճառով, առայժմս ինքը Էրլիխն է միայն պատրաստում իր լաբորատորիայում և ձրի բաժանում որոշ բժիշկներին իր հրահանգների հետ միասին և դեռ ոչոքի իրաւունք չէ տալիս շինուկը պատրաստել, մինչև վերջնականապէս համոզուելը կատարեալ ներդործութեան մասին:

Լրագիրները լիքն են բաղմաթիւ նկարագրութիւններով, թէ ինչպէս աշխարհիս բոլոր ծայրերից օգնութեան կոչ են ա-

նուժ նշանաւոր յայտնագործողին, ուղարկելու իրանց նորահնար
դեղից, որ 'ի դէպ նա չէ հասցնում պատրաստել ամենքի հա-
մար, այլ և անհամար մարդիկ ամեն օր շրջապատում են նորա
բնակարանը իրանց և՛ մատակարարելու դեղից և աղատելու
ծանր հիւանդութիւնից:

Բայց այդ գիւտի նշանակութիւնը մեծանում է նրանով
մանաւանդ, որ «արսէնօբէնզօլով» սկսել են փորձեր անել բժշ-
կել և մի շարք ուրիշ հիւանդութիւններ, այն է ճահճատենդը,
հարիւնքը և այլն. և այս նպատակով նոյն իսկ այս օրերս Կովկաս
է դալու Պետերբուրգի յայտնի բժիշկներէից մէկը՝ փորձեր անելու
համար:

Եւ ով գիտէ, ի՞նչ էրլիխի նշանաւոր գիւտը դեռ քանի
տեսակ ուրիշ հիւանդութիւններ բուժելու է կոչուած...

2. ԴՐ. ԴՈՒԱՅԷՆԻ ՀՐԱՇԱԳՈՐԾ ԷԼԻՔՍԻՐԸ

Մենք արդէն տպեցինք մեր Վեննայի թղթակցի հետազոտը,
թէ ինչպիսի անվստահութեամբ վերաբերուեց բժշկական աշխարհը
Պարիզի վիրաբոյժ Դուայէնի յայտնագործութեան: Այժմ Matin
լրագրում կարդում ենք իրա, դր. Դուայէնի աւելի մանրամասն
հաղորդագրութիւնը այդ գիւտի մասին: Դր. Դուայէնի յօդուածը
խիստ հետաքրքրական կերպով է առաջ բերում այն գեկուցում-
ների բովանդակութիւնը, որ հեղինակն արել է Բուդապէշտի վեր-
ջին բժշկական կօնգրէսում և այժմ բնագիտական միջազգային
կօնգրէսում: Այդ յօդուածի վերնագիրն է «Կեանքի երկարութիւնը:
Շնչառութեան գործարանների, որկորի և կաշուի խլիրդի (ракъ)
վերջնական ոչնչացումը»: Դուայէնի գիւտը, ինչպէս ինքն է գրում,
25 տարուայ աշխատանքի պտուղն է: Վիրաբուժութեամբ պարա-
պիլը նրան տարել է դէպի մանրէների պատճառած հիւանդութիւն-
ների ուսումնասիրութիւնը: Իր աշխատանքների սկզբում նա դի-
մեց Պաստեօրին խնդրելով ընդունել իրան իր ինստիտուտը: Սա-
կայն նա պահանջեց իրանից, որ վիրաբուժութիւնը թողնէ և այս
բանին Դուայէնը չհամաձայնեց, որովհետեւ գտնում էր, որ աւելի
արդիւնաբեր կլինի հիւանդ մարդուն ուսումնասիրելը, քան լա-
բորատորիական փորձերը: Նա գնաց իր ճանապարհով և այժմ
յայտնում է իր գտած մի նիւթի մասին, որը նա անուանում է
«միկօլիզին» և որ, նորա խօսքով, ընդունակ է նախապաշտպանել

և բժշկել մեզ յայտնի գրեթէ բոլոր վարակիչ հիւանդութիւնները: «Միկոլիզինը» բաղկացած է ֆէրմէնտներից հանած կօլլօիդ-ներից: Նա ընդունակ է գրգռել ֆագօցիտներին՝ արագութեամբ ոչնչացնելու միկրօբներն ու տօկսինները: Միկոլիզին կուլ տալն ու սրսկելը, ասում է Դուայէնը, վերջապէս բժշկում է շնչառութեան գործարանների, որկորի և կաշուի հիւանդութեանց մեծ մասը: Առանձնապէս էլէքտրարբուժութեան հետ միասին միկոլիզին սրսկելը ոչնչացնում է խլիրդը: (P. B.)

Օր. Ն. Աղսնեան

ՍՏԱՑՈՒԱԾ ԳՐՔԵՐ

Բ. Իշխանեան. Հասարակական գաղափարները Ռ. Պատկանեանի և Ս. Շահազիզի բանաստեղծութիւնների մէջ. ընդարձակ ներածութեամբ. Ռուսահայ վերածննդի սօցիալական դաւանանքի բնոյթը. սօցիօլօգիական վերլուծութիւն. Թիֆլիս 1910—1 ռ:

Արշ. Շահնազարեան. խաւար աշխարհում. պատմուածքներ. Երևան 1910—1 ռ:

✠ Հրաչեայ Աճառեան. պատմութիւն Հայոց նոր գրականութեան. պրակ Ա. Ն. Նախիջևան 1910—30 կ.

Էդմօնդօ դէ-Ամիչիս. Հիւանդապահ որդին. Թարգման. տ. Բիւրեղ, Հրատ. Աղբիւր-Տարազի 1910 Թիֆլիս 7 կ.

Սաբ. Սահակեանց. սրբազան պատմութիւն հին ուխտի. 1910 Թիֆլիս.

Ուղեցոյց գիւղացի կօօպերատորին. Հրատ-բժ. Ա. Բուդուղեանի, Թիֆլիս 1910 25 կ. (Դիւղատնտեսի խմբագրութիւնից)

Յ. Մալխասեան. մեր բարեկամները. Թիֆլիս 1910. 15 կ.

Ս. Թառայեան-ընտանիք բ. հրատ. Թիֆլիս 1910. 10 կ.

Դպիր Ս. Գամալեանց, կրօն առաջին բաժ. աշակ. համար, Թիֆլիս 1910 գ. 20 կ.—նոյն երկրորդ բաժ. 15 կ.

Սիօն վ. տէր Մանուէլեան. Եզիտի կուրմանք. Ախալցիա 1910 40 կ.

✠ Ժամանակաւոր հրահանգ Թեմական ժողովի. Վաղարշապատ 1910.

B. Lucifer. աշխատանքի և աշխատաւորի գաղափարը Ադա—Նեգրիի, Յ. Յակոբեանի և Շ. Կուրդինեանի բանաստ. մէջ. 1909 Ն. Նախիջևան 20 կ.

Յ. Կոստանեան. ուղտն ու էշը. 1910 Բագու. 25 կ.

ԱՄՍՈՒԱՅ ՏԵՍՈՒԹԻՒՆ

ՈՒՍՈՒՑՉԱԿԱՆ ԽՆԴԻՐ.—ՀԱՅՈՑ ԵԿԵՂԵՑԻՆ ԹԻՒՐԳԻԱՅՈՒՄ
ԵՒ ՄԻՏՏԻՆԳՆԵՐ.—ԴԱՐՁԵԱԼ ՕՐՄԱՆԵԱՆ ՍՐԲԱԶԱՆ:

Ռուսահայոց կեանքում վերջին ամիսներն առանձին կենսունակ խնդիրներ չեն եռում. մի հատիկ էական խնդիրը դպրոցական խնդիրն է:

Ներկայումս հայ ըրագրութեան մէջ ահագին բանակուի է մղում հայոց ուսումնարանների հոգաբարձութիւնների, ուսուցիչների և դպրոցական խնդրով շահադրգուածների մէջ. բանակուի առիթ է տուել այն հանդամանքը, որ Յոգնանեան ուսումնարանի նոր հոգաբարձութիւնը միանգամից հեռացրեց դպրոցից տեսուչ Տ. Ռաշմաճեանին և ամբողջ ուսուցչական խումբը և տեսուչ նշանակեց Ներսիսեան դպրոցի ուսուցիչ Ա. Մալխասեանցին: Այս դէպքը առիթ տուաւ բազմաթիւ բողոքների, որ ուսուցչական պատիւը ոտնակոխ է արուած, որ ուսուցիչները անկայուն և անապահով վիճակ ունեն և որ նոցա բազում կախուած է հոգաբարձուների և հոգևոր իշխանութեան քմահաճոյքից:

Շատ ճիշտ են ի հարկէ այդ բողոքները և միանգամ ևս գալիս են ապացուցանելու, որ մենք, հայերս, անընդունակ ենք մեր հաստատութիւնները կառավարելու: Բայց նշանակալից է այն, որ այս խնդիրը ծագեց այն դէպքից, երբ մի կուսակցութիւն հեռացրեց միւս կուսակցութեան մարդկանցը. մի հանգամանք, որ միշտ և ամեն ժամանակ կատարուել է առանց բողոքի և բողոքողի ձայներն էլ խեղտուել են իշխող կուսակցութեան ճնշման ներքոյ: Ինչո՞ւ են մոռացուել այն ժամանակները, երբ մի կուսակցութիւն արձակելով Ներսիսեան դպրոցի տեսչին պաշտօնից և հրաւիրելով իր արբանեակ Բէգնազարեանցին տեսուչ, միանգամից արձակեց դպրոցի բոլոր ուսուցիչներին և յետ ընդունեց նոցանից միայն իր հաշիւներին ձեռնառու մի քանի անձանց. ինչո՞ւ են մոռացուել նման բազմաթիւ դէպքեր վերջին երեսուն տարուայ ըն-

թացքում, երբ նոյն դպրոցում տասնեակ անգամ կրկնուել է նոյն երևոյթը աւելի կամ նուազ չափով և բազմաթիւ ուսուցիչներ ու ծառայողներ փողոց են շարտուել առանց որևէ պատճառի ու թողնուել բաղտի կամքին: Ինչո՞ւ են մոռացուել այն դէպքերը, երբ մի հոգաբարձութիւն իր մարդկանց պաշտօն տալու համար ինքնակամ կերպով դպրոցի ծրագիրն է փոխել և մէկ՝ հնախօսութիւն է մտցրել, մէկ՝ հաշուապահութիւն, մէկ՝ մարմնամարզութիւն և այդ մարդկանց հեռանալու հետ միասին ծրագրից դարձեալ հանել նորաստեղծ առարկաները: Ինչո՞ւ չեն մտաբերում մարդիկ, որ հայ դպրոցի հոգաբարձութիւնները միշտ այն լիակատար ինքնավարական ազատութիւնն են վայելել իրանց գործողութիւններին մէջ, որպիսին չէ վայելում այդ հաստատութիւնը ոչ մի բարեկիրթ երկրում. հոգաբարձութիւնները թոյլ են տուել, որ դպրոցի ուսուցչական կազմը հիւրանոցներում ժողովներով դատապարտեն այնպիսի մասնագէտ հանձարներին, ինչպիսին Մակար Եքմալեանն էր, թոյլ են տուել, որ Եքմալեանը իբրև ուսուցիչ տարիներով դպրոցի ծառայի սենեակում անցկացնէ դասամիջոցների ազատ ժամերը, այդպիսով հոգեպէս տանջուի և վերջի վերջոյ խելագարուելով գերեզման իջնէ իսկ դոցա հեղինակները խրախուսուին. հոգաբարձութիւնները թոյլ են տուել, որ ապաշնորհ տեսուչներ և ծառայողներ հազար հազարներով աւելորդ վարձատրութիւն ստանան դպրոցական դրամարկից, թոյլ են տուել, որ 4—5 տարիներ ծառայողներին ահագին կենսաթոշակներ սահմանեն և քսանական տարիներ ծառայողներին առանց թոշակի ճանապարհ դնեն, թոյլ են տուել դպրոցական խոշոր գումարների գոյութիւնը վճարողներին անթարկել. և թոյլ են տուել շատ և շատ ուրիշ բաներ. և այս ամենի մասին մամուլը խորհրդաւոր լռութիւն է պահպանել. բայց եթէ մամուլը լռէ, Ներսիսեան դպրոցի գաղտնապահ «արխիւ» ը կաղաղակէ...

Այժմ էք, պարոններ, տեսնում հոգաբարձական շահատակութիւնները, երբ Ձեր կաշուին է դիպչում նոցա ներգործութիւնը. հապա ուր էիք այն ժամանակ:

Խնդրին այդ ձեւակերպութեամբ մերձենալը շատ գծում բան է: Նախ և առաջ բացէք թանձր քօղը մեր դպրոցների պատմութեան վրայից և ապա խօսեցէք:

Դալով մեր թիւրքահայ եղբայրներին, նոցա մէջ չարաչար պայքար է մղուում ներկայումս յեղափոխական կուսակցութիւնների մէկ կողմից և խաղաղ յառաջադիմական կուսակցութիւններին մէջ միւս կողմից: Այդ պայքարը վերջերս արտայայտուել է միտտինգային խնդրով, որ գաւառների եկեղեցիներում նոյն իսկ մի քանի զոհեր է տուել:

Միտտինգը, յայտնի է, այն քաղաքական ցոյցն է կամ հրապարակական բողոքը, որ ամբոխի կողմից արտայայտուում է հրապարակի վրայ և որին ներկայ են լինում շահագրգռուած ժողովուրդները ինչ ազգին էլ որ պատկանելիս լինին, և միտտինգներում ճառելու լեզուն էլ ըստ այնմ տարբեր է լինում:

Այստեղից հետևում է, որ միտտինգներ կարող են կազմուել չեզոք տեղերում կամ բաց հրապարակի վրայ, որ ոչ մի ազգի սեպհականութիւնը չէ կազմում. բայց Տաճկաստանում Հայ յեղափոխականները ցանկանում են, որ այդ միտտինգները գումարուին անպատճառ հայ եկեղեցիներում:

Ազգիս վեհափառ կաթողիկոսն իմանալով այդ, մօտերս մի կնդակ ուղղեց Կ. Պօլսի հայոց պատրիարքին, որով արգելում էր հայոց եկեղեցիներում միտինգներ գումարելը:

Սակայն յեղափոխականները բողոքեցին հայրապետական այդ կարգադրութեան դէմ և բռնի կերպով միտտինգներ գումարեցին հայ եկեղեցիներում, բայց այդտեղ արդէն դէմ կանգնեց խաղաղութեան սիրահար ժողովուրդը և ընդհարումներ տեղի ունեցան հրկու կողմերի մէջ, որի ժամանակ եկեղեցիներում սպանուեցան մի քանի հոգի:

Հայոց եկեղեցին երբէք չէ արգելել ժողովներ կազմելը եկեղեցիներում՝ իր սպասաւորների ընտրութեան համար, սկսած կաթողիկոսից մինչև վերջին տիրացուն, եկեղեցական—տնտեսական և զարոյցական խնդիրների համար և այլն. և եթէ կուզէք, չէ արգելում նոյնպէս և միտինգներ գումարելը ազգային որևէ աղէտի ժամանակ ձայն բարձրացնելու եկեղեցու և ժողովրդի իրաւանց պաշտպանութեան համար. բայց միայն ազգայիններին և ոչ թէ ամեն ազգի խաթամուժ ամբոխին, որով եկեղեցին կորցնում է իւր ազգային նշանակութիւնը:

Օրինակներ շատ կան այս մասին անցեալ պատմութեան մէջ:

Մենք դէմ չենք նոյն իսկ, որ հայերը, եթէ ցանկանում են, միտտինգներ գումարեն ամեն ազգութիւնների հետ միասին, միայն հայ եկեղեցուց դուրս: Փառք Ալլահին, Տաճկաստանում ազատ տեղիւր շատ կան դորա համար:

Պակաս յուզմունք չէ՝ առաջ բերել երկու կողմերի հայերի մէջ և մի այլ դէպք, որ տեղի ունեցաւ Կ Պօլսի մայր եկեղեցու մէջ:—Կ. Պօլսի պատրիարքը, անշուշտ ժողովրդի ցանկութեամբ, թոյլ էր տուել Օրմանեան սրբազանին պատարագիլ Կ. Պօլսի Գումգարուի եկեղեցում. նա արդէն առաւօտեան պաշտամունքի կարգը կատարել՝ պատրաստուում էր պատարագ սկսելու, երբ յանուն յեղափոխութեան՝ մի քանի հոգի ստիպում են նորան դադարացնել պատարագը. և իմաստուն եպիսկոպոսը խոհեմութիւն է համարում տեղի տալ բռնութեան առաջ. փոխարէնը պատարագում է մի քահանայ:

Այս տմարդի արարմունքի վրայ վրդոված է ազգի լուրջ և խոհուն դասը և սպասում է Կ. Պօլսի ամեն. պատրիարքի հրապարակական ըացատրութեան:



Լ ՈՒ Ր Ե Ր

Ամսաթիւրթիս կանոնաւոր հրատարակութիւնը խանգարուեց այն հանգամանքով, որ թերթիս մայիս ամսի համարի համար շարուած նիւթերի մի մասի սրբագրութիւնն ու ձեռագրերը գտնուում էին մեր մի աշխատակցի մօտ, որ մի թիւրիմացութեան պատճառով բանտարկուեց անակնկալ կերպով և նորա հետ գրաւուեցան յիշեալ նիւթերը. այդ մասին խմբագրութիւնս յայտարարեց մամուլի միջոցով: Այժմ, մեզ յաջողեց յետ ստանալ այն ամենը և խմբագրութիւնս կաշխատէ հասցնել պակաս համարները և նախկին կանոնաւորութեամբ հրատարակել «Լումայ» ամսագիրը:

Ազգիս վեհափառ Հայրապետը ս. Էջմիածնից բարեհաճեց այցելել Թիֆլիս. տեսակցեցաւ երկրիս իշխան կոմս փոխարքայի հետ և խօսակցութիւն ունեցաւ նորա հետ հայոց դպրոցական խնդրի առիթով և յուսադրուած մեկնեցաւ դարձեալ ս. Էջմիածին. Տայ Աստուած, որ այդ յոյսերն իրականութիւն ստանան մօտ ապագայում:

Առաջիկայ Սեպտեմբերի 12-ին ս. Էջմիածնում կատարուելու է մեռոնի օրհնութիւն, որի մասին «Արարատ» ամսագիրը պաշտօնապէս յայտարարել է ի գիտութիւն հայոց ազգի:

— Պետերբուրգի հայ գեղարուեստասէրների ու մասնագէտների մի խումբ կազմակերպում է մի նոր ընկերութիւն «Հայ գեղարուեստական ընկերութիւն» անունով, որի նպատակը պիտի լինի սէր և հետաքրքրութիւն զարթեցնել ղէպի գեղարուեստը հայ հասարակութեան զանազան խաւերում: Ծրագիրն արդէն յանձնուած է կառավարութեան 'ի հաստատութիւն: Մշակ

— Յուլիսի 30-ին և 31-ին Մեծ Մասիս բարձրացան քնադիտութեան մագիստրոս պ. Բօզնետալ, մեքենայագէտ Վէյս, դօկտոր Փօն-Դեյկ Պօստ, պ. Վեյֆելրախ, դօկտոր Նիւտօն, պ. Սէյլան և Պադուայի անգլիական գէներալ Կօնսուէլ պ. Լինտօմ: Հորիզօն

— Նախարարութիւնից հարց է ուղղուած ս. Էջմիածնի սինօդի դատախազին, թէ հայոց ինչ թիմական խորհուրդներ են կազմակերպուած, որ մինչև այժմ յայտնի չեն կառավարութեան և ինչ հիման վրայ. Նոյնպէս և պետական սենատը անվաւեր է համարել հարուստ կալուածատէր Միք. Արամեանցի ամուսնալուծութիւնը, որ կատարուած էր Էջմիածնի սինօդի վճռով:

— Մամուլի մէջ երևեցան մի քանի յօդուածներ, որոնցով առաջարկում են իբրև ամենաարժանաւորը և ձեռնհաս Էջմիածնի հոգևոր ճեմարանի տեսչութեան (Սուրհ.) և Ներսիսեան Դպրոցի հայկաբանութեան համար հայագէտ պ. Կարապետ Կոստանեանցին: Յայտնի է, որ պ. Կոստանեանը երկար տարիներ վարել է Ներսիսեան դպրոցի և Էջմիածնի ճեմարանի պաշտօնները և այժմ մամուլի մէջ նորան առաջարկում են նոյն իսկ այն անձինք, որոնք նորա տեսչութեան օրօք համարուում էին պ. Կոստանեանի հակառակորդները:

— Երկարատև հիւանդութիւնից յետոյ վախճանուեց Թիֆլիսի քաղաքագլուխ իշխ. Չէրքէզով, որի թաղումը կատարուեց մեծ շքով և քաղաքիս գրեթէ բոլոր հաստատութիւնների ներկայացուցիչների մասնակցութեամբ: Թերթիս խմբագիրը զրկուած լինելով հնարաւորութիւնից անձամբ մասնակցելու յուղարկաւորութեան, իր ցաւակցութիւնը յայտնեց քաղաքագլխի պաշտօնակատար պ. Ա. Խատիսեանին հետեւեալ հեռագրով. — Խորին յարգանքի արժանի իշխան Վասիլ Ի. Չերքէզովի տխուր յուղարկաւորութեան օրը Հայոց «Լումայ» ամսագրի խմբագրութիւնը յայտնում է իւր խորին ցաւակցութիւնը հայրենի երկրի ազնիւ աշխատաւորի մահուան առիթով:

Ն. Աղանեան տպարանը Բերլինում Բէրտհոլդի նշանաւոր ձուլարանում պատրաստել է տալիս նոր տեսակ հայերէն տառերի մայրեր «Աղանեան—Լիսիցեան» տիպի, որ կլինի սեպհականութիւն նոյն տպարանի։ Նոր տառերը պահպանում են իրանց հայկական բնոյթը, բայց յարմարեցրած են հրոպական տառերի նորադոյն ձեւերին։ Մայրերը պատրաստ կլինին սեպտեմբերին և տառերը գործադրութեան մէջ կը մտնեն առաջիկայ աշնանից։

ԽՄԲԱԳՐՈՒԹԵԱՆ ԿՈՂՄԻՑ

Մեր բաժանորդներից ոմանք նամակներով հարցնում են, թէ երբ պէտք է ուղարկուի իրանց «Լումայ» ամսագրի ձրի յաւելուած «Եղիշէի Վարդանանց պատմութեան» նոր հրատարակութիւնը։ Հարկաւոր ենք համարում յայտնել, որ մեր պրէմիան ուղարկուելու է դեկտեմբերի համարի հետ և այն՝ միայն վճարող բաժանորդներին։

ՅԱՅՏԱՐԱՐՈՒԹԻՒՆՆԵՐ

ՏՊԻՈՒՄ Է

ԵՒ ՇՈՒՏՈՎ, ԼՈՅՍ ԿՏԵՍՆԷ

ՅԻՏԱՏՆԵՐԻ ԲԱՌԱՐԱՆ

Լասիներէն — հայերէն

Յաւելուածներով, համառօտ քերականութիւնով և բացա-
տրութիւններով

Կազմեց Վ. Ա.

Բացւած է 1910 թ. բաժանորդագրութիւնը

V S U R Ի ՅԱՍԿԵՐ V S U R Ի

Վանկական պատկերազարդ տնայարի

Ամսագիրը լոյս է տեսնում մշտական աշխատակցութեամբ

ՅՈՂԷ. ԹՈՒՄԱՆԵԱՆԻ և ՍՏ. ԼԻՄԻՏԵԱՆԻ

1910 թ.ին ՀԱՍԱԿԵՐԻ ԵԱՐԱՆԻԱԾՆԵՐԸ, ինչպէս են՝

2 ԳՈՒՆԱՏԻՊ ՀԵՔԻԱՔ, 2 ՊԱՏՆԵՐՈՂԱՐԴ ՊԱՏՄԻԱԾԲ, 1 ՄԱՆԿ. ՊԻՆՍ, 1
ԲՆԱԳԻՏ. ԶՐՈՅՑ, 1 ՀԱՄԱՇԽԱՐՀ. ԺՈՂՈՎՐԴ. ԱԻԱՆԴՈՒԹԻՒՆ, 3 ՎԷՊԻԿ, ՊԱՏ-
ՄԻԱԾԲ, ԵՐԳԻԾԱԲ. ԶՐՈՅՑ, 2 ԿՐԱԿ «ՄԱՆԿԱՎԱՐԺԱԿԱՆ ԳՐԱԴԱՐԱՆ» ԸՆՏԱ-
ՆԵԿԱՆ ԿՐԹՈՒԹՅԱՆ ՀԱՐՑԵՐԻՆ, ԿԵՐԱԾ

ԲԱԺԱՆՈՐԴԱԿԻՆՆ Է ՀԱՆԱՊԱՐՀԱԾԱԽՍՈՎ.

Տարեկան 4 ռ. առանց յաւելուածների 3 ռ.
Պարկատանում 4 ռ. 50 Կ. 3 ռ. 50 Կ.
Արտասահմանում 12 ֆր. 9 ֆր.

Սկզբից (1905 թ. սեպտ. մինչև 1910 Վերջը) 16 ռ. 2 ռ. 50 Կ.
Խմբագրատան հասցէն՝ Թիֆլիս, Բեհրութեան փող. 25—(Тифлисъ,

Редакция журнала „АСКЕРЪ“ Tiflis (Caucase) Rédaction du journ.
«Hasker»

Խմբագիրը — Հրատարակիչ Կառ. Լիսիցեան

Թիֆլիսում կարելի է գրել նաև «ԳԱՆՈՒՆՆԵՐԻՆ», ԲԱԿԱՆԻՐ, ԿՐԱԿԱՆԻՐ,
գրախանութ,

ՏՊԻՈՒՄ է

Գ Ի Ի Ա Ն

ՀԱՅՈՑ ՊԱՏՄՈՒԹԵԱՆ

Գ Ի Բ Ք Թ.

Յովսէփ Արղուքեան

Շարունակուած է 1910 թ. բաժանորդագրութիւն

ԳՐԱԿԱՆ—ՀԱՍՏԱՐԱՆԱԿԱՆ „Լ Ո Յ Ս“ ՇԱՐՍԹԱԹԵՐԹԻ

«ԼՈՅՍԻ» ՆՊԱՏԱԿՆ է՝ կապ հաստատել Նոր-Նախիջևանի, Հիւսիսային Կովկասի, Խրիմի և ընդհանրապէս Ռուսաստանում ցրուած հայ գաղութների միջև, մասնակից անելով նրանց ընդհանուր հայկական կեանքին:

«ԼՈՅՍԻ» ԲԱԺԱՆՈՐԴԱԳԻՆԸ.— Ն. Նախիջևանի, Ռոստովի ու շրջակայ հայ գիւղերի համար տարեկան՝ 3 ռ., կէս տարին՝ 2 ռ., 3 միսը՝ 1 ռ.: Ռուսաստանի այլ տեղերի—տարեկան՝ 4 ռ., կէս տարին՝ 2 50 կ. և ամիսը 1 ռ. 50 կոպ.: Արտասահմանի համար— տարեկան՝ 6 ռ. կէս տարին՝ 3 ռ.: Համարն ամեն տեղ արժէ 10 կոպ.:

Ընդունում են յայտարարութիւնների ձեռնտու պայմաններով բոլոր լեզուներով.—տողատեղին I երեսում՝ 20 կ., վերջին երեսներում՝ 10 կոպ.:

Հասցէն Нахичеванъ на Дону, редакция армянскаго журнала „ЛУЙСЬ“ Խմբագիր-հրատարակիչ՝ ԲԺ. ԳԵՈՐԳ ՌԷԻԶԵԱՆ:

15-7 Տ Ա Ր Ի

1910

Լ Ո Ւ Մ Ա Յ

ԳՐԱԿԱՆ-ՊԱՏՄԱԿԱՆ ԵՒ ՔԱՂԱՔԱԿԱՆ ԱՄՍԱԳԻՐ

1910 թուին Լուսման լոյս է տեսնում իւր այժմեան
դիրքով, բաղկացած 64—80 երեսներից, մեր մշտական
աշխատակիցների գործակցութեամբ: Ինչպէս միշտ, հար-
կաւոր դէպքերում, կտրուեն պատկերներ հասարակական
երևոյթների առթիւ:

1910 թուի «ԼՈՒՄԱՅ»ի ԿԱՆԽԻԿ ՎՃԱՐՈՂ Բա-
ժանորդները կստանան իբրեւ Պ Ր Է Մ Ի Ա

Ե Ղ Ի Հ Է Ի

ՎԱՐԴԱՆԱՆՑ ՊԱՏՄՈՒԹԵԱՆ
աշխարհաբար նոր թարգմանութիւնը:

ԲԱԺՆԷԳԻՆՆ Է տարեկան 6 ռ., կէս տ. 4 ռ.
Արտասահման " 8 " " 5"
ՈՒՍՈՒՑԻՉՆԵՐԻ, ԱՇԱԿԵՐՏՆԵՐԻ, ՔԱՀԱՆԱՆԵՐԻ
ԵՒ ԳՈՐԾԱԿԱՏԱՐՆԵՐԻ ՀԱՄԱՐ «ԼՈՒՄԱՅ»-Ի
ՏԱՐԵԿԱՆ ԲԱԺՆԷԳԻՆՆ Է 4 ՌՈՒԲԼԻ

ԱՊԱՌԻԿ ՈՉՈՔԻ ՉԻ ՈՒՂԱՐԿՈՒԻ

Հասցէն Թիֆլիս Պօլիցէյսկայա 7. Tiflis Polizeiskaja, 7.